

## Nsyõ-á Nìvùnì tir nê wārku Yesu tyí sɔkɔ

*Yesu nê-á Liyel Pi núkúnîne, ñmɔ ye weyne nê-á min nétêne*

<sup>1</sup> Tyi pól tyah gbíne, nê-á weyne,\* à lésõ me. A lésõ me ànê Liyelle. Liyel ye ñne.

<sup>2</sup> Ñmɔ ye lésõ me ànê Liyelle tyah gbíne.

<sup>3</sup> Yíyìn pól mɔ ñmɔ gbò yõ sɔkɔ. Yì nónó pól-á mɔ, sé kèyäh nítê náh mɔ né ñmɔ náh.

<sup>4</sup> Ñmɔ sɔkɔ ye min n we. Kéne min ye kyòole névye tyí.

<sup>5</sup> Kè me kò tẽ kyòo fěntú sɔkɔ, té fěntú náh tẽ we ké yah kò.

<sup>6</sup> Képah sɔkɔ, Liyel pɔ dí yó tõ, nê yìn-á Nsyõne.†

<sup>7</sup> Ñmɔ ye pɔ kyòo mè tyí yo wah névye tyí, ne pé pól we sě ké yõ sɔkɔ ñmɔ gbò yõ.

<sup>8</sup> Ñmɔ náh sò kyòo mène, ñte ké tyí yónwàh-ñsah ye sò à pɔ.

<sup>9</sup> Wey mène, kyòo kègbɪ ye sò kéle, nê-á pɔ kèkõyó sɔkɔ, à pɔ pɪ kyòole no pól tyí.

---

\* **1:1** 1.1 - Wey nê tyí-á n yo ásô sɔkɔ yò, Liyel Pídí Yesu ye. Légbíne à náh tñnì sò me pɪ névile. Yah n te Nsyõ 1.14. † **1:6** 1.6 - A wil Nsyõ 1.42 ànê Nsyõ 21 tyí sɔkɔ, Nsyõ sèbéy mè pól sɔkɔ, yâh fyò Nsyõ yìn we wárkínsàhnóle nýäh sɔkɔ, wèlnwìlkì-ò Nsyõ ye pè n ye.

10 Té nê-á wey mène, à sò me kèkõyó soko. Kèkõyó mo ñmo gbò yó soko, ñte képah fyé yó, kèkõyó névye náh tẽ we à yah pĩ.

11 N yẽngbẽ tyah soko ye à pɔ, té ñ no náh à tẽ ple.

12 Nte nónó tẽ wɔ-á à tẽ ple té sã ñ yó, à tẽnwenɔle pépi kɔ pè pɪ Liyel wẽnpìle.

13 Nte tó soko dubi dùkù, képah náh pɪ wil gbẽnsé dékè, képah náh pɪ névi dyo yí tẽ soko náh pè pɪ Liyel wẽnpìle dé! Liyel gbò yó soko ye pè we.

14 Wey ye vi mo pɪ névile à pɔ twah tẽ á wró. Yòbènrɪ pí-ò ye ñne, ànê à me gbɪ ó ñ tóó. Nmo nê-á Liyel Pi núkúníne, á ye ñ tórí we, tórí nê-á à we syi ñ Sú tyí.

15 Nmo tyí ye lésõ Nsyõ yo tũ léyy ne íkẽ: «Nmo tyí soko ye mé lésõ kè yo ne íkẽ: «Nnî kɪ n pɔ n pi ñmo tyí náh, té à me te té ñmo dubi, képah ye à kal íne.»»

16 Api me yòbènrɪle n tó n we n yuku ñ ñìgbèkì tnónkàhnmono gbò yó, ñmo nê-á Yesule.

17 Moyisi gbò yó ye Liyel ñ tyi kònsàhnóle á kɔ. Nte Yesu nê-á Liyel ney yáhtokɔnɔle, ñmo wɔ gbò yó soko ye yòbènrɪ ànê gbɪ wɔ we.

18 Nnî yó ítẽ yí náh tẽ yah Liyel yó. Nte ñ Pi núkúní nê tyí-á yo soko, ñmo nê-á Liyelle, té me Sú Liyel tnô, ñmo ye Liyel dùkùle á wẽkɪ.

*Wèlnwìkì-ò Nsyõ-á ñ gblóy tyí dùkù yo wah sɔ*

19-20 Nsyifuno yõtãm lésõ Yerusalemı kwil sárká syínwìkìpu, ànê Levi yìkì névyé yísyó tõ Nsyõ tyí, pè kyı à piki yah ne, ñmɔ tẽ se ne nê ó-á péwɔle ni? Nsyõ náh yahle ké yónóle pé tyí dé! A kè yo dal mɔ pé tyí pnéyy pé pól yí yah ne, péwɔ náh Liyel ney yáhntòkɔnɔle.

21 Képah sɔkɔ, pè me ne, ñte nê se ñmɔle ni? Nkẽ ñmɔ se Yelile‡ ni? Nsyõ me pè syah ne, ñmɔ náh péwɔle. Pè ne, ñte Liyel tẽntò syínyo-ò§ nê-á kɔ n pɔ n pi, ñmɔ se ñne ni? A me ne ẽ-á.

22 Képah tẽne, pè ne, ñte ñmɔ tẽ se ne nê ó-á péle ni? A kè yo pé syah pé kɔ pé kyı we yo pé tópu tyí kè. Nkẽ sɔ se à kɔ yo ñ gblɔy tyí sɔkɔ ni?

23 Képah sɔkɔ, Nsyõ me ne: «Ñmɔ tyí ye lésõ Liyel tẽntò syínyo-ò Yesayi yo sah ñ wey sɔkɔ ne, ñnî yínpɔ-á me n dɔkɔ gbɛnnı sɔkɔ ne ñkẽ: <Yé wɛkì tõ sah Tẽ ñgbɛ yinne!>»\*

24 Nte nónó-á sò pè tõ Nsyõ tyí, Farisi wɛkì kópú ye sò péle.

25 Pè tõ à piki yah ne, ñmɔ-à ñkɛne Liyel ney yáhntòkɔnɔle, képah náh pı Yelile, képah náh pı Liyel tẽntò syínyo-òle, ñte kwâh nê se pı té à névyele n wel n wilki ni sɔkɔ ni?

‡ 1:21 1.21 - Yelile, Liyel tẽntò syínyo-ò ye lésõ ñne, té à pɔ à yõ dɔkɔ sɔkɔ yinyõ. Kè me yónóle Malaki 3.23 sɔkɔ ne, wãh kɔ ñ syı pɔ Liyel ney yáhntòkɔnɔ pónó tyi tõ sah. Képah ye Nsyifuno kɔ pè Nsyõne n piki n yah ne Yeli se ñmɔle ni? § 1:21 1.21 - Nsyifuno gbò sáhnó sò me Tõnyonɔ sébéy 18.15-22 wey yõ sɔkɔ ne, Liyel-á kɔ ñ tẽntò syínyo-ò tekı mɔ n pi Moyisi tyí kòle. \* 1:23 1.23 - Yah n te Yesayi 40.3.

26 Képah sɔkɔ, à yo pé tyí ne: «Ñmo tẽ wɔ me nolɛ n wel n wilki ni sɔkɔ, nte nnî me yépi wró, nê-á yé náh òne n pne.

27 Nmo kɪ n pɔ n pi ñmo tyí náh. Té ñmo ñtẽ fɔ́rɔɔ kah ò lékyêh mɔ fyé dénmonɔle.»

28 Kéne tyi pól sò pɪ Betani kwil sɔkɔ, Nsyurdẽ yónkahnɛne. Nénpó sɔkɔ ye sò Nsyõ n wel n wilki nolɛ ni sɔkɔ.

### *Tyípêl tɛnyõ-òle*

29 Ké dɪndalle, Nsyõ-á Yesu we à me n pi ò tnô, à ne ñkɛ: «Yé yah, Liyel-á kèpópíkí† nê tekɪ mɔ kèkôyó névyɛ tyípêl tẽ yõ yinne, ñmo ye yò.

30 Nmo tyí sɔkɔ ye mé lésõ kè yo ne ñkɛ: «Ñnî kɪ n pɔ n pi ñmo tyí náh, té à me te té ñmo dubi, kèpah ye à kal ñne.»»

31 Nmo ñtẽ tɔ náh lésõ òne n pne. Nte yáh we mé pɔ wèlnwìlkìnóle n pɪ ni sɔkɔ, ò dùkù ye mé Yisrayel tãne n wɛkɪ.»

32-33 Nsyõ tyíyókè mè yo Yesu tyí sɔkɔ ne ñkɛ: «Liyel nê-á tekɪ mɔ ñne ne mé wèlnwìlkìnóle n pɪ ni sɔkɔ, à lésõ yo í tyí ne ñkɛ: «Wáh kɪ Liyel Mirki we kè tiki pɔ tẽ nê yõ, ñmo ye kɪ névyɛle n wel n wilki Liyel Mirki sɔkɔ.» Nmo ñtẽ náh lésõ òne n pne. Nte mé pɔ Liyel Mirki we kè wil yînyõ à n tiki n pi kèpíkípíkí tyí kòle, à pɔ tẽ ò yõ.

34 Mé ye kè we yîne. Képah ye mé kéle n yo n dal mɔ ne, Liyel Pídí-á dí mène.»

† 1:29 1.29 - Yah n te Yálnó 12.3.

## *Yesu tò sáhpú négbrole*

<sup>35</sup> Té dindalle, Nsyõ tã sò me nénpó ànê ò tò sáhpú sòkò népí ními yísyóle.

<sup>36</sup> Wăh Yesu we à pɔ n sòkò à ne níkě: «Yé yah kérépíkìlè, nê-á Liyel tekɪ mɔ.»

<sup>37</sup> Képah tēne, Nsyõ tò sáhpú népí ními nópi-á ò wey mè noh sě, pè kō Yesu náh.

<sup>38</sup> Yesu-á vi yah té pé we pè me ò sò tē, à pè piki yah ne, kwâh nê se pè n yah n kō nɪ? Pè me à ye Wrabile, nê kór-á kwó-ò dīne. Té à piki yah ne, ò twáhntě-nsah se me íyāh sòkò nɪ?

<sup>39</sup> A me yo pé tyí ne, pè pɔ, páh kɪ kyɪ kè we. Pè me ò sò tē kyɪ ò twáhntě-nsah we lérínó gbām-ò kénkō sòkò.‡ Képah sòkò, pè me wũ ò tyí, à lésõ gbìyìkì téy pɪ.

<sup>40</sup> Nsyõ tò sáhpú népí ními nónó-á sò ò wey noh té Yesu sò tē, pé sòkò núkú yó yīn ye Andrele. Simo-Pyerɪ yúnpi ye sò òne.

<sup>41</sup> Andre-á yal nénpó, kéné Simo-Pyerɪ tyí ye à kyɪ wil gbenne, òmɔ nê-á ò nénkyídīne, té yo ò tyí ne níkě: «Ápi Krista we.» Krista kór ye Liyel ney yáhntòkònlè.

<sup>42</sup> Képah sòkò, à Simo tē yuku Yesu tyí. Yesu-á Simo we, à à yah, té yo ò tyí ne, Nsyõ§ pídí Simo-á òne, té páh kɪ yīn yó dyɪ à kō Sefasɪle.

‡ **1:39** 1.39 - Gbí nê tyí-á n yo ásô sòkò yò, Nsyifuno lérí yāh dùkù sòkò, méndwô gbí (16 h) kénkô tyí ye pè n yo. Té Wrome tãn wò lérí yāh dùkù sòkò, pōy tã gbí tyí ye pè n yo. § **1:42** 1.42 - Nsyõ nê tyí-á n yo ásô sòkò yò, tókù òne n ye Nsyonasɪle.

Wâh noh ne Sefasí-á, ké kór ye légbúle. Kéne yĩn ye t̃õ pè n ye Pyerile.

<sup>43</sup> Ké d̃indalle, Yesu kè yah t̃ok̃o ne, páh k̃i yuku Kalile gb̃enyah s̃ok̃o. Wãh Filipi we, à yo ñ tyí ne, à pé s̃õ t̃ẽ.

<sup>44</sup> Betsayida kwil ney ye s̃õ Filipile. Kéne kwil t̃ãn ye s̃õ Andre ànê Pyerile t̃ole.

<sup>45</sup> Képah náh, Filipi kỹi wil Natanayeli tyí, té yo ñ tyí ne ñk̃ẽ: «Moyisi tyi k̃õnsahnó ànê Liyel t̃ẽnt̃õ syínyopu-á nê tyí yo sah, á ye à we. Nsyosefu pídí Yesu ye. A n wil Nasareti kwil.»

<sup>46</sup> Wãh yo s̃ẽ, Natanayeli à syah ne, kwáhgbí se k̃i f̃ẽ wil Nasareti kwil s̃ok̃o ni? Filipi me yo ñ tyí ne, à p̃o n yah.

<sup>47</sup> Képah s̃ok̃o, Yesu-á Natanayeli we à n pi ñ tnô, à ne ñk̃ẽ, Yisrayel ney tótó-á yò, nê-á yĩnvĩ náh me ñ s̃ok̃o pólle.

<sup>48</sup> Natanayeli me ne, ñyãh s̃ok̃o se à p̃ĩ péle ni? Yesu me yo ñ tyí ne, Filipi-á pópó ñne n ye, gbí nê-á s̃õ à me s̃ensóké séswô s̃õ s̃ok̃o, páh s̃õ me ñne yah.

<sup>49</sup> Képah s̃ok̃o, Natanayeli me ne: «Kwó-ò dí, Liyel Pídí ye ále. Áw̃o ye Yisrayel t̃ãn yòt̃ẽne.»

<sup>50</sup> Wãh yo s̃ẽ, Yesu me à syah ne, páh yo ñ tyí ne páh s̃õ me ñne n yah, gbí nê-á à me s̃ensóké séswô s̃õ s̃ok̃o, képah kó à k̃õ à s̃ẽ pé yõ ni? Nte ñ yí-á k̃i t̃õ n t̃ẽ n pi tyí-ñgbno yõ k̃i kal nópile.

<sup>51</sup> Té t̃õ ñ syi yo pé tyí ne: «Kègbıgbı t̃ẽ yõ, mé kéle n yo yé tyí, yé k̃i yĩnyõ we

yíkinmɔnɔɛ, té yînyõ tɔnpɪbɪ kɪ mɛ n dɔkɔ, té kɪ n tiki Névi Pídí\* yòtah sɔkɔ.»

## 2

*Fúr syáh nê-á syah Kana kwil sɔkɔ*

<sup>1</sup> Képah náh, ké sèpɪn tɔ-ò sɔɛ, fúr syáh yó sò mɛ n syah Kana kwil, Kalile gbɛnyah sɔkɔ. Yesu yú sò mɛ ké sɔkɔ.

<sup>2</sup> Té pè sò mɛ Yesu tɔ ye ké sɔkɔ, ànê n tò sáhpúɛ.

<sup>3</sup> Páh mɛ fúr syáh mɛ sɔkɔ, ðivě pɔ tɛkɪ. Káh pɪ sɛ, Yesu yú mɛ yo n tyí nɛ, ðivě-á mɛ tɛkɪ no tyí dé!

<sup>4</sup> Yesu mɛ yo n tyí nɛ, kwâh nê se à n yah n kɔ pé tyí nɪ? Pé gbɪ náh tɔnɪ sɛ.

<sup>5</sup> Képah sɔkɔ, n yú mɛ yo ðivě díbípú tyí nɛ, wàh kɪ fyò pɔ tyi nónó yo pé tyí, pè sé pól pɪ.

<sup>6</sup> Té dyêh yâhnpní kénúkò sò mɛ Nsyifunɔ gblɔy tɔnsàhnó\* yinne à yine pé tyi kɔnsàhnóɛ. Sé núkú núkú pól sò mɛ lítírnó lèkwěkwe kénkɔɛ.

<sup>7</sup> Dɔ Yesu mɛ yo pé tyí nɛ, pè ni mɔ pní nópi yíyíɛ. Pè mɛ ni mɔ sé yíyíɛ.

<sup>8</sup> A mɛ nɛ, núkúnúkú pè tãh kyɪ tyi yah wàh-ò dí kɔ. Pè mɛ tãh kyɪ à kɔ.

\* **1:51** 1.51 - Yesu-à Névi Pídí tyíɛ n yo, n gblɔy ye à n ye. \* **2:6** 2.6 - Dyêh yâhnpní ànê gblɔy tɔnsàhnó nê tyí-á n yo Liyel yah sɔkɔ yò, Nsyifunɔ ríkɛnɛ ni mɔ n sah kɛnɛ yâhnpní sɔkɔ, té pàh wil kóló sɔkɔ, képah náh pɪ, pàh n tyah yòke yónóɛ, pè pé gblɔy kãm n wel sépi nine, n pé gblɔy tɔ n sah Liyel yah.

<sup>9</sup> Képah sɔkɔ, tyi yah wàh-ò dí-á kè wɔ yah, kè sò me vi mɔ pɪ ðivēne, té à náh sò me kéne ðivē wĩl-nsah pĩ. Nte ðivē díbípú nónó-á sò di mɔ yɔle, pépi wɔ sò ké wĩl-nsah pĩ. Képah sɔkɔ, dí me fúr pí-ò dí ye,

<sup>10</sup> té yo ñ tyí ne, no pól-á nkēne ðivē pènèkì ñgbò dibi. Névyè-à wɔ kè syõ pé sɔkɔ gbí nēne, nê-à me nónyí-ńkēne, pè n pyě képah dibi. Nte ñmɔ pyě ðivē pènèkì tē wɔ koh sah à pɔ no yĩnkõ gbí tyí nɪ?

<sup>11</sup> Képah ye pɪ Yesu gbĩl tyípíní gbenne, à ñ tǒrí wēki. Káh pɪ sē, ñ tò sáhpú me gbah sē ñ yõ. A gbĩl mē pɪ Kana kwil, Kalile gběnyah sɔkɔ.

<sup>12</sup> Képah náh, ñmɔ ànê ñ yú, ànê ñ yúnpyé, ànê ñ tò sáhpú tiki yuku Kapernayumi kwil sɔkɔ. Té sèpĩn kwéy ó ye pè pɪ nénpó.

### *Gbòyĩbi yĩnĩnwĩkĩnóle Liyel ní-nsah gbô sɔkɔ*

<sup>13</sup> Té Nsyifunɔ yõrɪ tyénó syáh-á sò me de n te sē, Yesu me dɔkɔ yuku Yerusalemɪ kwil sɔkɔ.

<sup>14</sup> Wáh kyɪ Liyel ní-nsah gbô sɔkɔ, à kyɪ ne n yah gbòyĩbi me gbòle n yĩ ké sɔkɔ. Túkù me nyehle n yãm, túkù me képyénìne n yãm, túkù me kèpíkípíkínɔle n yãm, té túkù tɔ mó me pɔ pé pó duke dukenɔ mɔ sah tàbálnó yõ, me séle n sah n tũ.

<sup>15</sup> Képah tēne, Yesu mɔ yísyó pɪ yèfõhle, té gbòyĩbi nópi pól yĩni wilki kéle Liyel ní-nsah gbô sɔkɔ, à tahlɪ pé képyénì ànê pé nyeh tyí. Té

pó sàhntùpu tàbálnó tu wilki mɔ, pé pónó kǒ sè kwe.

16 Képah sɔkɔ, té yo kèpíkííkínɔ yǎmpu tyí ne, pé sè pól tɔkɔ n yal ásô. Pè káh pé Sú Liyel gbôle n pi gbò yí-ńsah gbôle.

17 Wǎh fyò képah yo, ò tò sǎhpú dyɔ núkú to kǒ Liyel wey sébéy fí yó tyíle, ńyǎh sɔkɔ-á kè me wárkínsàhnóle ne ńkě:  
«Liyel, á wòkò tyí nɔ yíí ní tyí, fóké tyí sǒnɔ n pi ní ko ko tǎne.»†

18 Képah sɔkɔ, Nsyifunɔ yǒtǎm Yesu syah ne, gbíl tir nê se à kɪ fě pi, nê-á n wěkɪ ne, yí mè pínó wěkì-á me ò tyí nɪ?

19 Képah tǎne, Yesu me pé syah ne ńkě, pé Liyel ní-ńsah gbô mè sɔ, páh kɪ kè tǒ mɔ sèpìn tǒnì sɔkɔ.

20 Wǎh képah yo sě, Nsyifunɔ yǒtǎm à syah ne, è, gbô nêne mɔ ye tikinini pó kénúkò sɔkɔ, òmɔ kɪ pɔ képah tǒ mɔ sèpìn tǒnì ó sɔkɔ nɪ?

21 Nte Liyel ní-ńsah gbô nê tyí-á sò Yesu n yo, képah ye kɪ sò n pi n pi ò wil gběnsêle.

22 Képah náh, Yesu-á pɔ ku té yilki mɔ gbí nêne, ò tò sǎhpú dyɔ to kǒ ne wǎh lésò kè yo sah. Képah sɔkɔ, pé sě Liyel wey sébéy yò sɔkɔ, té sě Yesu welɔ yónsàhnó to yò.

*Yesu névyé pól fɔkɔ sǒnɔle n pne*

23 Té Yesu-á sò me Yerusalemɪ sɔkɔ, Nsyifunɔ yǒrɪ tyénó syáh mè syáh-ńsah, à sò me gbíl tyíle

† 2:17 2.17 - Yah n te Gbálnó 69.10.

n pi névye me n yah. Kǎh pi sě, névye náhnáh sě ò yõ.

<sup>24</sup> Nte Yesu sò me pé pól fɔkɔ sònɔle n pne. Képah ye, òmɔ tě wɔ náh sò me sě pé yõ.

<sup>25</sup> A névi ni kèdùkùle n pne. Képah ye, à pò névi kèdùkù tě yo ò tyí, ké yétò náh sò me ò tyí.

### 3

#### *Yesu ànê Nikodemu wě wénóle*

<sup>1</sup> Nsyifunɔ sɔkɔ, yěntě yó lésò me pè n ye Nikodemune. A sò me Farisi wěkì kópú sɔkɔ.

<sup>2</sup> Sò yó lékâhne, à kyi wil Yesu tyí, té yo ò tyí ne kwó-ò dí, gbíl tyi nónó-á òmɔ n pi yò, ònî yó ntě náh fě sěnkɔle ne n pi n pi, né Liyel náh me těne. Képah-á, páh pĩ ne òmɔ-á kwó-òle, nê-á Liyel tekɔ mɔ.

<sup>3</sup> Yesu me yo ò tyí ne: «Kègbɔgbɔ tě yõ, mé kéle n yo á tyí, ònî yó ntě náh fě Liyel tǔrí we n pi, né tě náh tǔ dubi késánnne.»

<sup>4</sup> Képah sɔkɔ, Nikodemu ne, òte névi wàhnmɔntenɔ náh, sò se képah kɔ fě pi ni? A se kɔ fě ò syi de ò yú fɔkɔ sɔkɔ, kɔ tǔ dubi ke ní-òle ni?

<sup>5</sup> Yesu me tǔ yo ò tyí ne: «Kègbɔgbɔ tě yõ, mé kéle n yo á tyí, ònî yó ntě náh fě n de n pi Liyel tǔrí sɔkɔ, né tě náh tǔ dubi ni, ànê Liyel Mirki gbò yõ.

<sup>6</sup> Névi nê-à dubi névi tyí, névi ye těne. Té névi nê-à dubi Liyel Mirki gbò yõ, Liyel Mirki n ne n me tě sɔkɔ.

7 Káh n ye kè á gbǎn du, máh sǒnpule yo á tyí ne, yáh yíne yé tǒ n dubi késǎnne.

8 Nyāh-à yáhkí dyɔ, nénpó ye kè n ne n pi n yuku. Á kɪ ké pínó yíne n nohnɪ, té á náh n pǐ n pi nýāh sɔkɔ-á kè wil, ànê kǎh n yuku nýāh. Névi nê-à dubi Liyel Mirki gbǒ yǒ, tǔ tɔ tyí n ne n me sǔntǔne.»

9 Wǎh yo sǔ, Nikodemɪ tǒ ne, sǒ se képah kɪ fǔ pi nɪ?

10 Yesu me yo ò tyí ne: «Áwɔle tyi kǒnsǎhnó kwó-ò ògbǔne Yisrayel sɔkɔ, té á náh képahle n pne nɪ?

11 Kègbɪgbɪ tǔ yǒ, mé kéle n yo á tyí ne, áyáh nǔne n pne, képah tyí-á à n ne n yo. Áyáh nê we, à n pi képah tyí yónwàhpule. Nte yé náh me séle n fǔ n syi.

12 Mǎh sétáh yǒ tyile n yo yé tyí té yé náh me sǔ sé yǒ, mǎh pɔ yǐnyǒ tyile n yo yé tyí, yé kɪ pyǔ fǔ sǔ sépi yǒ sǔ?

13 Nn̄i yó òtǔ náh dɔkɔ kyɪ yah yǐnyǒ sɔkɔ, à wil Névi Pídí tyí sɔkɔ, òmɔ nê-á wil yǐnyǒ à tiki pɔ.

14 Sǔ-á lésǒ Moyisi wahy kètò pi yésǎhrule gbǔnnɪ sɔkɔ,\* à dɔkɔ mɔ sah dahnɪ yǒ, Névi Pídí tɔ yíne à dɔkɔ mɔ sǔntǔne.

15 Képah sɔkɔ, névi nê-à sǔ ò yǒ, tǔ kɪ tyé-ńkǔ min we.

16 Yah, kèkǒyó névye tyí ye kah nɔ Liyel tyí, képah ye à ò Pi núkúní tekɪ mɔ, ne névi nê-à sǔ

\* 3:14 3.14 - Yah n te Yáhnó 21.4-9.

̀nmo yõ, tẽ tyí káh yíkí, ñte tẽ tyé-ńkẽ min we.

<sup>17</sup> Liyel tẽ wo náh ñ Pídí tekí mo kèkõyó soko ne, à po lékàhle névye kõ pé tyípêl yinne dé! A ye à tekí mo ne, kèkõyó névye pwáhnmoño we ñmo gbõ yõ.

<sup>18</sup> Névi nê-à sã ñmo yõ, tẽ wo náh tõ n tuke n pi. Nte nê-à yahle sẽnóle ñmo yõ, tukey syíkí te tẽ yõ, wáh sõnpí yahle sẽnóle Liyel Pi núkúni yõ.

<sup>19</sup> Tukey mè we yò: Kyòo ye po kèkõyó, té névye tyípinó-á pi tyítúkúnine sã, fẽntũ tyí no kal pé tyí kyòole.

<sup>20</sup> Névi nê-à tyítúkúnine n pi, kyòo tyí náh n no tẽ tyí gbógbó. Tẽ n pĩ ne páh kí po kyòo yah, pé tyítúkúni pinó-á kí wil mo kwèyy. Képah ye, à náh n po kyòo yah soko.

<sup>21</sup> Nte névi nê-à gbi wẽkìle n ko, ñmo n po kyòo yah soko. A n ne n me ké tyí ne, no pé tyípinó we pnéyy sépi nónó-á me n pi Liyel dyo dyo tẽne.»

### *Nsyõ-á nê yo Yesu tyí soko*

<sup>22</sup> Képah náh, Yesu ànê ñ tõ sáhpú po tẽ yah Nsyude gběnyah soko. A sò me névyele n wel n wilki ni soko.

<sup>23</sup> Té ni-á sò me dò Yeno kwil soko sã, képah ye Nsyõ to mó me wèlwikínóle n pi nénpo. Névye sò me n po n po ñ tyí, à kõ à péle n wel n wilki ni soko. Nénpo sò me yúkey Salimi kwille.

<sup>24</sup> Légbíne, pé náh sò tõnì Nsyõ dah mo wòkònpèkè soko.

25 Képah sɔkɔ sɔ yóɛ, yékâb yó de Nsyõ tò sáhpú ànê Nsyifu yó wró, pé gblɔy tɔ n sah dùkù tyí yõ, à yĩne pé tyi kònsàhnóɛ.

26 Kâh pi sɛ, Nsyõ tò sáhpú me Nsyõ nyáh sɔ kyɪ yo n tyí ne nkɛ́, pé kwó-ò dí, dí nê-á lésõ nne Nsyurdɛ yónkahnune, té à n tyíɛ n yo pé tyí kè; à yah, n tɔ-á me yuku névyele n wel n wilki ni sɔkɔ. Té no pól-á me pé yah mɔ ñmɔ ònne.

27 Nte Nsyõ me yo pé tyí ne nkɛ́: «Né Liyel náh yín-nsah nêne névi kɔ́, tɛ se ki fɛ kè we?»

28 Yépi ntɛ ye ñmɔ tàrfyòɛ ne máh lésõ kè yo dal mɔ yé tyí ne ñmɔ náh Liyel ney yáhtɔkɔnɔɛ. N tɛntò ó-á mé pɔ pí-nsah n yahɛ.†

29 Yé yah, nê tyí-á sépille, n pe ye. Té pe mè kódí n mó ne n me pe mè tnô. Kódí mè-à pe mè we nìvìnì sɔkɔ, kè n pi nìvìnì ñgbɛne n tyí. Sɛnkɔ nìvìnì ye ñmɔ sɔkɔ. N ni me vi syi ké yín tyí.

30 Wãh yĩne kè ne n mɔ ñmɔ yín wìlnó yõ, kwâh mó ne n wilki ñmɔ tyí sɔkɔ.

31 Névi nê-á n wil yínyõ, ñmɔ ye no pól yõ. Té névi nê-á me sétáh mè yõ, sétáh mè névi ye nne. Sétáh mè yõ tyi ó ye ñmɔ ki fɛ n yãh dò. Nte, nê-á n wil yínyõ, ñmɔ me no pól yõ.

32 Wãh tyi nónó we, té tyi nónó noh, sépi tyí ye à n yo n wah, té ney náh me n wey fɛ syi.

33 Nte nê-à n wey fɛ syi, tɛ me kéle n wɛki tótó ne gbɪ-á Liyel weyne.

† 3:28 3.28 - Yah n te Malaki 3.1.

<sup>34</sup> Nmɔ nê-á Liyel tekɪ mɔ, à n Mirkile à kɔ yíí. Liyel wey ye à n ne n yo.

<sup>35</sup> Sú Liyelle, n Pídí tyí nɔ n tyí. Képah ye à tyi pól dahbɪ n̄mɔ gb̄.

<sup>36</sup> Névi nê-à s̄ Liyel Pídí yõ, t̄ kɪ tyé-nk̄ min we. Té névi nê-à yahle s̄nóle n̄ yõ, t̄ náh kéne min we n pi. Liyel pèkè kɪ me t̄ yõ gb̄m̄gb̄í.»

## 4

### *Yesu ànê Samari pi yóle*

<sup>1-3</sup> Képah sɔkɔ, Farisi w̄k̄ kópú s̄ noh ne Yesu-á me t̄ s̄hpúle n we, me péle n wel n wilki ni sɔkɔ à kal Nsyõne. Té Yesu nt̄ náh s̄ n wel n wilki névyele ni sɔkɔ n̄ gbl̄y dé, n̄ t̄ s̄hpú ye s̄ n pɪ ké t̄le. Képah sɔkɔ, Yesu-á pɔ képah yónó noh gb̄í n̄ne, à yal Nsyude gb̄nyah sɔkɔ ànê n̄ t̄ s̄hpúle, à n̄ syɪ n̄ yuku Kalile gb̄nyah sɔkɔ.

<sup>4</sup> Té képah wɔ sɔkɔ, à s̄ ȳne à Samari gb̄nyah kɔ kah.

<sup>5</sup> W̄h n̄ yuku, à kyɪ ȳni t̄ Samari kwil yó sɔkɔ, pè n ye Sikarle. Kéne kwil me Nsyosefu sw̄h tn̄, nê-á lésõ n̄ sú Nsyakɔbɪ à kɔ.

<sup>6</sup> Té Nsyakɔbɪ kwl̄y s̄ me n̄npó. Yesu-á wil kóló sɔkɔ té kwɔ, à s̄ me kyɪ kɔ t̄ kéne kwl̄y yõ. Té gb̄í s̄ me yõt̄ah sírr kénk̄ sɔkɔ.

<sup>7</sup> Képah sɔkɔ, Samari pi yó-á pɔ yɔ dí-ńsah, Yesu me à syah ne à nin̄e pé k̄ pé wɔ.

<sup>8</sup> Té légbíne, Yesu tò sáhpú sò me soko yõke yáhdwe-ńsah kwil niyó.

<sup>9</sup> Képah soko, Samari pi me à syah ne, kè se pu sò té ñmò nê-á Nsyifulé, à kɪ pɔ wɔ wɔ nine n ni péwɔ Samari ney tyí ni? Kègbɪ tẽ yõ Nsyifunɔ náh ítyínɔ sò n pi n soh wẽ tyí ànê Samari tãnné.

<sup>10</sup> Wáh yo sě, Yesu me yo ñ tyí ne: «Liyel-á nêne névile n kɔ, wáh sò me kéle n pne, té pĩ nedúkú nê-á n yo n mɔ á tyí yò, áwɔ ye náhki sò ni wɔ wɔ nine ñ tyí, té à náhki nine ñ kɔ nê-á minne névile n kɔ.»

<sup>11</sup> Képah soko, pi ne pé yõtẽ, kwlèndikí náh me ñmò tyí, té kwlèy-á mó tɔ me súkúlínóle, à se náhki sò we nyāh kéne nine ni?

<sup>12</sup> Nkě pépi náh ney Nsyakɔbi nê-á pé kɔ kwlèy mène, té ké ni wɔ soko ànê ñ wɛnpìle, à tahlɪ ñ yípèy tyí, ñmò se kal Nsyakɔbi mène ni?

<sup>13</sup> Yesu me ne: «Névi nê-à kwlèy mè ni wɔ, níkɪ kɪ tɔ pɔ tẽ tẽ.

<sup>14</sup> Nte ñmò-à nine névi nê kɔ, tẽ-à kè wɔ, níkɪ náh tɔ tẽ tẽ n yah n pi pólle. Kè kɪ n pɔ n mɔ lègbèr tyí kòle tẽ soko, kɪ tyé-ńkẽ minne n kɔ.»\*

<sup>15</sup> Képah soko, pi à syah ne pé yõtẽ, à pé kɔ kéne nine, níkɪ kɔ kè káh tɔ péle n tẽ, ànê pé káh tɔ pɔ ásô yɔ tẽ di yinne.

<sup>16</sup> Wáh yo sě, Yesu me ne, à kyɪ ñ pe ye pè pɔ ásô.

<sup>17</sup> Képah soko, pi ne pe náh me pé tyí. Yesu me ne, gbɪ-á à yo ne pe náh me pé tyí.

\* **4:14** 4.14 - Yah n te Nsyeremi 2.13.

18 Pɛbɪ nɛpɪ kwâl tyí-á à tẽ yah sɔkɔ, té nê tyí-á tõ ñne núkúnúkú yò, gbɪ-á à yo, ñ pɛ náh ñne.

19 Képah tẽne, pi me yo Yesu tyí ne pé yõtẽ, páh kè kyomɪ wɛ ne, Liyel tẽntõ syínyo-ò-á ñne.

20 Nkě pépi náh tãn-á Liyelle n gbilki nýãh sɔkɔ, nɛnpó-á me yõli mè yõ yàhàh.† Nte pépi Nsyifunɔ wɔle, pépi n ne n yo ne, Liyel-á yĩne à ne n gbilki nýãh sɔkɔ, nɛnpó-á me Yerusalemɪ sɔkɔ.

21 Képah sɔkɔ, Yesu me yo pi tyí ne: «Sẽ ní yõ. Sõ yó me n pi, ney náh tõ pɔ Sú Liyel gbilki n pi yõli mè yõ, képah náh pi, Yerusalemɪ ntẽ sɔkɔ.

22 Yépi Samari tãnne, yě Liyelle n gbilki té ye náh ñne n pne. Nte ápi Nsyifunɔ tyí ye Liyel syõ à pwáhnmɔnɔle n kõ. Képah ye á ñne n pne, té ñne gbilki.

23 Nte gbí yó me n pi, nê-á me te núkúnúkú ntẽne yò. Képah sɔkɔ ye Sú Liyel gbíkipú kègbɔ kɪ ñne n gbilki ñ Mirki gbõ yõ sɔkɔ ànê gbɪ wěkì yõ. Gbíkinó mè òkù pípú névyɛ ye Sú Liyel n ne n yah n kõ.

24 Liyelle, Mirki ye ñne. Képah ye, nónó-á ñne n gbilki, pé yĩne pé ñne n gbilki ñ Mirki gbõ yõ, ànê gbɪ wěkì yõ.»

25 Képah sɔkɔ, pi à syah ne, páh pĩ ne Liyel ney yáhtɔkɔnɔ-á kɪ n pɔ n pi, nê-á pé n ye Kristale. Nmɔ-à pɔ gbí nêne, wáh kɪ pɔ tyi pól

† 4:20 4.20 - Nsyifunɔ-á sò yahle pínsòhnóle Samari tãnne, képah ye Samari tãn kõ pé me kyɪ pé Liyel ní-ísah gbô mɔ sah gbòpɔle yõli yó yõ, nê-á pé n ye Karisimne.

dùkù yo wah pé tyí.

26 Yesu me ne: «Ñmɔ ye ñmɔle, nê-á n yo n mɔ á tyí yò.»

27 Wǎh me képah yónó sɔkɔ, ñ tò sáhpú me pé syi pɔ de. Té pǎh pɔ à we à me n yǎh ànê pile sɛ, kè pé gbǎn du.‡ Nte pé sɔkɔ yó ñtẽ náh fẽ syi à piki yah ne, kwáh nê se à n yah n kɔ pi mè tyí, képah náh pi, tir nê se à n yo ñ tyí ni?

28 Képah tɛne, pi ñ ni pín sah nénpó, té to kyi kwil niyó, à kyi tyah n yo no tyí ne,

29 pè pɔ ne n yah dí yóle, à péwɔ tyípinì pól yo pé tyí lé! Nmɔ káh ki nê Liyel ney yáhtɔkonɔle dé?

30 Képah sɔkɔ, névyè me wil kwil niyó me n yuku Yesu tnô.

31 Té légbíne, Yesu tò sáhpú sò me Yesule n ni ne, kwó-ò dí, à yòke yò kè!

32 Nte Yesu me pè syah ne, yòke yó-á me péwɔ tyí yò yò tɛne, nê-à pépi náh kéle n pne.

33 Képah sɔkɔ, ñ tò sáhpú sò me wɛne n piki n yah ne, ñnî se ki me pɔ yòkele à kɔ ni?

34 A me yo pé tyí ne: «Liyel nê-á tekɪ mɔ ñmɔle, wǎh me nê tyí, képah pínó ànê ñ tò pínɛnɔ ye pi ñmɔ yòkele.

35 Yépi náh ñkɛne ne n yo ne, ñwǒló ñyǎh-á tǒ wũ té sèmukɔ tɔkɔ gbí ki nɔ di? Nte ñmɔ wɔ ki

‡ 4:27 4.27 - Nsyifunɔ nónó-á sò pi kwópúle, pè náh sêle n finki wáh me ñ gblóy; ké dú dɔkɔ káh pi Samari neyne.

yo yé tyí ne, yé yé yey yõ n yah sè mukɔle  
kòntɛ̀nɔ̀le swãh sɔko, tɔko tɔko tɛ̀ne.

<sup>36</sup> Névi nê-à me sè mukɔle n tɔko, ò tò pínó  
lédyáhní me te ò tyí; sè mukɔ pórí nê-á à n tuke  
n mɔ, névyé ye nónó-á kɪ tyé-ńkɛ̀ min we n pi.  
Képah sɔko, névi nê-á mɔ séle, ànê névi nê-á sè  
tɔko, pé pól kɪ nìvìnì pi wɛ̀ tyí.

<sup>37</sup> Képah n wɛ̀kɪ ne, gbɪ-á sè mĩrkĩ mènne, nê-á  
n yo ne ńkɛ̀: <Ñnì kɪ sè mukɔ mɔ, té ònì kɪ sè  
tɔko.>

<sup>38</sup> Yépi náh swãh nê tɔ, ńmɔ yé tɛkɪ mɔ ne, yé  
kɪ képah sè mukɔ tɔko. Nósyó ye tɔ pi ké sɔko,  
yépi kɔ yé pɔ we de pé tɔ pínó yén sɔ.»

<sup>39</sup> Té pi mè-á sɔ wey nê yo ne, dí mè-á péwɔ  
tyípínì pól yo pé tyí, képah yĩnne Samari tãn  
náhnáh sɔ sɛ Yesu yõ kwil mè sɔko.

<sup>40</sup> Képah ye Samari tãn nópi-á kɪ Yesu tyí, pè  
à ni ne à wũ pé tyí. Yesu me wũ nénpó à sèpìn  
nínì pi.

<sup>41</sup> Képah tɛ̀ne, névyé náhnáh tɔ sɛ Yesu yõ  
wãh wɛlɔ nónó yo pè noh sépi yĩnne.

<sup>42</sup> Té me tyah n yo pi mè tyí ne, òmɔ yóré ó  
yĩn náh tɔ pépi sɛ Yesu yõ dé! Nkɛ̀ pépi ńtɛ̀ tɔ-á  
ò wey we noh níkile, té pĩ ne kègbɪ tɛ̀ yõ, òmɔ-á  
ńtyĩnɔ̀ kèkõyó pwáhnmɔ-òle.

### *Né-ńgbɛ̀ yó pídí dénmɔnɔle*

<sup>43</sup> Yesu-á sèpìn nínì nópi pi te, à yal nénpó à  
yuku Kalile gbɛ̀nyah sɔko.

<sup>44</sup> Té à mó tɔ lésò kè yo ne, Liyel tɛ̀ntò  
syínyo-ò náh n tɛ̀ ple ò sú kwil sɔko.

45 Nte Kalile tãn tɔ-á lésõ kyɪ Nsyifunɔ yõru tyénó syáh sɔkɔ Yerusalemɪ sɔkɔ, té Yesu tyípínó we sě, képah ye wãh pɔ pɔ pé gběnyah sɔkɔ, pè me à tõ sah tẽ.

46 Képah sɔkɔ, Yesu sɔkɔ kéné gběnyah kwil mè sɔkɔ, nê-á pè n ye Kanale. Nénpó sɔkɔ ye lésõ à ni vi mɔ pi ðivěne. Té né-ngbě yó lésõ me yòtẽ dí yó tyí Kapernayumi kwil sɔkɔ. N pídí náh lésõ me lènɔle.

47 Wãh pɔ noh ne, Yesu-á me wil Nsyude gběnyah sɔkɔ à pɔ Kalile sɔkɔ, à me n nyáh sõ kyɪ à ni ne, à tiki pɔ Kapernayumi sɔkɔ, à pɔ pé pídí de mɔ pé kɔ; wãh me n tyah kúnóle.

48 Yesu me yo n tyí ne, pè se yó kɪ fě sě yah péwɔ yõ; né gbíl ànê gběndùnì tyi náh pi pè we nɪ?

49 Nte dí me tõ yo n tyí ne, pé yòtẽ, à tiki pɔ súú péwɔ tinnè pé dípir káh pɔ ku.

50 Képah sɔkɔ, Yesu me yo n tyí ne, à n syɪ sɔkɔ n tinnè, n pídí-á de. Dí me sě n wey mè yõ, té n syɪ.

51 Wãh me wěkì yõ, n tònpiɪ pɔ à yohnɪ, té yo n tyí ne, n pídí-á de.

52 A me pè piki yah ne, gbí nê se fàhfàh de n tyí nɪ? Pè me yo n tyí ne, nníní gbìntõ põ sɔkɔ-á wílvýáhnì à fin mɔ.

53 Képah sɔkɔ, dípir sú kè kyɔmɪ we ne légbí mè-ó sɔkɔ-á Yesu yo pé tyí ne, pé ne n yuku, pé pídí-á de. A tɔkɔ légbí tyí, n mɔ ànê n gbô tãn pól sě Yesu yõ.

54 Té Yesu-á wil Nsyude gběnyah soko, à pɔ Kalile gběnyah soko, képah ye à pɪ gbil ní-òle.

## 5

### *Sèkùkù dí yó dénmɔnɔle Yerusalemɪ kwil*

<sup>1</sup> Tyi nópi sókóntenɔ náh, Nsyifunɔ syáh yó-á pɔ n syah Yerusalemɪ kwil soko, Yesu doko yuku nénpó.

<sup>2</sup> Té Yerusalemɪ kwil soko, pékì yó sò me tũnsàhnóle ninε ké soko ké kwil dé-ńsah yó tnô, nê-á pè n ye Képyénì dé-ńsahle. Pè kéne pékìle n ye Betisatale Yebre wey soko. Kènkálnó kwlò sò me pínóle ké gbòpɔ soko.

<sup>3</sup> Yámpú náhnáh sò me sěntěńóle kènkálnópi sò. Yítũbi sò me, ànê gbáhkì nukú névyele, à tahlì sèkukubi tyí. [Pè sò nkěne ne me ni dúkúrínmɔnɔ syiki n tẽ.

<sup>4</sup> Yé náh we di, yĩnyõ tǔnpɪ yó sò nkěne ne n de n pɔ ni mè soko, ò kéle n dukuri n mɔ, té yónwó nê ngbò-à de ni mè soko, ò yam-à sɔ me dùkù nêne, à n de.]

<sup>5</sup> Té nénpó soko, dí yó lésò me sèkùkùle pópó ye yõgbã m pó kwártõnɔ.

<sup>6</sup> Yesu-á à we sě, té pĩ ne ò sěntěńó di-á mo nénpó, à à piki yah ne, à se me ké tyí ne pé de ni?

<sup>7</sup> Sèkùkù dí me ne, pé yòtẽ, ni-à tyah n dukuri n mɔ gbí nêne, ney náh n we à péle n yohni n mɔ pé n we n de ké soko. Péwɔ tẽ-à pópó ne pé we n de, ònî pé dyàh tẽ n de.

8 Wǎh yo sě, Yesu me yo n tyí ne, à yuku n sě sě kwâh tɔkɔ ne n kɔ.

9 Nénpó swɔ, dí núkú de. A me yuku n sě sě kwâh tɔkɔ à n kɔ.

Té lésõ pɔ yíne Nsyifunɔ mi mi yòhle.

10 Képah sɔkɔ, dí nê-á dénmonɔ we, Nsyifunɔ yòtām à syah ne nkě, mi mi yòh-á kweyne. A náh yíne à n sě sě kwâh tɔkɔ ne n kɔ.

11 Nte dí me pè syah ne, nê-á de mɔ péle, ñmɔ-á yo pé tyí ne, pé pé sě sě kwâh tɔkɔ ne n kɔ.

12 Pè me à piki yah ne, nê se yo n tyí ne, à n sě sě kwâh tɔkɔ ne n kɔ ni?

13 Légbíne, Yesu mó tǔ sò yal te dí mè tnô, à de tówù sɔkɔ nénpó. Té dí nê-á sò Yesu de mɔ, kéné dí náh sò ñne n pne.

14 Képah náh, Yesu pɔ à we Liyel ní-ńsah gbô sɔkɔ té ne, à yah, wǎh dénmonɔ we yò, à káh tǔ tyípèlle n pi, tir yó kǔ kè pɔ à nɔ nê-á kal ńyɔle dé!

15 Képah tǔne, dí kyɪ ké yah yo Nsyifunɔ yòtām syah ne, Yesu-á sò de mɔ péle.

16 Képah sɔkɔ, Nsyifunɔ yòtām tyah lékàhle Yesule n kǔ, wǎh sǔnpíle dénmonɔ pi mi mi yòh sǔle.\*

17 Yesu me ne, péwɔ Sú Liyel-á me tǔ sɔkɔ kúmm, péwɔ tó-á me sǔntǔne n pi.

---

\* **5:16** 5.16 - Yáh we Nsyifunɔ yòtām lékàhle Yesule n kǔ, pépi tǔ sǔnɔ sɔkɔ, wǎh névi de mɔ mi mi yòh sǔle, tǔ ye á pi.

18 Yesu-á kápah yo sě, Nsyifunɔ yòtām tō lékàhle ònne n gbah n kō, à ò kònmo-ńsahle n yah n kō, té ne wǎh me mi mi yòh dèlle n pi. A wil kápah soko, wǎh tō me n yo ne nkě, pé Sú tótó-á Liyelle, à ò gblòyne n pi núkúle ònne.

### *Tyi nónó-á yo Liyel Pídí tyí soko*

19 Kápah soko, Yesu me tō yo pé tyí ne nkě: «Kègbıgbı tē yō, mé kéle n yo yé tyí, Pídí náh fē tir yó ntē pi n pi ò yah yíne, né à náh ké pínó we yah Sú Liyel tyí. Sú Liyel-á ònne n pi, sěnkō ye Pídí tō n ne n pi.

20 Pídí tyí nɔ Sú Liyel tyí. Kápah ye, wǎh tyi nónó pólle n pi, ǎ sé pínóle ònne n wēki. Té wǎh tyi nónóne à wēki, à ki tō pɔ sé lékan pínóle à wēki n pi, nónó-á ki yé gbǎn du.

21 Sǎ-á Sú Liyel lékyûle n yilki n mo, à minne péle n kō, sěntē ó ye névi nê-à Pídí dyo, ǎ minne tē kō.

22-23 Sú Liyel me ké tyí ne, no pól gbílkínóle n sah Pídí yō, sǎ-á pè kéle n sah òmo yō. Kápah ye, à náh ònî yó ntēne n tuke. A ye no pól tukey tyí dahbi ò gbò. Té névi nê-à gbílkínóle n sàh-ńkēne òmo yō, ò tékínmo-ò Liyel ye tē yahle gbílkínóle.

24 Kègbıgbı tē yō, mé kéle n yo yé tyí ne, névi nê-à ní wey noh, té sē ní tékínmo-ò yō, tē-á ki tyé-ńkě min we. A náh n tuke n pi. Wǎh wil te

kũ soko, té min we.†

<sup>25</sup> Kègbıgbı tẽ yõ, mé kéle n yo yé tyí, gbĩ yó me n pi, nê-á me te núkúnúkú ntẽne yò. Képah soko ye névyé nónó-á me kúnóle Liyel tyí ùnne, pè kɪ n̄mɔ yĩnpɔ noh, n̄mɔ nê-á Liyel Pídĩne. Té nónó-à kè noh, pè kɪ min we.

<sup>26</sup> Sõ-á Sú Liyelle min nétẽne, sã ye n̄mɔ nê-á n̄ Pídĩne, à n̄mɔ tɔ kɔ mé pi min nétẽne.

<sup>27</sup> Té máh pi Névi Pídĩne sã, à tukey tükènò tẽnwenole n̄ kɔ.

<sup>28</sup> Nte yé káh n ye tyi nópi yé gbãñ du. Gbĩ yó me n pi, lékyî pól kɪ n̄ yĩnpɔ noh,

<sup>29</sup> té kɪ yuku. Képah soko, nónó-á tyípéplɔ pi, pépi kɪ yuku tyé-ńkẽ min we yinne. Té nónó-á mó tyípél pi, pépi wɔ kɪ yuku fõh yinne.

<sup>30</sup> N̄mɔ náh fẽ tir yó ntẽ pi n pi n̄ yah yĩne. N̄ Sú Liyel-à yo sã n̄ tyí, sã ye m̄ n ne n kãm weyne tukey soko. Mé náh me n̄ gblõy n̄vìn̄i tyi pí-ńsahle n yah n kɔ. Sú Liyel nê-á tekɪ mɔ ñne, ñmɔ-á me nê tyí, képah ye m̄ n ne n pi. Képah ye, n̄ wey kãmno n pi gbı wẽkì yò.

<sup>31</sup> N̄mɔ-à kɪ nê n yo n̄ gblõy tyíle, nê kɪ sã n̄ tyiyónó yò?

<sup>32</sup> Nte nékáhkí ye n yo n wah n̄ tyíle, té mé pĩ ne tyi nónó-á à n yo n̄mɔ tyí soko, gblɔ-á séle.

<sup>33</sup> Yáh névyé nónó tõ Nsyõ tyí n̄mɔ tyí soko, té à tyi nónó yo, gblɔ ye séle.

† 5:24 5.24 - Wey nê-á Yesu yo ásô soko yò ne ńkẽ: «Wãh wil te kũ soko, té min we.» Képah ále n wẽkɪ ne, tyípél-á yíkínó nê pi Liyel ànê névyé wró, kũ-á kéle Liyel tyí ùnne. Nte Yesu yò s̄n̄ólé, tyé-ńkẽ min tyàhnó-á kéle Liyel tyí ùnne.

34 Nte mé se yó me n yah n kõ ne, névi tẽ wo ní dùkùle n yo? Yé pwáhnmoṅo we yĩn ye mé tyi nópile n yo yé tyí.

35 Nsyõ lésõ pi kyòole fòtnò tũnsàhnó tyí kõle. Té kè yé dyo, yé nìvìnì pi n kyòo soko wró kwéy yó ó soko.

36 Nte nmo wole, Sú Liyel-á tãn nónó dahbi ní gbò ní kõ mé n pi, sépi ntẽ me ní dùkùle n wẽki n wah n kal Nsyõ-á nê yo ní tyí soko. Kéne tãn nópi pínó ye n wẽki ne, Sú Liyel-á teki mo nne.

37 Té à wil képah tyí soko, Sú Liyel nê-á teki mo nne, n to ní tyí yo wah. Nte yé nãh n welo noh yah pólle, yé nãh se tã à we yah yĩne.

38 N wey nãh me n tẽ yé nno soko. Yé nãh we wãh nmo teki mo, yé yahle sãnóle ní yõ di?

39 Yè n ne me n sò ne, yãh ki tyé-ńkẽ min we Liyel wey sébéy kàrnó soko, n té kéle n kar firfir. Nte képah ye mó tã yo wah tótó nmo tyíle.

40 Té yé nãh mó tã me ké tyí ne, yé pò nmo tyí, yé pò tyé-ńkẽ min we.

41 Mé nãh me n yah n kõ ne névye nne n gbilki.

42 Mé yé dùkùle n pne. Liyel tyí nãh no yé tyí.

43 N Sú Liyel yĩn yõ ye mé pò, té yé nãh ní tẽ ple. Nte nnî yó-à núkú pò n yah yĩne yò, yé ki nmo tẽ ple.

44 Yé ki fẽ sã ní yõ sõ, yépi nónó-á me ké tyí ne yé wẽne n gbilki, té yahle gbílkínó yáhnkõnole, nê-á n we Liyel núkúní ó tyí?

45 Yé kãh ne me n sò ne, nmo-á ki kyí yé kõ n pi lékãhle Sú Liyel yah soko dé! Yé gbò sãhnó-á

me Moyisi nê yõ, ñmɔ ye kɪ kyɪ lékàhle yé kõ.

<sup>46</sup> Ñmɔ tyí me Moyisi wǎrkɪ sah ñ sébéynó sokɔ. Gbɪ-à yé sò me sɛ ñmɔ yõ, yé náhkɪ me sɛ ñmɔ tɔ yõ.

<sup>47</sup> Nte yé náh fyò me sɛ ñmɔ tyi wǎrkínsàhnó yõ, sɔ me yé kɪ fɛ sɛ ñmɔ welɔ yõ wé?»

## 6

### *Tówû ñgbɛ púnóle*

<sup>1</sup> Képah náh, Yesu sokɔ Kalile yó-ñgbɛ kahnɛ. Pè tɔ sò kéle n ye Tiberiyadɪ yó-ñgbɛnɛ.

<sup>2</sup> Té Yesu-á gbɪl nónó pɪ sokɔ à yámpú nónó de mɔ tówû we, sépi yinne, tówû ñgbɛ sò me ñ sò tɛ.

<sup>3</sup> Képah sokɔ, Yesu me dokɔ kyɪ kɔ tɛ yõlɪ yó yõ ànê ñ tò sáhpúle.

<sup>4</sup> Légbíne, Nsyifuno yõrɪ tyénó syáh sò me de n tɛ.

<sup>5</sup> Té Yesu-á ñ yah yõ yah, à tówû ñgbɛ we pè me n pi ñ tnô. Képah tɛnɛ, à Filipi piki yah nɛ, pé se kɪ we nýãh yõke dwe dwe tɛnɛ kɪ tówû mè kɔ pè kɪ yõ nɪ?

<sup>6</sup> Nte fyàhnyahnó ye sò Yesu n fyãh n yah Filipi fɔkɔle. Nkɛ, wǎh sò nê pɪ n pi, à sò kè pɪ tɛ.

<sup>7</sup> Wǎh yo sɛ, Filipi me à syah nɛ, deniye pó pló\* lègbām (200) fyé búrn dwénóle, kàh sɔ yĩki tyíí tyíí, kè náh n yĩnɛ n pi péle.

\* **6:7** 6.7 - Deniyele, pó yó ye sò kéle. Képah pó núkú kɪ sò fɛ ñɔ nénúkú gbìyìkì núkú tò pínó danne.

<sup>8</sup> Képah soko, Yesu tò sáhpú soko nê-á Simo-Pyeri gbëndí Andrele, òmò me yo Yesu tyí ne,

<sup>9</sup> búrn† pló kwló ànê yěnkycò pló nínó-á me dínpir yó tyí ásò. Nte sépi se kí tir nê pekí nékwínkí nópi dùkù tyí ní?

<sup>10</sup> Légbíne filkí sò me dò nénpó. Képah soko, Yesu me yo pé tyí ne pé no pól kō pé kō tē sétáh. Dibi nēpí kèyò nínó kyegbām (5 000) kénkō ye sò me pé soko nénpó.

<sup>11</sup> Képah soko, Yesu me búrn nópi tokò, té wekú Liyel tyí, té sè dibi névyé tyí, nónó-á sò me nénpó. Wáh yěnkycò to tokò, sěntě ó ye tō à pí, té sè dibi no kō, pé pól we páh sò me ké tyí sō.

<sup>12</sup> Páh yō tō gbí nēne, Yesu me yo ò tò sáhpú tyí ne, pé sé téló tuke n mò, pé káh n ye kèyáh ntě pò n yíkí.

<sup>13</sup> Búrn pló kwló táhnkwlònsàhnó nê tókù-á sò me wū tē, pé me sè kwel mò, tokòni gbōninó yíine.

<sup>14</sup> Névyé-á Yesu gbíl pínó we sē, pé ne: «Liyel tēntò syínyo-ò nê-á sò yíne à pò kèkōyó, òmò ye dí mēne tótó.»

<sup>15</sup> Képah soko, Yesu pí ne páh kí pò ne, páh péwòle n tē n káhlí n pí yòtēne. Káh pí sē, à tō yal pé tnô à soko yóli yō ò gblóy núkúnine.

*Yesu kólóle yó-ngbē yòtah*

† 6:9 6.9 - Sèmukò yó sò me dénpéfàhkìle pé n ye wòrsule, képah mí ye sò pé mī búrn mēne.

16 Τέ νίῃ λίσυι-ά πο νο, Yesu τὸ σάhpύ tiki yuku  
yo-̀ngbẽ vyãh yah,

17 à kyι de krótókè yó σοκο, à tyah n yuku  
yónkahnune, Kapernayumi kwil t̃inne. Lékâh sò  
με μο τε, té Yesu náh t̃oñi sò με πο pé tnô.

18 Nte yáhpékè yó sò με kō με nine n fũ n  
doko.

19 Képah σοκο, pãh krótókè to kyι ỹini tẽ  
kilonó kwló kénkõ tyí, pè Yesu we à με n ko n pi  
yo yõtah pé krótókè t̃inne. Kãh pi s̃ẽ, tíki pè tẽ.

20 Nte Yesu με yo μο pé tyí ne: «Nmo ye, ye  
kãh tíki pi.»

21 Képah σοκο, pè sò με ké tyí ne pé à twah  
krótókè σοκο, té kè núkú ỹini tẽ yóngbalι tyí,  
nyãh-á sò pè n yuku.

### *Yesu ye yõkele, nê-á minne n kō*

22 Képah σοκο, d̃indalle tówû nê-á sò wũ pé  
ññiñi mé-nsah, pè kè kyomι we ne krótókè  
núkú ó-á ññiñine με. Nte Yesu τὸ σάhpύ ó-á sò  
de ké σοκο à σοκο, Yesu to náh σοκο péle.

23 Τέ krótónè yísyó mó με wil Tiberiyadı kwil  
σοκο, με πο n de nyãh σοκο-á sò Tẽ ñgbẽ Yesu  
yõke toko té wekι Liyel tyí, té kéle tówû mè kō  
pè yõ.

24 Nte tówû-á πο p̃i gbí ñene ne Yesu náh με,  
ñ τὸ σάhpύ to náh με ñenpó σοκο, pè núkú de  
krótónè σοκο, à σοκο Yesu yáhnkõ-nsah  
Kapernayumi kwil σοκο.

25 Képah sɔkɔ, pãh kyɪ à wɛ yó-̀ngbẽ kahnɩnɛ, pè à syah nɛ, kwó-ò dí, gbí nê se à pɔ ásô nɪ?

26 Nte Yesu me pè syah nɛ: «Kègbɪgbɪ tẽ yõ, mé kéle n yo yé tyí nɛ, yáh gbɪl tyi nónó wɛ, sépi-á nêne n wẽki, képah yĩn náh yé n yah n kõ ríne dé! Yõke nê-á yé wɛ yõ tõ, képah yĩn ye yé n yah n kõ ñmɔle.

27 Yé káh tôle n pɪ yõke yĩnɩnɛ, nê-á kɪ n yɪkɪ n pi. Yé tôle n pɪ yõke yĩnɩnɛ nê-á kɪ n tẽ n pi kúmm, té tyé-̀nkẽ minɩnɛ n kõ. Névi Pídí ye kɪ yé kõ n pi kéne yõkele, ñmɔ nê-á Sú Liyel kè wẽki nɛ páh pé tǒríle à kõ.»

28 Képah tẽne, pè à piki yah nɛ, tyi nónó se pé yĩne pé pɪ, pé mó Liyel tò wɛ pɪ nɪ?

29 Yesu me yo pé tyí nɛ: «Liyel-á nê tekɪ mɔ,‡ yáh kɪ sê ñmɔ yõ, képah ye Liyel tôle.»

30 Pè me yo ñ tyí nɛ, gbɪl tir nê se ñmɔ kɪ pɪ pé wẽki, pé kõ pé sê ñ yõ nɪ? Tir nê se à kɪ pɪ nɪ?

31 Pépi náh tân-á yõke yõ gbẽnnɪ sɔkɔ, nê-á pè n ye mánne,§ à yĩne sǒ-á kè wãrkɪ sah nɛ: «À ye yõkele pè kõ pè yõ nê-á wil yĩnyõ.»\*

32 Nte Yesu me nɛ: «Kègbɪgbɪ tẽ yõ, mé kéle n yo yé tyí nɛ, Moyisi náh kõ yéle yõke mène nê-á wil yĩnyõ dé, ní Sú Liyel ye n kõ yéle yõke gbɪle, nê-á n wil yĩnyõ.

‡ 6:29 6.29 - Yesu-á nɛ Liyel-á nɛ páh kɪ nê tekɪ mɔ, ñ gblõy ye à n ye. § 6:31 6.31 - Mánne, yípórí pépér yó ye kéle lésô Liyel n tiki n mɔ Yisrayel tânne n kõ pè n pɪ yõkele, gbí nê-á lésô pè me gbẽnnɪ sɔkɔ. Yah n te Yálnó sébéy 16. \* 6:31 6.31 - Yah n te Gbálnó 78.24.

33 Kéne yõke nê-á Liyel n kõi nê-á wil yĩnyõ à tiki pɔ, képah ye minne kèkõyó névyele n kõi.»

34 Képah sɔkɔ, pè ne pé yõtẽ, à yõke† mène péle n kõi gbímegbí kè.

35 Képah tẽne, Yesu me yo pé tyí ne: «Nmo ye yõke mène, nê-á minne n kõi. Névi nê-à pɔ nmo tyí té sê ní yõ, kwekɩ ànê níkĩ náh tõi tẽ tẽ n yah n pi.

36 Té mé ye kè yo te yé tyí ne yáh ní we. Nte yé náh me sê ní yõ.

37-38 Nmo náh wil yĩnyõ à tiki pɔ ní dyɔ yíi tyi pi yinne dé! Nê-á tekɩ mo nne, nmo-á me nê tyí, képah pí-nsah ye mé pɔ. Képah ye, Sú Liyel-à nónó pólle ní kõi, pè kɩ pɔ ní tyí. Té nê-à pɔ nmo tyí, mé náh à milki n pi pólle.

39 Té nê-á tekɩ mo nne, nmo-á me nê tyí, képah ye yò ne nkẽ, páh nónóne ní kõi mé káh n ye pé sɔkɔ yó ntẽ tyí yɩkɩ. Nte mé mó n pɔ pé lékyî yilki mo gbìyìkì téy sòle.‡

40 Té yah, nmo Sú-á me nê tyí, képah ye yò ne, névi nê-à n yah mo nmo tĩnne, nmo nê-á Píđine, té sê ní yõ, tẽ tyé-nkẽ min we, té nmo mó tẽ lékó yilki mo gbìyìkì téy sòle.»

41 Képah sɔkɔ, Nsyifunɔ tyah Yesu sèyòkèle n yo wẽ tyí, wáh sɔnpíle sò yo ne péwɔ-á yòkele, nê-á wil yĩnyõ à tiki pɔ.

† 6:34 6.34 - Yõke nê tyí-á Yesu n yo ásò sɔkɔ yò, min yõke ye. Té nónó-á n piki n yah nne, pépi sò me n sò ne kèkùrkì yíi yõke tyí-á à n yo. ‡ 6:39 6.39 - Gbìyìkì téy nê tyí-á n yo ásò sɔkɔ yò, Liyel tukey tuke sò tyí ye kè n yo.

42 Pè sò me yo tũ ne, Nsyosefu pídí Yesu kó ñne ni? Nmo nê-á pé ñ sú ànê yũne n pne, à se pi sò té pɔ n yo nukúnúkú ne, páh wil yĩnyõ à tiki pɔ ni?

43 Képah sɔkɔ, Yesu yo pé tyí ne: «Yé káh ní sèyòkèle n yo yé wẽ wró.

44 Nnî yó ntẽ náh fẽ n pɔ n pi nmo tyí, né Sú Liyel nê-á tekɪ mɔ ñne, nmo náh tẽ yah tẽ. Té nmo kɪ mó tẽ lékó yilki mɔ gbìyìkì téy sòle.

45 Kè me wárkínsàhnóle Liyel tẽntò syínyopu sébéynó sɔkɔ ne: «Liyel kɪ pé pól kwɔ.» § Nte névi nê-à Sú Liyel wey noh té ñ kwónó fẽ syi, tẽ n pɔ nmo tyí.

46 Nte nnî yó ntẽ yí náh tẽ yah Sú Liyel yõ, à wil nmo tyí sɔkɔ, nmo nê-á wil ñ tnô. Nmo ó we ñne.

47 Kègbɪgbɪ tẽ yõ, mé kéle n yo yé tyí, névi nê-à sê ní yõ, tẽ kɪ tyé-ńkẽ min we.

48 Nmo ye yõkele nê-á minne n kõ.

49 Yé náh tán ye yõke yõ gběnni sɔkɔ, yõke nê-á pé n ye mánne.\* Nte képah fyé yõ, pé pól náh pɔ ku di?

50 Té yõke nê tẽ wɔ-á n wil yĩnyõ à tiki pɔ, névi nê-à képah yõ, tẽ náh tõ ku n yah n pi.

51 Nmo ye yõkele, nê-á wil yĩnyõ à tiki pɔ, té minne n kõ. Névi nê-à kéne yõke yõ, tẽ kɪ tyé-ńkẽ min we. Yõke nê-á mé kɪ n kõ n pi, ní wil gběnsê ye. Mé ye kéle n kõ ne, kèkõyó névyé min we.»

---

§ 6:45 6.45 - Yah n te Yesayi 54.13. \* 6:49 6.49 - Yah n te Nsyõ 6.31.

52 Képah tẽ soko, yékâb ñgbẽ de Nsyifuno wró. Pè sò me n yo ne, dí mè se kɪ fẽ ñ wil gbẽnsêle pépi kã sã yõkele ni?

53 Képah soko, Yesu yo pé tyí ne: «Kègbɪgbɪ tẽ yõ, mé kéle n yo yé tyí, yáh kɪ Névi Pídí wil gbẽnsê pí-ńkẽne yé yõkele, té ñ tó pí-ńkẽne yé wɔ wɔ kwáhle, yé náh min we n pí dé!†

54-55 Yõke kègbɪ ye ñmɔ wil gbẽnsêle, wɔ wɔ kwáh kègbɪ me ní tónne. Képah ye névi nê-à ñmɔ wil gbẽnsê pí ñ yõkele, té ní tó pí ñ wɔ wɔ kwáhle, tẽ ye tyé-ńkẽ min we. Té ñmɔ kɪ mó tẽ lékó yilki mɔ gbɪyìkì téy sòle.

56 Névi nê-à ñmɔ wil gbẽnsê pí ñ yõkele, té ní tó pí ñ wɔ wɔ kwáhle, tẽ kɪ me ñmɔle, té ñmɔ to kɪ me tẽne.

57 Sú Liyel nê-á tekɪ mɔ ñne, ñmɔ ye min nétẽne. Ñmɔ me min soko ñmɔ gbõ yõ. Sẽ ye névi nê-à ní wil gbẽnsê pí ñ yõkele, tẽ kɪ me min soko ñmɔ gbõ yõ.

58 Kéne yõke nê-á wil yínyõ à tiki pɔ yò, kè náh me nukúle ànê yé náh tãn-á nê yõ gbẽnnɪ soko, pépi nóno-á ku soko. Nte névi nê-à képah yõ, tẽ kɪ tyé-ńkẽ min we.»

59 Yesu kéne tyi yo gbí nê-á lésõ à me névyele n kwɔ Kapernayumi kwil, Nsyifuno Liyel ní-ńsah wòkò soko.

60 Té Yesu-á welɔ nópi yo sã, ñ tò sáhpú

† 6:53 6.53 - Névi Pídí wil gbẽnsê ànê ñ tó nê tyí-á n yo ásò soko yò ne sáh kɪ pí yõke ànê wɔ wɔ kwáhle, sèmìrkì ye Yesu mɪ pé tyí kéle, nê-á n wèkɪ ne ñmɔ-á sárká kápópikile.

náhnáh tyah n yo wě tyí ne nkě, n tyi yónó  
nópi-á me tah dé! Nê se kú fě sè fě syi ni?

61 Nte Yesu-á pĩ ne pé tò sáhpú-á me pé  
sèyòkèle n yo wey mè tyí sòkò, à pé syah ne:  
«Kè se kán pi yépi tɔle?

62 Té yâh pyě pɔ Névi Pídí we à yõ doko n  
sokò wâh wil nýãh sokò wé?

63 Liyel Mirki ye min nétɛne, nòte tir nê me  
névi kú fě pekú n gblõy? Nmɔ-á welo nónó yo yé  
tyí, sè n wil Liyel Mirki tyí, té minne n kõ.

64 Nte tókù me yé sòkò, pé náh me sè ní yõ.»  
Té yah, à tokò ké tyah gbí dùkù tyí, Yesu sò n yõ  
sè-ńkěpúle n pne, à tahlú nê tɔ-á ne pɔ à dahbi n  
pi gbõ sokò.

65 Képah sokò, Yesu tã ne: «Képah ye ní kõ mé  
kè yo ne nkě, nnî yó ńtẽ náh fě n pɔ n pi ńmɔ  
tyí, né Sú Liyel náh ké wěkìle à kõ.»

66 A tokò légbí tyí, n sò tẽpú náhnáh núkú pé  
syi n náh, pé náh tã me n sòle n tẽ.

67 Képah sokò, Yesu me yo n tò sáhpú népí  
gbõnimí‡ tyí ne nkě, té pépi-á dò, pé tɔ kó pé syi  
n pi ni?

68 Nte Simo-Pyeri me ne nkě: «Tyé-ńkě min  
welo nétẽ ye áwɔle, nê tyí me ápi kú tã yuku wé,  
Tẽ ngebẽ?

69 Ápi tẽ wɔ sɛnó me á yõ, ànê á pĩ ne áwɔ-á  
Liyel wilki sah n tyí yõ.»

70 Képah tɛne, Yesu tã yo pé tyí ne, péwɔ kó  
yah wilki péle népí gbõnimíne ni? Nte sétõ-á pé

‡ 6:67 6.67 - Yah n te Likyi 6.13-16.

sokɔ nɛ́núkù yóle.

<sup>71</sup> Té Nsyudasɩ ye sò Yesu n ye, ñmɔ nê-á Simo Yisikariyɔtɩ pídíne. Yesu tò sáhpú nɛ́pí gbõnimí sokɔ yó ye sò ñne. Té ñmɔ ye kɩ sò pɔ Yesu dahbɩ n pi gbõ sokɔ.

## 7

### *Yesu yúnpyé náh sɛ ñ yõ*

<sup>1</sup> Képah náh, Yesu sò me yõ sokɔ n kɔ n kɔ Kalile gbɛnyah sokɔ. Té Nsyifuno yõtã́m-á sò me n yah n kɔ ñ kònmɔ-ńsahle Nsyude gbɛnyah sokɔ sɛ, képah ye à náh tɔ sò me ké tyí ne, pé kɔ kɔ nɛ́npó.

<sup>2</sup> Té Nsyifuno kènkàl sò syáh\* sò me de n te.

<sup>3</sup> Yesu yúnpyé† me yo ñ tyí ne níkɛ, à yal ásô, à mó yuku Nsyude gbɛnyah sokɔ, ñ sò tɛ́pú tɔ kɔ pè ñ tyípínó we.

<sup>4</sup> Nkɛ névi nê-à me ké tyí ne no pé dùkù pĩ, tɛ́ náh ñ tyile n pi sètìn sò sokɔ. Té ñmɔ-á tyi nónónɛ n pi yò, wãh yĩne à séle n pi n wilki n mɔ, no kɔ pè à we.

<sup>5</sup> Nte Yesu yúnpyé ntɛ́ náh sò me sɛ ñ yõ.

\* **7:2** 7.2 - Nsyifuno kènkàl sò syáh mène, pè sò níkɛne kè syah sèpìn kwártɔnɔ, ñ té ne n sɛ kènkàl sò. Képah sò pé dyole n to n kɔ pé yèvyáhrɩ pínóle gbɛnnɩ sokɔ, ànê Liyel-á pè yohnɩ mɔ dùkù nêne. Yah n te Levitiki 23.34. † **7:3** 7.3 - Yesu yúnpyé nónó tyí-á n yo ásô sokɔ yò, túkù sòno sokɔ, ñ kèkùrkɩ núkú gbã́m ye à n ye. Té túkù sòno sokɔ mó, ñ kèkùrkɩ núkú gbã́m náh à n ye.

6 Képah soko, Yesu me ne ké gbĩ náh tǒnì se péwɔ tyí. Gbímegbí-á se me yínénóle pépi tyí té.

7 Kèkõyó névye náh fẽ pépi dyɔ yɔ n pi. Nte pãh me péwɔ wɔ dyɔle n yɔ, pãh sǒnpíle kéle n yo n wah ne pé tyípínì náh me ple.

8 Pépi doko n yuku kéné syáh soko. Péwɔ tẽ wɔ tyí, ké gbĩ náh tǒnì se. Képah-á, pé náh n kyɪ n pi.

9 Wãh képah yo te, à wũ Kalile soko.

*Yesu ménóle Nsyifunɔ kènkàl sò syáh soko,  
Yerusalemi kwil*

10 Té ò yúnpyé-á soko te syáh mè soko, òmɔ tɔ yuku nénpó nyáh sò. Té à náh sò ye névye kò pè à we. À kè pi wǒbìnsokɔnɔle kanne.

11 Té Nsyifunɔ yǒtãm mó me òne n yah n kò syáh mè soko, té me n piki n yah ne, nýãh se òne ni?

12 Képah soko, tówû mè névye tyah Yesu tyíle n yãh tǒtò. Pé túkù sò me n yo ne négbí-á òne, túkù mó me n yo ne sã náh, òmɔ-á pyẽ n pilki névyele nkẽ.

13 Nte Nsyifunɔ yǒtãm tíkí sò me pè tẽ. Kãh pi sã, pé soko yó n tẽ náh tẽ we ò yò wilki mɔ à yo Yesu tyí soko.

14 Syáh mè sò me ké niyó soko,‡ té Yesu doko pɔ Liyel ní-nsah gbô soko, à pɔ kwónóle n pi.

15 Té wãh kwónó nêne n pi, kè Nsyifunɔ yǒtãm gbãn du. Pè me tyah n yo wẽ tyí ne, dí

‡ 7:14 7.14 - Syáh nê tyí-á n yo ásô soko yò, sèpìn kwártõnɔ ye sò kè n syah.

mè se we ñyãh pnèno mè dùkùle ni? Té à nãh se mó tã kãrn ñgbẽ pi.

16 Képah sokò, Yesu me yo pé tyí ne ñkẽ: «Máh kwónóle n pi tyi nóno yõ yò, ñmò nãh sò tẽ séle dé, Liyel nê-à tekì mò ñne, ñmò ye n wẽkì séle.

17 Névi nê-à kè yah tókò ne pé Liyel dyò dyò tẽne n pi, tẽ wò ye kù fẽ ké gbì pĩ, Liyel-à kù nê wẽkì ñne séle, képah nãh pi, ñ yah yíi kwónó-à kù ne mé n pi.

18 Névi nê-à ñ yah yíi tyile n yo, ñ gblõy yĩn gbilíkí-ñsah ye à n yah n kã. Nte névi nê-à me ké tyí ne pé tyi pól pi, pé tó-ò yĩn mó gbiliki, négbí ye tẽne. Pílkí-ñsah nãh me tẽ tyí pólle.

19 Moyisi nãh Liyel tyi kònsàhnóle yé kã di? Nte yé sokò yó ñtẽ nãh se me n kò ké wẽkì yõ ni? Sõ pi té yé n yah n kã ñmò kònmò-ñsahle wé?»<sup>§</sup>

20 Képah tẽne, tówû à syah ne sétõ-á me ñ sokò, à kã à képahle n yo, nòte nê se ne pãh ñne n kò n mò ni?

21 Yesu me tã yo pé tyí ne: «Tyi núkú yó ó\* nãh mé pi, té yé pól gbãn du yò di?

22 Moyisi nãh mò yéle kòkè kòno sokò di? Nte ñmò ñtẽ nãh tyah ké gbenne dò, ñ nãh tãn ye tyah kéle. Té yé nãh me píyíle n kò m̀ m̀ yòh

§ 7:19 7.19 - Yáh we Yesu képahle n yo, kè me yónóle Moyisi tyi kònsàhnó sokò ne ñkẽ: «Káh nékókè m̀.» Yah n te Yálnó sébéy 20.13, ànê Nsyõ 5.18. \* 7:21 7.21 - Yah n te Nsyõ 5.1-16.

sõle di?†

<sup>23</sup> Nte yépi-à kòkèle n kō mī mī yòh sōle, ne yé káh pɔ Moyisi tyi kōnsàhnó dèl pi, sō pi té ñmɔ-á névi yòtàhsyi pól de mɔ mī mī yòh sōle, yé ñ dyɔle n yo wé?

<sup>24</sup> Yé káh tyile n wah à yĩne yí yáhnóle. Yé séle n wah gbī wěkì yō.»

### *Yesu se Liyel ney yáhtokɔnɔle?*

<sup>25</sup> Képah sɔkɔ, Yerusalemī tãn túkù sò me n yo ne ñkě, dí nê-á sò pè n yah n kō ne pé ko mɔ, ñmɔ kó yò nī?

<sup>26</sup> Nte pè yah à n wekī tówû niyó, té pè náh me n vi n mɔ ñ tyí lé! Yòtãm se kī pyě me kè fě syi ne, ñmɔ-á Liyel ney yáhtokɔnɔle nī?

<sup>27</sup> Té Liyel ney yáhtokɔnɔ-à sō nêne pɔ, névi náh ñ wĩl-ñsah pĩ n pi, ñte pépi-á dí mè wĩl-ñsah pĩ dò.

<sup>28</sup> Képah ye, Yesu-á me névyele n kwɔ Liyel ní-ñsah gbô sɔkɔ, à yo pé tyí yĩnpɔ ñgběne ne: «Yé ñne n pne, té ñ wĩl-ñsah pĩ yé yo kè? Nte ñmɔ náh pɔ ñ gblɔy yō sě dé! Liyel nê-á tekī mɔ ñmɔle, à me gbī ó ñ tōó, ñmɔ nê-á yé náh ñne n pne.

<sup>29</sup> Nte ñmɔ wɔ wil ñ tnô. Mé ñne n pne, ànê ñmɔ ye tekī mɔ ñne.»

† **7:22** 7.22 - Liyel lésô yégbékè kwɔ mɔ Abrahmune té yo ñ tyí ne, pè dínpì pólle n kō pé dúbínó sèpìn kwártɔ-ò sònóle. Képah-á kī pi yégbékè kwrónmɔnɔ mè pókónmɔnɔle. Képah ye, lésô-à sō pɔ yĩne mī mī yòh sōle, Nsyifunɔ kéle n pi. Yah n te Yenesi 17.10-12.

<sup>30</sup> Képah tẽ soko, pè tyah Yesu tẽ-ńsahle n yah n kō. Té kãh pi ñ gbĩ náh tǒnì sò me se sě, ñnî yó ntẽ náh tẽ we gbõ tũ ñ tyí.

<sup>31</sup> Nte tówû mè soko névye náhnáh sò me sě ñ yõ, té me n yo ne, té Liyel ney yáhtokono-à sò nêne po, à se ki po gbil tyi pi ki kal dí mè tyile yò ni?

*Liyel ní-ńsah gbô syíkípú tékínmone ne pè kyi Yesu tẽ*

<sup>32</sup> Té tówû-á sò me tyi nónóne n yãh tǒtò Yesu tyí soko, sè po we de Farisi wěkì kópú níki soko. Képah soko, pépi ànê sárká syínwilkipu yǒtãm me Liyel ní-ńsah gbô syíkípú tekì mo ne, pè kyi Yesu tẽ.

<sup>33</sup> Pãh po, Yesu me ne: «Ñmo ki me yéle ki wró kwéy ó pi ntǒ,‡ té ki soko ñ tékínmo-ò tnǒ.

<sup>34</sup> Nmǒ-á ki n me n pi nýãh soko, yépi náh fě n kyi nénpó. Képah ye, yé ki ñ yah kǒ té yé náh ñ we n pi.»

<sup>35</sup> Wãh yo sě, Nsyifuno núkú tyah n yo wě tyí ne, nýãh se ñmo ki n yuku n pi, té pépi ki à yah kwlo ni? Nkě pé no Nsyifuno nónó-á me karkì tẽ tẽ kǒ nékãhbí wró, pépi tyí se pyè à ki yuku, ki kyi nékãhbíle n kwǒ ni?

<sup>36</sup> Nkě welo nónó-á à yo yò ne nkě: «Ñmo-á ki n me n pi nýãh soko, yépi náh fě n kyi nénpó, képah ye, yé ki ñ yah kǒ, té yé náh ñ we n pi.» Sépi kór se nêne ni?

‡ 7:33 7.33 - Wey mè yóntenò náh, Yesu níwǒlò kénúkò kénkǒ pi, té pè à syi dahni yõ, à à ko mo.

### *Ni nê-á minne n kõ*

<sup>37</sup> Syáh gbìyìkì téy sòle, nê-á pi ké gbìyìkì ñgběne, Yesu yuku yĩn tówù sòko, té yo yĩnpõ ñgběne ne: «Níkì-à me nê tẽ, tẽ po ñmo tyí, à po wo. §

<sup>38</sup> Névi nê-à sě ñmo yõ, min yrey ki n fwo n wil tẽ sòko, sõ-á Liyel wey sébéy yo kéle.»

<sup>39</sup> Liyel Mirki nê-á sò Yesu yõ sěpú ki po n we n pi, képah tyí ye sò Yesu n yo. Té légbíne, Yesu náh tǒnì sò me doko ñ tǒrí yõ, képah ye Liyel náh tǒnì sò me ñ Mirkile pè kõ.

### *Yesu tyí-á gbékinó nê dahbi tówù wrõ*

<sup>40</sup> Tówù-á Yesu wey mèn noh te, tókù tyah n yo ne ñkě, Liyel tẽntò syinyo-ò\* nê-á pé syiku tẽ, ñmo-á dí mènne tótó.

<sup>41</sup> Tókù mó ne, Liyel-á nê yah tòko, ñmo-á. Té tókù tẽ wo mó ne, Liyel ney yáhntòkòno† se ki fẽ wil Kalile gběnyah sòko ni?

<sup>42</sup> Kè kó me yónóle Liyel wey sébéy sòko ne ñkě, wăh ki pi yòtẽ dí Davidi pétóbé sòko yóle, té ki n dubi n pi Betlemu kwil,‡ képah nê sòko-á Davidi dubi di?

<sup>43</sup> Képah sòko, névye sòno pi sé tyí tyíle Yesu tyí sòko.

---

§ **7:37** 7.37 - Syáh mèn sòko, pè sò ñkěne pé dyole n to n kõ ni tyíle, Liyel-á lésò nêne péle n kõ gběnnu sòko. Képah ye Yesu kõ à ne níkì-à nê tẽ, tẽ po wo péwo tyí. \* **7:40** 7.40 - Yah n te Nsyõ 1.21 ; 6.14. † **7:41** 7.41 - Yah n te Krista tyí yah yónó sòko. Kè ki we welo yah yónó sòko. ‡ **7:42** 7.42 - Yah n te Mise 5.1.

44 Túkù sò me n yah n kō ò tē-ńsahle, òte ònì yó òtē náh tē we gbò tū ò tyí.

45 Képah sòkò, Liyel ní-ńsah gbò syíkípú pé syi sòkò sárká syínwìkìpu yòtám ànê Farisi wěkì kópú tñò. Pèpi me pé piki yah ne, sò se pi té pé náh Yesu tē pò ni?

46 Pé me pé syah ne, òí mè wey kénkò náh me pólle.

47 Képah tēne, Farisi wěkì kópú ne, è, pé se pyě ye à kō à pé to yò yiki ni?

48 Pé se yòtē yó, képah náh pi, Farisi wěkì kó-ò yó we yah à sē Yesu yò ni?

49 Té kàh tówù mè nénye tē wò léysi, pé náh Moyisi tyi kònsàhnóle n pne dò. Pé pól tyí-á yiki.

50 Té Farisi wěkì kópú nópi sòkò yó sò me pé n ye Nikodemine, nê-á kyi wil yah Yesu tyí sò yóle. § Nmo me yo pé no tyí ne:

51 «À yĩne ápi tyi kònsàhnóle, á se yĩne à lékàhle névi kō, né á náh ò vyāh wey noh, té pi tyi nóno-á à pi?»

52 Képah sòkò, pé no à syah ne, è, Kalile gběnyah ney se ò tole té à n weki sē ni? Nkē, à Liyel wey sébéy tòkò n sohl n yah, wāh ki kè we ne, Liyel tēntò syínyo-ò yó òtē náh n wil Kalile gběnyah sòkò.

53 [Képah náh, pé pól karkì sòkò pé fné sòkò.

---

§ 7:50 7.50 - Yah n te Nsyõ 3.1-21.

## 8

1 Nte, Yesu wɔ mó sɔkɔ Wolivi yèh yõlɩ yõ.

*Fòfɩnpi pi yó tɛnponɔle Yesu tyí*

2 Té dɩndal séngbɔ́ púpúle, Yesu tɔ̀ n̄ syɩ pɔ́ Liel ní-ńsah gbô sɔkɔ, té no pól me pɔ́ n̄ tnô. A me kɔ́ tɛ̀ à tyah péle n kwɔ.

3 Wǎh me kwónó sɔkɔ, Liel tyi kònsàhnó kwópú ànê Farisi wěkì kópú me pɔ́ sê fòfɩnpi yóle n̄ tyí. Pè pɔ́ pi mè sah tówú niyó Yesu yah,

4 té Yesu syah ne, kwó-ò dí, páh pi mè we tɛ̀ fòfɩkì pínó sɔkɔ tótó.

5 Té Moyisi-á kè yo sah n̄ tyi kònsàhnó sɔkɔ ne, sɛ̀nkɔ́ sê-á yĩne minkónóle dyèhle.\* Té ñmɔ-á dò, ñmɔ se ne sɔ́-á ni?

6 Pè sò me képah tɛ̀ne n yo sɛ̀, ne wǎh kɩ pilki pé lékàh we à kɔ́.† Nte Yesu me n̄ yõ sɩnki, té tyah n wǎrkɩ sétáh sɔkɔ n̄ kèngbɔle.

7 Kǎh pi sɛ̀, pè tɔ́ me yõ sɔkɔ ñne n gbah n piki n yah. Képah tɛ̀ne, à me n̄ yõ yõ té yo pé tyí ne: «Yé sɔkɔ ney nê-à kɩ me à nǎh tyípékè pi yah pólle, tɛ̀ wɔ dáhkìle pi mè min gbenne.»

8 Képah yóntenɔ́ nǎh, à tɔ́ n̄ yõ sɩnki à tyah n wǎrkɩ sétáh sɔkɔ.

9 Páh képah tɛ̀ noh sɛ̀, pè tyah n sɔkɔ núkú núkúle, à tɔ́kɔ lékóló ñgbò tyí, pópó à pɔ́ gbàh sah Yesu ànê pi mè ó tyí nénpó.

\* **8:5** 8.5 - Yah n te Tɔ́nyonɔ 22.22. † **8:6** 8.6 - Pilkintɛ̀-ńsah ye sò pè n yah n kɔ́ Yesule. Wǎh kɩ ne pè à min ko dyèhle, Wrome tǎn dɛ̀l ye à pi. Wǎh kɩ mó tɔ́ yo ne pè à fin mɔ́, à Moyisi tyi kònsàhnó dɛ̀l pi.

<sup>10</sup> Képah sɔkɔ, Yesu me ñ yõ yõ té yo pi tyí ne, nónó-á pɔ tɔkɔ à kɔ̃, ñyãh se péle ni? Pé sɔkɔ yó ñtẽ kó à mɔ kũ kɔ̃ ni?

<sup>11</sup> Pi me ne, pé yõtẽ, ney nãh pé mɔ kũ kɔ̃. Képah sɔkɔ, Yesu me ne: «Ñmɔ tɔ nãh ñ mɔ kũ kɔ̃ n pi. Ne n yuku; té à tɔkɔ núkúnúkú tyí, káh n tɔ tyípekè pi n yah.»]

### *Yesu ye kèkõyó kyòole*

<sup>12</sup> Képah nãh, Yesu tɔ yo névye tyí ne: «Ñmɔ ye kèkõyó kyòole. Névi nê-à ñmɔ sò tẽ, tẽ nãh tɔ n kɔ n pi fẽntú sɔkɔ. A ki kyòo we, nê-á ki minne à kɔ̃.

<sup>13</sup> Képah sɔkɔ, Farisi wẽkì kópú à syah ne, ñ se ki sê ñ tyíyónó yõ ni? Ñmɔ ó kó ñ gblõy tàrfyòle yò ni?‡

<sup>14</sup> Yesu me yo pé tyí ne ñkẽ: «Gbɪ tẽ wɔ ye ñmɔ ye ñ gblõy tàrfyòle ó, ñte ñmɔ ñ wìl-nsahle n pne, té ñ yúkú-nsahle n pne. Képah ye, máh tyí nónó yo ñ gblõy dùkù tyí sɔkɔ, gblɔ ye séle. Té yépi nãh ñ wìl-nsah pĩ, ye nãh se mó tɔ ñ yúkú-nsah pĩ.

<sup>15</sup> Yépi tẽ wɔ lékàhle névyele n kɔ̃ à yĩne névi yõtãhsyi sònole. Nte ñmɔ wɔ nãh lékàhle ñnî yó ñtẽne n kɔ̃.

<sup>16</sup> Té káh se pɔ pi mé yĩne mè lékàhle ñnî kɔ̃, mé nãh kéle à kɔ̃ n pi ñ gblõy. Sú Liyel nê-á tekɪ mɔ ñne, á ki kéle à kɔ̃ wẽ tyí ñmɔle. Képah ye, ñ lékàh kɔ̃nó ki pi gbɪ wẽkì yõ.

‡ **8:13** 8.13 - Nsyifunɔ tyi kònsàhnó sɔkɔ, né tàrfyò névye nãh nɔ ñimíne tir nê tyí, kéne tir nãh n mɔ n kɔ̃. Yah n te Tõnyonɔ 17.6; Matye 18.16.

17 Kè náh me wárkínsàhnóle yé tyi kònsàhnó sòkò ne, népî ní mí-à pi tàrfyòle tir nê sòkò, gbì-á kéle di?§

18 Nmò me ní gblõy tyíle n yo, té Sú Liyel nê-á tekí mò nne, òmò tò me ní tyíle n yo.»

19 Képah sòkò, pè Yesu syah ne, nýãh se ò súle ni? Yesu me ne: «Yé náh òmòle n pne, yé náh ní Sú tòle n pne. Yâh sò me òne pne, yé nâhki ní Sú tò pí.»

20 Yesu sò me kwónóle n pi Liyel ní-ísah gbò fí yò sòkò, nýãh-á ké pò kyésúkùle, té tyi nópi yo. Nte ò gbì náh tònì sò me se, képah ye ònî yò òtê náh tẽ we à tẽ.

### *Gbáhdýâh ònóle Yesu yò sê-òkêpú tyí*

21 Képah náh, Yesu tó yo tówû tyí ne: «Nmò ye n sòkò yò. Yé ki ní yah n kò n pi, òte yé ki ku yé tyí pékè sòkò. Nmò-á n yuku nýãh, yépi náh fẽ n kyi n pi nénpó.»

22 Képah sòkò, Nsyifunò ne, òte ò gblõy ko mò dékè se ki pyè me à tẽ ni? A kò à n yo ne, pépi náh fẽ n kyi n pi péwò yúkú-ísah sòkò.

23 Yesu me yo pé tyí ne: «Yépile, sétáh yò névye ye yéle, té òmò wòle, òmò wil yínyò. Kèkòyò mè névye ye yépile, òte ké névi náh òmò wòle.

---

§ 8:17 8.17 - Yah n te Tõnyonò 17.6.

24 Yáh we mé kéle n yo yé tyí ne yáh kɪ ku yé tyípêl sɔkɔ, yé náh me sê ké yõ ne, Nmo-á,\* képah ye n kɔ mé ne yáh kɪ ku yé tyípêl sɔkɔ.»†

25 Képah sɔkɔ, pè à piki yah ne, nê tẽ ó se ñmɔle ni? Yesu me yo pé tyí ne: «Mé sò kè yo te yé tyí ké tyah gbí òkùle.

26 Tyi náhnáh me n tyí yo yo tẽne yé tyí sɔkɔ ànê kɪ lékàhle yé kɔ. Nte máh nê noh n tékínmɔ-ò tyí, képah ó ye mé n yo yé tyí. Nmo ye gbɪ nétẽne.»

27 Nte pépi náh sò me pĩ ne, Sú Liyel tyí-á Yesu n yo pé tyí.

28 Képah sɔkɔ, Yesu yo pé tyí ne: «Yáh pɔ Névi Pídí yõ òkɔ gbí nêne, yé kɪ pĩ ne Nmo-á. Té kɪ tõ pĩ ne mé náh tir yó ntẽne n pɪ n yah yíine. Sú Liyel-á tyi nónónne n kwɔ, sépi ó ye mè n ne n yo.

29 Nê-á tekɪ mɔ ñmɔle, mé me ñ dyɔ yíi tyile n pɪ gbíme gbí, képah ye à me ñne, à náh n sah n pi n gblõy.»

30 Yesu-á me képah yónó sɔkɔ gbí nêne, névye náhnáh sê ñ yõ.

### *Nónó me Abrahami pétóbéle tótó?*

\* **8:24** 8.24 - Nmo-á nê tyí-á n yo ásò sɔkɔ yò, Liyel ñgbò ye lésò ñ gblõy ye Nmo ye Nmo. Té Yesu tɔ-á pɔ ñ gblõy ye Nmo ye, képah kéle n wêkɪ ne Liyel-á ñne. Yah n te Yálnó 3.14. † **8:24** 8.24 - Kù nê tyí-á Yesu yo ásò sɔkɔ yò, kù gbɔy tyí náh à n yo, Liyel tyí ñn kù tyí ye à n yo.

31 Képah tẽne, Nsyifuno nónó-á sò sě Yesu yõ, à me yo pé tyí ne: «Yáh kɩ me n̄mɔ tyíyónó wěkɩle n kɔ, n̄ tò sáhpu kègblo ye yéle.

32 Yé kɩ gbɩle n pne, té kéné gbɩ kɩ yé wilki yõri sɔkɔ.»

33 Képah sɔkɔ, pè me Yesu syah ne, Abrahamɩ pétóbé-á pépile. Pépi náh pi yah n̄n̄i yó n̄tẽ yõbɩle pólle. Nte à se s̄onpɩle n yo ne, pépi-á kɩ wil yõri sɔkɔ ni?

34 Yesu me yo pé tyí ne: «Kègbɩgbɩ tẽ yõ, mé kéle n yo yé tyí, névi nê-à tyípékèle n pi, tyípékè yõ ye tẽne.

35 Yõle, n̄ yõtẽ dí gbô sɔkɔ tẽ-ò kúmm náh n̄ne. Nte yõtẽ dí pídí tẽ wɔle, n̄ sú gbô sɔkɔ tẽ-ò kúmm ye n̄mɔle.

36 Képah ye, Liyel Pídí-à yé wilki yõri sɔkɔ, yé kɩ me yé gblõy yõ kègbɩ tẽ yõ.

37 Mé p̄i ne Abrahamɩ pétóbé-á yéle. Nte yáh n̄mɔ wɔlo yahle, képah ye yé k̄õ yé n yah n k̄õ n̄ kòn̄mɔ-nsahle.

38 N̄mɔ-á nê we n̄ Sú Liyel tyí, képah ye mé n yo. Yépi tɔ-á mó tyi nónó noh yé sú tyí, sépi ye yé n pi.»

39 Páh Yesu wey noh sě, pè à syah ne, Abrahamɩ-á pépi súde. Képah sɔkɔ, Yesu ne: «Yáh sò me Abrahamɩ pétóbéle, yé náhkɩ me Abrahamɩ tyípín̄ne n pi.

40 Nte núkúnúkú, n̄mɔ nê-á gbɩ noh n̄ Sú Liyel tyí à yo yé tyí, yé n yah n k̄õ n̄mɔ kòn̄mɔ-nsahle. Abrahamɩ náh s̄enk̄õ pi dò.

41 Yépile, yé sú tyípínó ye yé n pi.» Képah

těne, pè à syah ne, fòfikì‡ pínó soko náh pépi dubi dé! Nkě Sú núkú ó-á pépi tyí, nê-á Liyelle.

42 Yesu me yo pé tyí ne: «Liyel tyí ye ñmò wil à pò. Ñmò náh pò n gblõy yĩn yõ dé! Ñmò ye tekì mò ñne. Nte Liyel-à sò me pi yé Súle kègbì yõ soko, ñmò tyí nàhkì me nò yé tyí.

43 Yé yahle n welo nóhnóle, kèpah ye yé náh n welo syíkí-ńtân pĩ.

44 Yépi súle, sétàn yõtě ye ñne. Ñmò dyo yíi tyi ye yé me ké tyí ne yé ne n pi. Nékókè mó-ò ye ñne ñgbò dùkùle. Wáh pi gbì náh me n soko, à náh mó gbì wèkìle n kò pólle. Wáh pi mìnì yó-òle, wáh mìnìne n yo, ă kéle n yo à yĩne n gblõy kèdùkùle. Mìnì yónó yõ wil ñmò tyí.

45 Nte ñmò tẽ wòle, ñmò gbìle n yo, kèpah ye yé náh me sě n yõ.

46 Yépi soko nê tẽ kì fě kè wèkì ne máh tyípékè pi? Nte máh gbìle n yo, kwáh nê pi té yé náh sě n yõ?

47 Liyel tyí névi-à névi nêne, ñmò Liyel weyne n noh n tẽ n yĩn. Nte Liyel tyí névye náh yépile, kèpah ye yé kõ yé yahle sé nóhnóle.»

### *Yesu me Abrahami yah*

48 Kèpah soko, Nsyifunò Yesu syah ne, gbì kò me pé tyí pé yo ne, Samari ney-á ñne, ànê sétõ-á me n soko ni?

49 A me yo pé tyí ne: «Sétõ náh me ñmò soko. N Sú Liyel ye mé n gbilki, té yépi me ñmòle n yilo.

‡ 8:41 8.41 - Liyel wèkì kó-ńkě pèpeyne, Liyel wey kéle n tòko n sãh fòfikì pínóle.

<sup>50</sup> Nmo náh me n yah n kã ní gblõy gbílkí-ńsahle dé. N gbílkí-ò ò gblõy ńmole. Nmo ye gbí syínkõ-òle. §

<sup>51</sup> Kègbıgbı tẽ yõ, mé kéle n yo yé tyí, névi nê-à n sah ńmo yóré yõ, tẽ náh kũ do n yah n pi pólle.»\*

<sup>52</sup> Képah soko, Nsyifunõ à syah ne, páh pyě kè pĩ yíí núkúnúkú tẽne ne sétõ-á me ñ soko.

Abrahmı-á ku, Liyel tẽntõ syínyopu to me ku. Nte ñmo po n yo ne, névi nê-à n sah péwo yóré yõ, tẽ náh kũ do n yah n pi ni?

<sup>53</sup> Pépi sú Abrahmı-á ku. Nte ñmo se me n sõ ne páh kal Abrahmıne ni? Liyel tẽntõ syínyopu to me ku. Té ñmo tẽ se me ñ gblõyne n yah nédúkú nêne ni?

<sup>54</sup> Képah soko, Yesu yo pé tyí ne: «Mâh náhki sõ me ní gblõyne n gbilki, yõ náh me gbílkínó mè tyí. Nte ní Sú Liyel ye n gbilki ńne, ñmo nê-á yé ne, yé Liyel-á ñne,

<sup>55</sup> té yé náh se mó tõ me ñne n pne. Nte ńmo wo ñne n pne. Mâh sõ me yo ne, mé náh ñne pne, mé náhki pi mınıole yé tyí kõle. Nte ńmo ñne n pne, té me n sah ñ yóré yõ.

<sup>56</sup> Yé sú Abrahmı sõ me nıvını soko ne, pé ńmo po sõ gbıyıkı we. A me po kè we, kè pi nıvınıne ñ tyí.»

<sup>57</sup> Képah soko, Nsyifunõ me à syah ne, ñmo náh tõni ye tikinini pó gbãm we, té ne páh

§ 8:50 8.50 - Gbı syínkõ-ò nê tyí-á n yo ásõ soko yò, Liyel ye.

\* 8:51 8.51 - Kũ nê tyí-á n yo ásõ soko yò, yah n te 8.24.

Abrahmı we ni?

<sup>58</sup> A me yo pé tyí ne: «Kègbıgbı tẽ yõ, mé kéle n yo yé tyí, Abrahmı-á pópó n dubi, Nmo me.»

<sup>59</sup> Wǎh képah yo sɛ, pè núkú dyêh kwel n tyí ne páh ñne n minki.† Nte à me wõbı à wil Liyel ní-ńsah gbô soko à soko.

## 9

*Yítú dí yó yí yíkínmɔnɔle*

<sup>1</sup> Sõ yóle, Yesu sò me n ko n soko té dí yó we, nê-á sò me yítúne n dubi gbí dukùle.

<sup>2</sup> Képah soko, Yesu tò sáhpú à piki yah ne, pé kwó-ò dí, sò se pi té dí mè dubi yítúne ni? Nmo tyípékè pínó se, tĩ n dúbípú tyí se?

<sup>3</sup> A me yo pé tyí ne: «Nmo, képah náh pi n dúbípú tyípékè pínó náh à kō à dubi yítúne dé! Kè ye pi Liyel tyípinì wèkì yinne n soko.

<sup>4</sup> Nê-á tekı mo ñmɔle, tyah kyòo soko ye á yĩne à tòle n pi n tyí. Nkě lékâh me n pi, nê soko-á ney náh fẽ tò pi n pi.

<sup>5</sup> Máh fyò me kèkõyó soko, ñmo ye kèkõyó kyòole\* ní me gbí pól soko.»

<sup>6</sup> Wǎh képah yo te, à sìn mo sétáh té kè fãh à kele yítú dí yí yah.

<sup>7</sup> Té me yo n tyí ne à kyı n yah wu pékì tũnsàhnó yó ni soko, nê-á pè n ye Silowele. Silowe kór ye Těntò névile. Yítú dí me soko à

† **8:59** 8.59 - Liyel tyi kònsàhnó wèkì soko, névi nê-à yo de Liyel tyí, pè yĩne pè tẽ min ko dyêhle. \* **9:5** 9.5 - Yah n te Nsyõ 8.12.

kyi n̄ yah wu n̄n̄pó. Wǎh n̄ syi n pi gbí n̄n̄e, à s̄ò me n yah.

<sup>8</sup> Képah s̄okɔ, n̄ tn̄ t̄ɛpu àn̄ n̄n̄-á n̄k̄n̄e n̄n̄e n we à n ne me n ni n syi, p̄ǎh à we p̄e me yo t̄ũ ne, dí mè kó n̄k̄n̄e n k̄õ n t̄ɛ ne n ni n syi yò ni?

<sup>9</sup> Túkù ne n̄mɔ-á, túkù mó ne n̄mɔ n̄áh, yǎhnk̄-á à tɔ. P̄ǎh me képah s̄okɔ, dí me yo pé tyí ne p̄ewɔ-á tótó.

<sup>10</sup> Wǎh yo s̄ɛ, p̄e me à piki yah ne, n̄ yí se pi s̄õ té yiki mɔ ni?

<sup>11</sup> A me yo pé tyí ne, dí n̄-á p̄e n ye Yesule, n̄mɔ-á fǎhk̄i pi, té k̄e kele pé yí yah, té ne pé kyi pé yah wu Silowe yo s̄okɔ. Pé me s̄okɔ kyi pé yah wu n̄n̄pó, pé me f̄ɛ n yah.

<sup>12</sup> P̄e me à syah ne, k̄ene dí se me n̄yǎh ni? A me ne pé n̄áh p̄í.

*Farisi w̄ɛk̄i kópú-á sóhlínyahno n̄e pi yítũ dí yí yíkínmɔno tyí s̄okɔ*

<sup>13</sup> Képah s̄okɔ, yítũ dí n̄e yí-á yiki mɔ, p̄e à t̄ɛ pɔ Farisi w̄ɛk̄i kópú tyí.

<sup>14</sup> Té mi mi yòh s̄õ ye mó t̄õ lésõ Yesu fǎhk̄i pi à dí yí yiki mɔ.

<sup>15</sup> Képah s̄okɔ, Farisi w̄ɛk̄i kópú dí piki yah ne, s̄õ se k̄e pi té à f̄ɛ n yah n̄úkúnúkú ni? A me yo pé tyí ne, fǎhk̄i-á à pi kele pé yí yah, té pé me kyi pé yah wu, pé me f̄ɛ n yah.

<sup>16</sup> Képah t̄ɛne, Farisi w̄ɛk̄i kópú túkù s̄ò me n yo ne n̄k̄ɛ, dí mè n̄áh fyò me mi mi yòh t̄ɛ d̄elle

n tẽ, képah-á n wẽkɪ nɛ à náh wil Liyel tyí.† Nte pé túkù mó me n yo nɛ, tyípêl pí-ò se kɪ fẽ gbɪl nópi dükù pí sõ nɪ? Kãh pí sẽ, pé sõno pí sé tyí tyíle.

17 Pè me tõ pé syɪ dí mè syah nɛ, nê-á yɪkɪ mo ò yíle, òmo se kɪ yo sõ tẽ tyí soko nɪ? Dí me nɛ, Liyel tẽntò syínyo-ò-á ònɛ.

18 Nte Nsyifunɔ yõtãm náh sò me ké tyí nɛ pé sã ké yõ nɛ, yítũ-á sò ònɛ, té núkúnúkú à me n yah. Kãh pí sẽ, pé ò dúbípú ye pɔ,

19 à pɔ pé piki yah nɛ, pépi pídí se dí mènɛ nɪ? A se dubi yítũnɛ nɪ? Nte à se pí sõ té fẽ n yah núkúnúkú nɪ?

20 N dúbípú me yo pé tyí nɛ, páh pĩ nɛ pépi pídí-á ònɛ; wãh dubi yítũnɛ.

21 Nte tir nê tẽ wɔ-á pí té à fẽ n yah núkúnúkú, pépi náh képah wɔ pĩ, pé náh se mó tõ pĩ nê-á yɪkɪ mo ò yíle. Nkẽ pé à piki yah, wẽnpir náh tõ ònɛ; wãh kɪ fẽ ké yah yo ò gblõy.

22 Nsyifunɔ yõtãm tiki sò me pé tẽ, képah ye pé kõ pé n wɛkɪ sã. Nsyifunɔ yõtãm sò me ké yo sah tɛ nɛ, névi nê-à kɪ nɛ Liyel nɛy yáhntokono-á Yesule, tẽ-á kɪ yĩni wilki pépi wẽkɪ soko.

23 Képah ye, ò dúbípú kõ pé nɛ, wẽnpir náh tõ ònɛ, pé à piki yah.

24 Képah soko, Farisi wẽkɪ kópú tõ dí mè ye

† 9:16 9.16 - Yáh we Farisi wẽkɪ kópú túkù nɛ Yesu-á me mɪ mɪ yòh dèlle n pí, pépi tẽ sõno soko, wãh névi de mo mɪ mɪ yòh sòle, tò ye á pí.

yah ke ní-òle nê-á lésõ yítũne, té yo ò tyí ne, ké Liyel wěkì tẽ yõ, à gbı yo pé syah. Pépi-á pĩ ne ò yí yíkínmò-ò dí mènne, tyípêl pí-ò-á ònne.

<sup>25</sup> Dí me ne, pé náh pĩ tyípêl pí-ò-á kı nê ònne dé! Tyínúkú ó-á péwò n pne: Yítũ-á sò péle, òte núkúnúkú páh me n yah.

<sup>26</sup> Pè me à piki yah ne, tir nê se Yesu pi ò tyí ni? Dùkù nê se à yıki mò ò yíle ni?

<sup>27</sup> Dí me ne, páh sò kè yo te pé tyí, té pè náh pé níkí sah kè noh. Nte sò se té pè tõ me ké tyí ne, pé kè yo pé noh ke ní-òle ni? Pépi tó se pyè me n yah n kõ ne, pé pi ò tò sáhpúle ni?

<sup>28</sup> Képah tẽ sòkò, pè tyah ònne n gbyò, té ne òkě, òmò-á kéne dí tò sáh-òle dé! Pépi tẽ wòle, Moyisi tò sáhpú-á pépile.

<sup>29</sup> Páh pĩ ne Liyel-á yo mò Moyisi tyí.‡ Nte dí mènne, pé se ò wìl-òsah òtẽne n pne ni?

<sup>30</sup> Páh yo sě, dí me yo pé tyí ne, é! Té képah-á pyè pi gběndùnìne yò sò. Pépi náh ò wìl-òsah pĩ pè yo. Nte wáh péwò yí yıki mò dé!§

<sup>31</sup> Pé pól-á pĩ ne, Liyel náh tyípêl pí-ò níríle n tẽ. Nte névi nê-à pi négbíle, té Liyel dyò yíi tyile n pi, à tẽ wò níríle n tẽ.\*

‡ **9:29** 9.29 - Liyel yáhkì yáh Moyisile, wáh ò tyi kònsàhnóle ònne n kõ gbí nêne. Yah n te Yálnó 33.11; Yáhnó 12.8. § **9:30** 9.30 - No nópi me n yo ásò sòkò ne, pépi náh Yesu wìl-òsahle n pne. Nte kè mó tõ me yónóle Yesayi 35.5 ; 42.7 sòkò ne òkě, Liyel ney yáhtòkòno-á kı yıki mò yítũbi yíle. Nénpó sòkò, pè sò yíne pè pĩ ne Yesu-á Liyel ney yáhtòkònole. \* **9:31** 9.31 - Yah n te Sèmìrn 15.29.

32 Nte kèkõyó-á me sǒ, pépi náh kè noh yah ne, ònî-á yítû yó yí yíkí mɔ, nê-á dubi yítûne dé!

33 Dí mè-à sò me wìl-òkène Liyel tyí, à náh náhki fě tir yó òtě pi n pi dò!

34 Képah tēne, pè à syah ne, òmɔle dubi ò tóó tyípékè ó sòkɔ, té òmɔ ki pɔ ne páh pépile n kwɔ ni? Té núkú à yíni wilki kégbó.

### *Nónó-á yítûbile Liyel tyí tinnε*

35 Képah sòkɔ, Yesu-á kè noh ne páh dí yíni, à kyí à yohní té à piki yah ne: «Á se sě Névi Pídí yó?»

36 Dí me ne, pé yòtě, nê se Névi Pídí mène ni? A ò tyí yo pé syah, pé kǒ pé we sě ò yó.

37 Képah tēne, Yesu me yo ò tyí ne: «Á ye à we te. Nmɔ ye n yáh ále núkúnúkú yò.»

38 Dí-á képah noh sě, à ne páh sě ké yó, Tě ògbě. Té me gbètukunɔ di Yesu yah, à à gbilki.

39 Képah sòkɔ, Yesu ne: «Gbí wah yín ye òmɔ pɔ kèkõyó mè sòkɔ; ne yítûbi yí yíkí mɔ, té nónó-á me n yah pépi pi yítûbile.»

40 Képah sòkɔ, Farisi wěkì kópú nónó-á sò me ànê Yesule, pépi-á welɔ nópi noh, pè Yesu piki yah ne, òte yítûbi se pyě pépi tɔle ni?

41 Yesu me yo pé tyí ne: «Yáh sò me yítûbile, tyípékè náh náhki n me n pi yé yó. Nte núkúnúkú yé ne yáh me n yah, képah ye yé tyípékè me yé yó.»

# 10

## *Képyénfě pèpɛyɛ*

<sup>1</sup> Képah náh, Yesu tǒ yo pé tyí nɛ: «Kègbɔgbɔ tẽ yõ, mé kéle n yo yé tyí, névi nê-à n dé-ńkẽne képyénì tũ yahle, té n doko n de ké soko ké gbòpo yóle, yẽnwó ye tẽne, névi yõ syíkí-ò tǒ ñne.

<sup>2</sup> Nte nê-à n de ké yahle, képyénfě ye tẽ wole.

<sup>3</sup> Tũ syíkí-ò dí ké yah yɔki n mo ñmo kǒ. N képyénì ò yíne n pne.\* Wàh de, ò tyí-á képyénì nónóne, ǎ sé ye n wil sé ynine kégbó.

<sup>4</sup> N képyénì-á ò yíne n pne sě, képah ye wàh sé pól wilki mo te, à n yín sé yah, té sě ò sò tẽ.

<sup>5</sup> Nte sàh névi nê yíne n pnè-ńkẽne, sè náh tẽ sòle n tẽ pólle. Sè n to n gbɛ n mo fíi ñne ńtẽne.»

<sup>6</sup> Yesu kéne sèmĩrkĩ yǎh tówú tyí, ñte pè náh ké kór pĩ.

<sup>7</sup> Képah soko, Yesu tǒ yo pé tyí nɛ: «Kègbɔgbɔ tẽ yõ, mé kéle n yo yé tyí, ñmo ye képyénì tũ yahle.

<sup>8</sup> Nónó pól-á ní dyàh tẽ po soko te, yẽnwóbé ànê névyɛ yõ syíkípú ye péle.† Nte, képyénì náh mó fě syi noh pé tyí.

\* **10:3** 10.3 - Nsyifuno tyí sò, képyénfěbɔ náhnáh sò ńkẽne pé képyénìne n kwɔ n mo n dah n mo n po tũ núkú soko, ò té ñni yó toko n sah, ǎ séle n syɔki lékàhne yípú ànê gbɛnképèl yíinne. Pé pól ńkẽne yni sah pé képyénì kǒ. Pé képyénì pé yínole n pne. Tyah-à fyò dal, pè pé képyénìne n ye n wilki n po sé ynine.

† **10:8** 10.8 - Yah n te Nsyeremi 23.1-2; Yesekyelɔ 34.2-10.

<sup>9</sup> Nmɔ ye dénsahle. Névi nê-à de képahle, tẽ ki pwah. Tẽ ki fẽ n de, té ki òne n syi n wil ki ò yòkele n we.

<sup>10</sup> Té yẽnwó wɔ-à n pi, yĩbe, ànê nékókè mónó, ànê yényêh pi yĩn ó ye à n pɔ. Nte nmo pɔ ne névye min we, nê-á ple yíí.

<sup>11</sup> Képyénfẽ pèpey ye nmo. Kàh sɔ n nɔ kũ tyí, képyénfẽ pèpey n fẽ n syi ò min kɔ ò képyénì yĩnne.

<sup>12</sup> Nte pó yáhnkɔ-ò képyénfẽ tẽ wɔle, képyénfẽ kègbi náh nmo dé! Nmɔ yẽngbẽ tyí náh képyénì nópìle. Képah ye, wàh fyò gbẽnpâh we à n pi, à n to ò té képyénì milki, à kɔ à n pɔ n tẽ sé sɔkɔ, sé téló n mó n to n karkì.

<sup>13</sup> Pó ó kókó ye nmo n yah n kɔ dò. Yíkínó-à sɔ n pi képyénì sɔkɔ, kè náh n pi tìrle nmo yah.

<sup>14-15</sup> Képyénfẽ pèpey ye nmo. Sɔ-á Sú Liyel òne n pne, té ò to òne n pne, sɛ ó ye, mé ò képyénìne n pne, sé to mó òne n pne. Nmɔ ki ò min kɔ ò képyénì yĩnne.

<sup>16</sup> Képyénì tókù me ò tyí, nónó-á sè náh me tũ mè sɔkɔ. Sè ki n noh n pi ò tyí. Mé yĩne mè n kyì sè yah n fẽ fẽ n pɔ n kwɔ n mɔ sè pi tũ núkúle, képyénfẽ‡ núkú ó mó séle n fẽ.

<sup>17</sup> Nmɔ ki ò min kɔ kũ sɔkɔ, té ki tɔ pɔ kè syi n pi. Képah ye, ò tyí nɔ Sú Liyel tyí.

<sup>18</sup> Ney náh fẽ ò ko n mɔ n pi dé! Nmɔ ye n kɔ ò minne ò gblóy. Tẽnweno me ò tyí ki fẽ kè kɔ, tẽnweno tɔ me ò tyí ki fẽ kè syi ò tɔ. Sɛ ye ò Sú Liyel ne mé pi.»

‡ **10:16** 10.16 - Képyénfẽ nê tyí-á Yesu n yo ásó sɔkɔ yò, ò gblóy ye à n ye.

19 Képah tẽne, Nsyifunõ-á welo nópi noh sã, pé sõno tã kah pi sé tyí tyíle.

20 Pé náhnáh tyah n yo ne níkẽ, sétõ yó-á me n sokõ, n yõgbèkè kã kè yuku. Yõ se tã me ké tyí, pè n welo n nohni ni?

21 Nte tókù mó ne níkẽ, yõgbèkè yúkú-ò welo náh welo nópile dé! Yõgbèkè yúkú-ò se ki fẽ yítú yí yiki mo ni?

### *Nsyifunõ tókù-á Yesu yahle dùkù nêne*

22 Képah sokõ, kwòviri gbíne, syáh yó sò me n syah Yerusalem sokõ, nê-á Nsyifunõ dyole n to n kã Liyel ní-nsah gbô tõnsàhnsokõno tyíle.

23 Képah sokõ, Yesu sò me n kã n kã Liyel ní-nsah gbô párn yó sò, nê-á pè n ye Salomo párnne.

24 Nsyifunõ yísyó me po à mo gbí té yo n tyí ne, à se ki pépi mo sah tótò sokõ, pópó ki po no gbí nê tyí ni? Nmo-à ki nê Liyel ney yáhtokõnole, à kè yo n dal n mo pé syah kè!

25 A me yo pé tyí ne: «Mé kè yo te yé tyí, nte yé náh sã ké yõ. Tyi nóno-á mé me n pi ní Sú Liyel yin yõ, sépi ye me ní tyíle n yo n wah.

26 Nte yé náh pi nmo képyénine sã, képah ye yé kã yé náh sã ké yõ.

27 Nmo képyénì tẽ wo ní weyne n nohni, mé séle n pne, ànê sã ní sò tẽ.

28 Mé ki tyé-níkẽ minne sè kã. Sé tyí náh n yiki n yah n pi, ànê nnî yó ntẽ náh fẽ sè tẽ n syi ní gbõ.

29 Nmɔ Sú nê-á séle ní gbò dahbi, òmɔ kal yiyìn pólle. Képah ye, ònî yó ntě náh fě sè tẽ n syi òmɔ gbò sɔkɔ.

30 Nmɔ ànê Sú Liyel me núkúle.»

31 Képah tẽne, Nsyifunɔ tǔ dyêh tǔ ne páh Yesule n min n ko.

32 Nte à me yo pé tyí ne, Sú Liyel gbò yǔ, páh tyípeplo náhnáh pi pè we. Sépi sɔkɔ nê tẽ yìn se pè n yah n kǔ pé mínkò-nsahle ni?

33 Nsyifunɔ me à syah ne, tyípepěy pínó yìn náh pé ne páh òne n min n ko dé! Nte wǎh yo de Liyel tyí képah yìn-á. Nmɔ névi gbɔy ki po n gblǔyne n pi Liyelle ni?

34 Képah sɔkɔ, à yo pé tyí ne: «Kè náh me wǎrkínsàhnóle Liyel wey sébéy sɔkɔ ne, Liyel-á ne liyelno-á yéle di?§

35 Liyel-á yo mɔ névye nóno tyí, à pè ye liyelnole. Nte yé se pi ne Liyel wey sébéyno-á nê yo, kè náh fě n milki n pi té!

36 Té Sú Liyel-á òmɔ nê wilki sah ò tyí yǔ, té ní tekɔ mɔ kèkǔyǔ, yé ne máh yo de Liyel tyí, máh sǔnpúle yo ne Liyel Pídí-á òne ni?

37 Máh ki me ní Sú Liyel tyípinène n pí-ńkène, yé káh sě ní yǔ.

38 Nte máh ki me séle n pi, yáh ki sǔ me n sě n pi ńkène òmɔ yǔ, yé sě sépi tẽ wɔ yǔ; képah sɔkɔ yé ki pi yǔ ne, máh me núkúle Sú Liyelle, ànê Sú Liyel-á me núkúle òne.»

39 Képah tẽne, pè tǔ ne páh Yesule n tẽ. Nte à pwah pé tyí.

---

§ 10:34 10.34 - Yah n te Gbálnó 82.6.

<sup>40</sup> Képah náh, Yesu tõ ò syi yuku Nsyurdě yónkahñne, à kyi tẽ nýãh soko-á Nsyõ ñgbò tyah névye wèlnwílkinóle.\*

<sup>41</sup> Névyé náhnáh me kyi ñ tnô, té me yo tũ ne, Nsyõ náh gbíl tir yó ntẽ pi. Nte wãh tyi nónó pól yo dí mè tyí soko, gbló-á séle.

<sup>42</sup> Képah soko, névye náhnáh me sã Yesu yõ nénpó.

## 11

### *Lasari kúnó ànê ñ yílkínmɔnɔle*

<sup>1</sup> Dí yó lésò me nýân syiki, pè n ye Lasari. A sò me Betani kwil soko, képah nê soko-á sò ñ dósýóle, pè n ye Mari ànê Martile.

<sup>2</sup> Kéne Mari mè wɔ ye lésò làsèkwèl yó kwe mɔ Yesu gbyèh yõ, té sè kele ñ yòyénne.\* Nmo dódí Lasari ye sò n yɔ.

<sup>3</sup> Képah soko, ñ dósýó me tẽntò mɔ Yesu tyí ne, pé yòtẽ, ñ kódí Lasari náh me lènɔle.

<sup>4</sup> Yesu-á képah noh, à ne ñkẽ, Lasari nýân mè náh pi ñ ko ko nýânne. Nte kãh ki Liyel yòtõrí wèki, té ki tõ ñ Pídí yòtõrí wèki.

<sup>5</sup> Té Marti, ànê Mari, ànê pé dódí Lasari tyí sò nɔ yíi Yesu tyí.

<sup>6</sup> Nte nýãh soko-á sò Yesule té pè pɔ Lasari nýân tyí yo ñ tyí, à tõ wũ nénpó à sèpìn níni pi.

---

\* **10:40** 10.40 - Yah n te Nsyõ 1.28. \* **11:2** 11.2 - Yah n te Nsyõ 12.1-3.

7 Képah náh, à yo ò tò sáhpú tyí ne, pè ye pé pé syi n yuku Nsyude gběnyah soko.

8 Wǎh yo sě, pè me ne, kwó-ò dí, nénpó soko kó lésõ pè n yah n kǒ ò minkò-nsahle dyêhle sě yò sě yò, té à tǒ n yah n kǒ ò syínyuku-nsahle nénpó soko ni?

9 À me yo pé tyí ne, lérínó gbõninó kó gbìyìkì soko ni? Névi nê-à n kò tyah kyòole, kèkõyó kyòò-á à n ne n yah. Képah-á, tě gbáhkì mìnó náh nò.

10 Nte névi nê-à n kò lékâhne kyòò kěne, tě ò gbáhkìle n mi.

11 Welò nópi yóntenò náh, Yesu tǒ yo pé tyí ne, pépi kódí-á me dọy soko, òte páh kì kyì à yilki mò.

12 Képah soko, ò tò sáhpú mó ne Tě ògbě, dọy soko-à kì nê Lasarile, wǎh kì de.

13 Nte Yesu wey soko, Lasarì kúnó tyí ye à yo, té ò tò sáhpú wò mó we ne dọy gbọy tyí-á à yo.

14 Kǎh pì sě, Yesu kè yo yìkì mò pé tyí ne Lasarì-á ku.

15 Nte péwò mé-ńkěne sò nénpó, képah-á me nò yíí péwò tyí pépi yinne. Kǎh pì sě, páh kì sě yíí péwò yò. Té núkúnúkú, pè ye pé soko ò tnò.

16 Képah soko, Toma nê-á pè n ye Didimine,† òmò pé no syah ne, pè ye pépi tò kyì ku òne wě tyí.

17 Yesu-á yini tě nénpó gbí nêne, à kyì ne yah Lasarì lékó sò sèpìn òyêh pì te diki soko.

† 11:16 11.16 - Didimi kór ye kènìnne.

18 Yé yah, Betani ànê Yerusalemı wró náh sò me kah gbε mɔ. Kè sò me kílónó tǔnó kénkǔle.

19 Képah ye, Yerusalemı tǎn náhnáh sò me pɔ Martı ànê Mari yéti kélé-ńsah pé dódí yáhnkwlonɔ sɔkɔ.

20 Martı-á fyò noh ne Yesu-á me n pi, à kyı à yohnı. Té Mari wɔ sò me kǔntǔnóle gbô sɔkɔ.

21 Képah sɔkɔ, Martı me yo Yesu tyí ne, pé yòtǔ, wǎh sò me ásô sɔkɔ, pé dódí náh náhkı n ku n pi.

22 Nte núkúnúkú ntǔ fyé sɔkɔ, páh pı ne wǎh kı sǔ tir dükù nê yah kǔ Liyel tyí, wǎh kı kè pı n tyí.

23 Képah sɔkɔ, Yesu me yo n tyí ne: «Á dódí lékó kı yilki mɔ.»

24 Wǎh yo sǔ, Martı ne, páh pı ne lékyî-à kı pɔ n yilki n mɔ gbìyìkǔ téy sǔle, n tɔ lékó-á kı yilki mɔ.

25 Képah tǔne, Yesu yo n tyí ne: «Nı mɔ ye lékyî yílkinmɔ-ò ànê minne. Névi nê-à sǔ nı mɔ yǔ, tǔ-à sǔ ku, à kı tyé-ńkǔ min we;

26 ànê névi nê-à me min sɔkɔ té sǔ nı mɔ yǔ, tǔ náh tǔ n ku n yah n pi Liyel tyí tǔnne. Á se sǔ képah yǔ, Martı?»

27 Martı me ne, àwe-á Tǔ nǔgbǔ, páh sǔ ké yǔ ne nı mɔ-á Liyel ney yáhnɔkɔnɔle, nê-á n Pídíne, nı mɔ nê-á sò yǔne à pɔ kékǔyó.

28 Képah yóntenɔ náh, à n syı kyı plo yo n gbǔnsê Mari tyí ne, kwó-ò dí-á me de n te. Té wǎh me nne n ye.

29 Mari-á fyò képah noh, à núkú yuku à soko Yesu tnô.

30 Yesu náh tǒnì sò me de kwil soko. A sò me fí nê soko-á sò Martı pɔ à yohnı.

31 Té Yerusalemı tǎn nónó-á sò me Mari tnô gbô soko, me ñ yéfine n kele, pépi-á à we à yuku wil súú sě, pè ñ sò tě. Pè sò me n sò ne, pò gbó-ńsah-á à n yuku diki yõ.

32 Nte Mari-á kyı yĩni tě Yesu mé-ńsah soko, té à we, à gbètukunɔ di Yesu yah soko té yo ñ tyí ne, pé yòtě, wǎh sò me ásô soko, pé dódí náh náhkı n ku n pi.

33 Képah soko, Yesu-á à we à me n gbo à tahlı ñ tékínmɔpu tyí, kè ñ nı kah tě kérékéyô, ñ yah kwɔ.

34 A me ne, ńyǎh soko se pè yĩ ñ lékóle nı? Pè me yo ñ tyí ne, pé yòtě, à pɔ kyı yah.

35 Képah soko, Yesu yéfi kwɛ.

36 Képah těne, ñ tékínmɔpu ne, pè yah, ñ tyí-á sò me nɔ yíi ñ tyí dé!

37 Té tǒ me n yo ne, ñmɔ nê-á yítú dí yí yıki, à kó sò fě kũ yah kō n pi Lasarı tyí nı?

38 Képah soko, kè tǒ Yesu nı kah tě kérékéyô, à me soko diki yõ. Tekı diki ye sò kéle, té ké yah me víkénóle dáh-ńgbě yóle.

39 Yesu me yo no tyí ne, pè dáhki mè toko tě yõ. Lékokè dósê Martı me à syah ne, Tě ńgbě, ñ yínó sèpìn ñyêh-á yò. Wǎh kı me n pō dò.

40 Képah soko, Yesu yo ñ tyí ne: «Mé náh kè yo á tyí ne, wáh kı sě ń yõ, á yí-á kı tě Liyel

yõtõrí yõ di?»

<sup>41</sup> Képah tẽne, no me dáhkì tẽ yõ. Yesu me ò yah yõ yinyõ té ne: «Bõ, mé n weki á tyí wáh sõnpí n nírí tẽ.

<sup>42</sup> Mé pĩ ne wáh me n níríle n tẽ gbímegbí. Nte mé kéle n yo tówû m̀e yinne nê-á n mo gbĩ sah yò, ne pè sã ké yõ ne, áwɔ-á tekɪ mo ínɛ.»

<sup>43</sup> Képah yóntenɔ náh, à kah yo mo ne nké: «Lasari, wil nénpó!»

<sup>44</sup> Képah sɔkɔ, Lasari nê-á sò ku, à yuku wil ò gbyêh ànê ò gbãñne púkúbínóle fwɔ gbróle; té ò yèpɔ me fókónóle fwɔle. Yesu me yo pé tyí ne, pè à wah mo, pè mó ye à kò à ne n yuku.

### *Nsyifunɔ yõtãm me n yah n kɔ Yesu kònmo-nsahle*

<sup>45</sup> Névyé nónó-á sò me pɔ Mari tnô, té pɔ Yesu tyípiní m̀e we sã, pé náhnáh sã Yesu yõ.

<sup>46</sup> Nte pé tükù wɔ mó kyɪ ò tyípiní m̀e sèsahri yah sah Farisi wẽkì kópú tyí.

<sup>47</sup> Káh mó pɪ sã, Farisi wẽkì kópú ànê sárká syínwilkipu yõtãm me pé no tukey tükèpu tĩnkì ye, pè kò tẽ ké tyí sɔkɔ. Pè wẽ syah ne, dí m̀e-á me gbil tyile n kah n pɪ dé, sõ se pé kɪ pɪ nɪ?

<sup>48</sup> Páh kɪ à sah à yõ sɔkɔ séle n pɪ sã yò, no pól-á kɪ sã ò yõ. Nte képah-à pɪ, Wrome tân-á‡ kɪ yuku pépi Liyel ní-nsah gbô sɔ, té kɪ pépi yĩkì tyí yɪkɪ.

---

‡ **11:48** 11.48 - Wrome tân nónó tyí-á n yo ásô sɔkɔ yò, yõtãm ye sò péle Nsyifunɔ yõ.

49 Nte pé soko yó lésõ me, pé n ye Kayifile. Léyile, ñmõ ye lésõ sárká syínwìlkìpu yõtë ñgbẽne. Nmõ me pé no syah ne: «Yé náh kwâh yóle n pne dé!

50 Yé náh pĩ ne, dí nénúkù-à kɪ ko mɔ ápi yĩkɪ swɔ kè kɔ kè wɛ pwah, képah-á kɪ nekɪ kal ápile ñ tẽnóle min soko, té á yĩkɪ pól tyí mó pɔ yɪkɪ di?»

51 Nte ñmõ yah yíi náh sò à yo tyi nópile dé! Wãh sò me sárká syínwìlkìpu yõtë ñgbẽne léyile sě, képah ye Liyel me tẽnòle à kɔ à syi yo sah ne, Yesu-á yĩne à ku ñ yĩkɪ névye yĩnne.

52 Té ñ yĩkɪ névye ó yĩn náh à kɪ n ku n pi dé, ñ kúnó kɪ Liyel wẽnpi pól tɔ tuke mɔ pi núkúle, pépi nóno-á me karkɪ tẽ tẽ kɔ.

53 Kayifi-á fyò képah yo, à tɔkɔ lésõ tyí, pé núkú Yesu kònmonɔ sah gbáhkì yõ.

54 Kãh pi sě, Yesu náh tõ me n gblõyne n wilki n mɔ kwèyy Nsyifunɔ yah. A yal ànê ñ tò sáhpúle, pé kyɪ tẽ kwil yó soko, pé n ye Yefrayimine. Képah sò me gběnyah yó soko, nê-á me gběnnɪ tnô.

55 Nte Nsyifunɔ yõru tyénó syáh-á sò me de n te sě, névye náhnáh sò me n wil gbno soko, té me n dokɔ n yuku Yerusalemɪ kwil soko. Pé sò me syáh mē dyàh tẽ, ne pé kyɪ pé gblõy tõ n sah, à yĩne pé tyi kònsàhnó wãlle.

56 Pãh sò me Liyel ní-ńsah gbô soko gbí nêne, pé sò me Yesule n yah n kɔ, té me wẽnne n piki n

yah ne ñkě, kè se me sã ni? A se ki pyě ye wũ syáh mè soko pónóle ni?

<sup>57</sup> Té sárká syínwĩkĩpu yõtãm ànê Farisi wěkì kópú lésõ me ké gbah yo sah te névye tyí ne, nê-à fyò Yesu mé-ńsah pĩ, tẽ po kè yo pé syah, pé kõ pé à we tẽ.

## 12

*Mari làsèkwěl mónóle Yesu gbyěh yõ*

<sup>1</sup> Nsyifuno yõri tyénó syáh sò me wũ sèpìn kénúkòle, té Yesu me kyì Betani kwil soko, nýãh soko-á sò Lasarile tẽnóle, wãh nê lékó yilki mo.

<sup>2</sup> Pè me yõke yah Yesu kõ nénpó. Marti sò me yõkele n dibi, té yõke mè yópú soko yó ye sò Lasarile.

<sup>3</sup> Képah soko, Mari me làsèkwěl dénkókò yó lítír tóní toko, nê-á pé nardi kókóle kè pi. Té po kè kwe mo Yesu gběnáhló yõ, té kè kele ñ yõyénné. \* Làsèkwěl mè pãn me wòkò pól toko.

<sup>4</sup> Képah tẽne, Nsyudasì Yisikariyotì nê-á Yesu tò sáhpú soko yóle, té ki sò po n vi n pi Yesu náh, ñmo ne,

<sup>5</sup> kwáh nê se pi té làsèkwěl mè náh yãm deniye pó pló† kyetõníne, à ké pó dibi yãm tãn kõ ni?

<sup>6</sup> Nte yãm tãn yãm náh sò tẽ ñne dé, yěnwó ye sò ñne képah ye à kõ à képahle n yo. Pó dú sò

\* **12:3** 12.3 - Yesu me gbíne, nénpó tãn sò ñkěne pé gbalì kěkì n tẽ yõkele n yõ. † **12:5** 12.5 - Légbíne, deniye pó pó núkú ki sò fẽ no nénúkú gbìyìkì núkú tò pínó danne.

me ñmɔ tyí. Té pãh nónónɛ n dah n mɔ n pɔ, ǎ sɛle n yĩ.

<sup>7</sup> Képah sɔkɔ, Yesu nɛ: «Pi yah vínó sah kénòh! A ye képah pi sah ñmɔ lékó yĩ sɔ yĩnnɛ.

<sup>8</sup> Yãm tãn kɪ me ànê yéle sétáh yõ sòmɛsó. Nte ñmɔ wɔle, ñmɔ náh n me n pi yéle sétáh yõ sòmɛsó.»

<sup>9</sup> Té tówû ñgbě-á pɔ noh nɛ Yesu-á me Betani kwil sɔkɔ gbí nêne, pè kyɪ nénpó. Nte Yesu ó yĩn náh sò pè kyɪ dé, Lasari nê lékó-á Yesu yilki mɔ, ñmɔ tɔ wɛ yĩn ye sò pè kyɪ.

<sup>10-11</sup> Nte Lasari mɛ yĩnnɛ, névye náhnáh sò me péle n syɪ sárká syínwilkĩpu yòtãm náh à n vi n mɔ n pi Yesu yõ sɛpúle. Képah ye, sárká syínwilkĩpu yòtãm me Lasari tyí yo syɪ nɛ, páh kɪ ñ tɔ ko mɔ.

### *Yesu dénóle Yerusalemɪ sɔkɔ*

<sup>12</sup> Ké dɪndalle, tówû ñgbě nê-á sò me pɔ Nsyifunɔ yõri tyénó syáh sɔkɔ, pè kè noh nɛ Yesu-á me n pi Yerusalemɪ sɔkɔ.

<sup>13</sup> Pè me sãm yĩngbàn kòlɪ tẽ yĩn,‡ té wil kwil sɔkɔ à kyɪ à yohnɪ. Pè sò me gbo mɔ tũ nɛ: «Wosana!§ Nê-á n pi Tẽ ñgbě Liyel yĩn yõ, Liyel sãm mɔ ñ sɔkɔ,\* ñmɔ nê-á Yisrayel yòtẽ dɪne.»

‡ **12:13** 12.13 - Sãm yĩngbàn kòlɪntɛnyĩnnɔ mɛnɛ ásô sɔkɔ, Yesu ye pè n gbilki. § **12:13** 12.13 - Páh nɛ Wosana, ñgbòle sò, ké kór ye á pwah n mɔ núkúnúkú! Nte ásô sɔkɔ, gbilkínó ye sò pè n gbilki Yesule. \* **12:13** 12.13 - Yah n tɛ Gbálnó 118.25-26.

14 Képah sɔkɔ, Yesu me níkwěndyípíkì yó wɛ, té dɔkɔ kɔ tẽ n yõ, à yĩne sɔ-á kéle wárkínsàhnóle Liyel wey sébéy sɔkɔ ne níkě:

15 «Yerusalem† tãn, yé káh tíkí pɪ.

Yé yah, yé yòtẽ me n pi.

A me dókóntěhnóle níkwěndyípíkì yó yõ sɔkɔ.»‡

16 Té légbíne, Yesu tò sáhpú náh sò me tyi nópi pínó yõ pĩ. Nte wãh pɔ dɔkɔ n tɔrí yõ gbí nêne, pé dyɔ to kò ne, kãh lésõ wárkɪ sah sɔ n tyí sɔkɔ Liyel wey sébéy sɔkɔ, sɛ-á kè pɪ n tyí.

17 Képah tẽne, Yesu-á lésõ Lasari lékó ye yah, à à yilki mɔ wilki diki sɔkɔ nónó yí yah, pépi me tyah kéle n yah n yãh n kɔ.

18 Névyé-á kéné gbíl tir pínó noh sɛ, pè wil pɔ Yesu yohnɪ.

19 Képah sɔkɔ, Farisi wěkì kópú tyah n yo wě tyí ne, pè kó kè wɛ ni, pépi náh tɔ fẽ n tẽ n pi dò. No pól-á me n sò tẽ.

*Yesu me n tɔrí ànê n kũ tyíle n yo*

20 Névyé nónó-á sò me pɔ syáh mè sɔkɔ Yerusalemɪ, ne pé pɔ Liyel yĩn gbilki, Nsyifunɔ náh sò pé túkùle.

21 Kéné névyé nónó-á Nsyifunɔ náh péle, pépi me nɔ de Filipi tnô ñmɔ nê-á n wil Betisayida kwil, Kalile gběnyah sɔkɔ. Té kè yah kɔ n tyí ne, pé yòtẽ, páh me ké tyí ne pé Yesu wɛ.

22 Kãh pɪ sɛ, Filipi me kè yo Andre tyí. Andre me tahlɪ n tyí pè kyɪ kè yo Yesu tyí.

† 12:15 12.15 - Yerusalemɪ yĩn yó ye sò Siyõne. ‡ 12:15 12.15 - Yah n te Nsakari 9.9.

23 Képah tẽne, Yesu me yo pé tyí ne: «Gbĩ nê soko-á Névi Pídíŝ kɪ n doko n pi ñ tǒrí yõ, képah ye se núkúnúkú yò.

24 Kègbıgbı tẽ yõ, mé kéle n yo yé tyí, né sèmukɔ pi náh duku mo sétáh soko kè fi té ké pi ku, kè n tẽ ké gblõy. Nte kàh duku mo à fi té ké pi ku, kè n kwel.

25 Névi nê-à ñ gblõy ó minne n mo n kò, tẽ min tyí kɪ yɪkɪ. Nte nê-à ñ minne n mónkò-ñkẽne kèkõyó mè soko Liyel tǒrí yĩnne, tẽ wɔ kɪ tyé-ńkẽ min we.

26 Névi nê-à me ké tyí ne, pé tòle n pi ńmo tyí, tẽ ń sò tẽ. Képah soko, máh me ńyãh soko, nê-á tòle n pi ń tyí, ñ tɔ kɪ me nénpó. Névi nê-à tòle n pi ńmo tyí, ń Sú Liyel kɪ ñ yõ yõ.

27 Té núkúnúkú, ń foko me fẽkɪ. Nte mè yo sǒ? Mé se n yo Sú Liyel tyí ne, à káh n ye yèvyãhrɪ mè ń we? Nte ǒǒ dé, yèvyãhrɪ mè yĩn ye mé pɔ tótó.»

28 Képah tẽne, à ne: «Bõ, gbılkinó sah á yĩn yõ.» Wãh yo sɛ, yĩnpõ yó wil yĩnyõ soko ne ńkẽ: «Mé ń yĩn gbilki te, té mé kɪ kè gbilki n pi ńtõ.»

29 Tówú nê-á sò me nénpó, té yĩnpõ mè noh, pè ne gbẽnséntáhkì-á gboke. Túkù mó ne, yĩnyõ tònpi yó-á yo mo Yesu tyí.

30 Képah soko, Yesu me yo pé tyí ne: «Wey nê-á yé noh yò, kè náh yo ńmo yĩnne, kè yo yépi yĩnne.

---

Ŝ 12:23 12.23 - Yesu-à Névi Pídí tyíle n yo, ñ gblõy tyí ye ńkẽne à n ne n yo.

31 Liyel kɪ lékàhle kèkõyó névye kɔ̃ n pi núkúnúkú sɛ̃ yò. Núkúnúkú, à kɪ kèkõyó névye fnè-ò\* yĩni yal.

32 Nte mǎh pɔ dɔkɔ mɔ gbí nêne, mé kɪ névye pólle pɔ n gblɔy tyí.»

33 Yesu-á sò ne n ku n pi dùkù nêne, képah ye à wɛkɪ n̄ wey mè sɔkɔ yò.

34 Képah sɔkɔ, tówû mè névye me yo n̄ tyí ne, pépi-á kè we Liyel tyi kònsàhnó sɔkɔ ne, Liyel ney yáhntokɔnɔ náh n ku n yah n pi. Té n̄mɔ se sɔnpíle pɔ n yo ne, Névi Pídí-á yĩne à dɔkɔ mɔ ni? Nte nê tɛ̃ ó se mó Névi Pídí mène ni?

35 Képah sɔkɔ, Yesu me yo pé tyí ne: «Kyòo mène, kè me sɛ̃ yé wró kɪ wró kwéy yó pi n pi. Té névi nê-à n kɔ fɛ̃ntú sɔkɔ, tɛ̃ náh n̄ yúkú-rísahle n pne. Képah ye, kyòo mè-á me yé wró sɔkɔ yò, yé ne n kɔ ké sɔkɔ, fɛ̃ntú káh pɔ yé kwɔkɪ tɛ̃.

36 Kyòo mène, káh me yé wró gbí nêne, yé sɛ̃ képah yò. Képah sɔkɔ, yé kɪ pi kyòole képah tyí kɔ̃le.»

Yesu-á képah yo te, à yal pé tnô à kyɪ wɔ̃bɪ fíí péle.

### *Névye náhnáh náh sɛ̃ Yesu yó*

37 Yesu sò gbíl tyi náhnáh pi pé yí yah, nte képah fyé yò, pè náh sɛ̃ n̄ yò.

38 Liyel tɛ̃ntò syínyo-ò Yesayi tyíyónó nópi ye wil ásò sɔkɔ yò. Á lésò ne nkɛ̃:

\* **12:31** 12.31 - Kèkõyó névye fnè-ò nê tyí-á n yo ásò sɔkɔ yò, sétàn yòtɛ̃ ye.

«Tě ñgbě, nê sě ápi tyíyónó yõ?

Á á tēpnènóle nê wěki?»†

39 Tě tir nê yīn-á pè náh sò fě n sě n pi ké yõ,  
képah yah ye Yesayi tō yo ne íkě:

40 «Liyel pé yí wɔ,  
té pé lékám yah vike,  
ne pé yí káh fě ne n yah,  
pè káh tir yó tyí yah we,  
pè mó vi mɔ Liyel wěkì yõ,  
à kō à pè we de mɔ.»‡

41 Yáh we Liyel tēntō syíno-ò Yesayi képahle  
n yo, à lesō wāh tē Yesu tōrí we, képah ye à kō  
à ñ tyíle n yo.§

42 Tě képah fyé yõ, yõtām náhnáh sò me sě  
Yesu yõ. Nte Farisi wěkì kópú tíkí sò me pè tē  
ne, pè káh pɔ pé yīni wilki pé wěkì sɔkɔ. Képah  
ye, pè náh kè wilki mɔ ne, páh sě ñ yõ.

43 Yáh we pè képah pɪ, névyé-á me gbílkinó  
nēne n sah pé yõ, képah tyí sò me pé tyí kal  
Liyel tyíle.

44 Képah sɔkɔ, Yesu wɛkɪ yīnpō ñgbēne ne  
íkě: «Névi nê-à sě ímɔ yõ, ímɔ ó yõ náh tē sě  
dé, Liyel nê-á tekɪ mɔ íne, ñmɔ to yõ ye tē sě.

45 Tě névi nê-à ímɔ we, í tékínmɔ-ò ye tē we.

46 Nmɔ pɔ kèkōyó à pɔ pɪ kyòole, ne névi nê-à  
sě ímɔ yõ, tē káh tē fěntú sɔkɔ.

† **12:38** 12.38 - Yah n te Yesayi 53.1. ‡ **12:40** 12.40 - Yah n te  
Yesayi 6.9-10. § **12:41** 12.41 - Yah n te Yesayi 6.1-5.

<sup>47</sup> Nmɔ náh pɔ kèkõyó sɔkɔ, ne mé pɔ lékàhle névye kɔ̄. Mé pɔ ne kèkõyó névye pwáhnmoɔ wɛ. Képah ye, névi nê-à ní welɔ noh, té à náh me n kɔ sé wàl yõ, nímɔ náh kɪ n kɔ̄ n pi tẽne lékàhle dé.

<sup>48-49</sup> Wey nê-á mé yo yò, képah nítẽ ye kɪ lékàhle tẽ kɔ̄ n pi gbɛ̀yìkì téy sòle. N gblõy yah yíi náh mé yo welɔ nópìle dé! Sú Liyel nê-á tekɪ mo nne, máh yĩne mè nê yo, ànê máh yĩne mè kwónó nê pi, nímɔ ye yo séle ní tyí ne mé pi. Képah ye, névi nê-à ní yahle, té à náh me ní weyne n mo n kɔ̄, ney me te, nê-á kɪ lékàhle tẽ kɔ̄ n pi.

<sup>50</sup> Té nímɔ mó tɔ̄ pĩ ne Liyel-á nê kɔ̄ sah, képah gbò yõ sɔkɔ-á névye kɪ fẽ tyé-ńkẽ min wɛ. Sú Liyel-á wey mè yo sɔ̄ ní tyí, sẽ ye mé n yo kéle yé tyí.»

## 13

### *Yesu n tò sáhpú gbyêh wu*

<sup>1</sup> Nsyifuno yõri tyénó syáh kɪ sò n pi n pi dɪndalle. Yesu sò pĩ ne pé yálnó gbĩ-á se kèkõyó, páh kɪ n sɔkɔ n pi Sú Liyel tyí. N sò tẽpú nónó-á sò me kèkõyó, pé tyí sò me nónóle n tyí. Pé tyí no kah mo n tyí.

<sup>2</sup> Yesu ànê n tò sáhpú sò me yòkele n yõ. Té sétàn yòtẽ sò me kè dahbi te Simo Yisikariyotɪ pídí Nsyudasɪ nɪ sɔkɔ ne, à vi Yesu náh.

3 Yesu sò pĩ ne Sú Liyel-á tyi pól dahbı péwɔ gbò. Nmɔ tyí-á pé wil à pɔ, té páh kɪ pé syɪ sɔkɔ ñmɔ tyí.

4 Képah sɔkɔ, páh me yõke yónó sɔkɔ sɛ, à yuku yĩn, té ñ fwòmò-ñgbě de sah, té fwɔ yó tokɔ toh ñ syĩ sɔkɔ.

5 Képah náh, à ni du mɔ dú yó sɔkɔ, à tyah ñ tò sáhpú gbyêhne n wu kéle, té séle n tuke fwɔ mène, nê-á à toh ñ syĩ sɔkɔ.

6 Kǎh pɔ syɪ Simo-Pyerɪ tyí, à Yesu syah ne ñkě, ñmɔ nê-á TÈ NGBÈNE ñmɔ kɪ n yah n kò péwɔ gbyêh wú-ńsahle nɪ?

7 Yesu me yo ñ tyí ne, nê-á péwɔ n pi yò, ñmɔ náh fě ké tyí yah we n pi núkúnúkú ló! Nte náh-á à kɪ pɔ ké tyí yah we n pi.

8 Pyerɪ tǔ yuku à syah ne, pólle, à náh pé gbyêh wu n pi. Képah sɔkɔ, Yesu me yo ñ tyí ne: «Wáh kɪ ye ñ kò mé á gbyêh wú-ńkêne, á vyãh kɪ de ñmɔ tyi sɔkɔ.»

9 Képah tẽnne, Simo-Pyerɪ yo ñ tyí ne, Tě ñgbě, káh pi sɛ kè káh yĩn pé gbyêh ó tyí, ñkě à pé gbǎn ànê pé yõ to wu.

10 Á me yo ñ tyí ne: «Névi nê-à ni wel te, tẽn ne n me yályál. Képah ye, à wil ñ gbyêh tyí sɔkɔ, yõ náh tǔ ñkêne ne me tẽn wil pól tǔnwuno tyí. Yépi me yályál. Nte yé pól tẽn wɔ náh mé n ye dé!»

11 Névi nê-á kɪ sò pɔ n vi n pi Yesu náh, Yesu sò me à pĩ te. Képah ye à kò à ne, pé pól tẽn wɔ náh pé ne páh me yályál dé!

12 Wăh pé gbyêh wu te, à tǒ ò fwòmò-̀ngbê tókò mò pò kǒ tē yǒke yó-̀ńsah ńtǒ. Té yo pé tyí ne: «Máh nê pi yé tyí sē yò, yé se ké yǒ pĩ?»

13 Yáh pi yé ńne n ye kwó-̀ò dńne, képah náh pi, Tē-̀ngbēne, yé me n yo ple tē wole. Nmo ye ńtyínò òne.

14 Nte ńmò nê-à Tē ògbē ànê kwó-̀òle, yáh we mé yé gbyêh wu, yépi tǒ yĩne yé wē gbyêhne n wu.

15 Képah òkù ye mé pi yé wēki yò, ne máh nê pi yé tyí, yé tǒ sēknole n pi.

16 Kègbıgbı tē yǒ, mé kéle n yo yé tyí, tǒnpi náh fē n kal ò yǒtēne. Sē ó ye tēntǒ névi tǒ náh fē n kal ò tǒ-̀òle.

17 Nte nùkúnúkú, yé se kéne tyile n pne té! Yáh fē syi n kǒ sé wǎl yǒ, yé kı nìvìnì we.

18 N wey mè náh me ké yah mò yé pól tyí dé! Máh névye nónó yah wilki, mé péle n pne. Nte tir nê-à wǎrki sah Liyel wey sébéy sòkò, kè yĩne kè wil ó wil. Kè me wǎrkínsàhnóle ké sòkò ne ńkē: «Máh lésò ń yǒkele n yǒ ànê nēne, tē me yuku ń yǒ.»\*

19 Ké pí-̀ńkē sòkò ye mé kéle n yo n sah yé tyí nùkúnúkú yò. Képah sòkò káh pò pi, yé kı sē ké yǒ ne, Nmo-à.

20 Kègbıgbı tē yǒ, mé kéle n yo yé tyí, névi nê-à ń tēntǒ névi tē ple, ńmò ye tē tē ple. Nê tǒ-à ńmò tē ple, nê-à tǒ ńne, ńmò ye tē tē ple.»

*Yesu ne Nsyudası-à kı n vi n pi pé náh*

\* **13:18** 13.18 - Yah n te Gbálnó 41.10.

21 Képah tẽne, kéne welo yónteno náh, Yesu foko kah fẽki. A me kè yo dal mo ne: «Kègbıgbı tẽ yõ, mé kéle n yo yé tyí, yé soko ney yó ki n vi n pi n náh.»

22 Wãh képah yo sê, n tò sáhpú tyah n yõ wẽne n yah núkú núkúle. Pè náh sò me pĩ nê tyí-á à n yo.

23 Té Yesu tò sáhpú soko nê tyí-á no yíi n tyí, nmo sò me tẽntelnole Yesu tyí.

24 Képah soko, Simo-Pyerı pi mo nmo tyí ne à Yesu piki yah, nê tyí-á à n yo.

25 Nmo mó n gbalı kẽki Yesu tĩnne, té à piki yah ne, Tẽ ñgbẽ, nê se à n ye ni?

26 A me yo n tyí ne, páh ki búrn yĩ di nê kõ, tẽ wo-á. Té núkú búrn yínó toko, té kè di à Simo Yisikariyotı pídı Nsyudası kõ.

27 Nsyudası-á búrn mè syi, sétàn yõtẽ me de n soko. Yesu me yo n tyí ne, nê-á n tyí pi pi tẽne, à kè pi súú.

28 Nte nónó pól-á sò me nénpó, pé soko yó nte náh sò pĩ tir nê yĩn-á Yesu yo wey mène n tyí.

29 Té pó dú-á sò me Nsyudası tyí sê, tókú sò me n sò ne, Yesu-á yo n tyí ne à kyı syáh yıdwénè yah dwe, képah náh pi, à pó yĩ yãm tã kõ.

30 Nte Nsyudası-á fyò búrn yínó mè syi, à núkú yuku wil. Légbıne lékãh sò me mo.

*Yesu tir kònsàhnó késãne*

<sup>31</sup> Nsyudası-á fyò wil te, Yesu ne: «Núkúnúkú tẽne, gbılkınó ye sah Névi Pídı yõ, ànê Sú Liyel yĩn kı se tõ gbilki ñmõ yĩnne.

<sup>32</sup> [Gbılkınó-à kı sah Liyel yõ ñmõ yĩnne,] Liyel tõ kı à gbilki ñ gblõy yĩnne. Dõ kwéy ñtẽne, à kı kè pı n pi.

<sup>33</sup> N wẽnpı, mé kı tõ n me n pi yéle kı wró kwéy ó pı. Yé kı ní yah n kõ n pi. Nte nê-á lésõ mé yo Nsyifunõ tyı, képah núkú ye tõ mé kı yo yépi tõ tyı núkúnúkú ne, yé náh fẽ n kyı n pi ñmõ yúkú-ńsah soko.

<sup>34</sup> Mé kı tir sán yó kõ sah yé kõ ne, yé tyı no wẽ tyı. Yé tyı-á no sõ ñmõ tyı, yépi tõ tyı yĩne kè no sẽ wẽ tyı.

<sup>35</sup> Yé tyı-à kı no wẽ tyı, képah soko ye no pól kı pı ne ñmõ tõ sáhpú-á yéle.»

### *Yesu ne Pyeri-á kı ñ vyãh kõli ne pé náh péwõ pĩ*

<sup>36</sup> Képah soko, Simo-Pyerı à piki yah ne, Tẽ ñgbẽ, ñyãh se à n yuku ni? A me yo ñ tyı ne, ñyãh-á pé n yuku, à náh fẽ n kyı n pi péle nénpó soko núkúnúkú. Nte náh fĩnne, wãh kı põ pé sõ tẽ n pi.

<sup>37</sup> Pyeri me ne, Tẽ ñgbẽ, sõ se pı té pé náh fẽ ñ sõ tẽ n pi núkúnúkú ni? Péwõ-á kı fẽ syi pé min kõ n pi ñmõ yĩnne dò.

<sup>38</sup> A me yo ñ tyı ne: «Á kı á min kõ n pi ñmõ yĩnne lé? Nte kègbıgbı tẽ yõ, mé kéle n yo á tyı, sénpe-à kı pópó n gbo, á kı me á vyãh kõli te ke tõnó, ne á náh ñmõ pĩ.»

# 14

## *Yesu ye wě̀kìlẹ̀ nê-á n yuku Sú Liyel tyí*

<sup>1</sup> Képah náh, Yesu yo ò tǒ sǎhpú tyí ne: «Yé káh ye yé fòkò fě̀kí. Yé sě́ Liyel yǒ, yè mó sě́ ñmò tǒ yǒ.

<sup>2</sup> Tě̀-ntàn náhnáh me ní Sú Liyel tinnẹ̀. Mé kí kyí tě̀-nsah yah sah yé kǒ. Kàh sǒ me gbìlẹ̀ ñkēnẹ̀, mé náh náhkí kè yo n pí yé tyí.

<sup>3</sup> Máh kí kyí tě̀-nsah yah sah te yé kǒ, mé kí ní syí pǒ yé tě̀ sòkò ní tnô. Képah sòkò, ñmò-á me ñyǎh sòkò, yépi tǒ kí me nénpó.

<sup>4</sup> Yé se ñmò yúkú-nsah wě̀kìlẹ̀ n pne té.»

<sup>5</sup> Wǎh yo sě́, Toma me ne, Tě̀ ñgbě̀, pépi náh me ñ yúkú-nsah pǐ, té pé se kí pǐ sǒ ké wě̀kìlẹ̀ ní?

<sup>6</sup> Yesu me yo ò tyí ne: «Ñmò ye wě̀kìlẹ̀, ànê gbìlẹ̀, ànê min néténe. Nnî yó ñtě́ náh fě́ n kyí Sú Liyel tyí, né tě́ náh syǒ ñmò tyí.

<sup>7</sup> Yáh sǒ me ñmòlẹ̀ n pne, yé náhkí me ní Sú Liyel tǒlẹ̀ n pne. Nte núkúnúkú, yé ye ñne n pne, té à we.»

<sup>8</sup> Képah sòkò, Filipi me ne, Tě̀ ñgbě̀, à Sú Liyelle pépi wě̀kí kè! Képah-á kí yǐne pépi tyí.

<sup>9</sup> Yesu me yo ò tyí ne: «Filipi, mé me yéle di mónóle, té áwò náh me ñmò pǐ ní? Névi nê-à ñmò we, Sú Liyel ye tě́ we. Nte á pí sǒ té tǒ n yo ne, mé Sú Liyelle ñ wě̀kí?

<sup>10</sup> Á náh sě́ ké yǒ ne, ñmò ànê Sú Liyel-á me núkúle di? Welò nónó-á mé n yo yé tyí yò, ñmò

yah yĩ welo náh séle dé! Sú Liyel nê-á núkúle  
 ñmɔle, ñmɔ ye n pi ñ tãnnɛ.

<sup>11</sup> Yé yĩne yè sɛ ké yõ ne, ñmɔ ànê Sú Liyel-á  
 me núkúle. Yáh kɪ sɔ sɛ-ńkɛne ké yõ ñmɔ welo  
 yĩnne, yé sɛ ké yõ tãn nɔpi tɛ wɔ yĩnne.

<sup>12</sup> Kègbıgbı tɛ yõ, mé kéle n yo yé tyí, névi  
 nê-à sɛ ñmɔ yõ, máh me tãn nónónɛ n pi, tɛ to  
 kɪ sɛnknɔle n pi. Té tɛ kɪ tãn yısyó ntɛ pi n pi  
 nónó-á kal sépile. Mé me n yuku Sú Liyel tyí,  
 képah ye kɪ tɛ kɔ à kɪ fɛ sè pi.

<sup>13</sup> Képah sɔkɔ, yáh tyídúkú nê yah kɔ ñmɔ yĩn  
 yõ, mé kɪ kè pi yé tyí, gbılkınó kɔ kè kɪ sah Sú  
 Liyel yõ ñ Pídı gbõ yõ.

<sup>14</sup> Yáh tir nê yah kɔ ñmɔ yĩn yõ, mé kɪ kè pi.»

*Yesu ñ vyãh kɔ Liyel Mirki pónó tyí sɔkɔ*

<sup>15</sup> «Ñmɔ tyí-à me nɔ yé tyí, yé kɪ ní tyi  
 kònsàhnó tɛ yĩn.

<sup>16</sup> Té mé kɪ Sú Liyel ni, à kɪ yòhnìnɔ-ò yó  
 tɛkɪ mɔ yé kɔ, nê-á kɪ pɔ n tɛ n pi yéle kúmm.

<sup>17</sup> Yòhnìnɔ-ò mènɛ, Liyel Mirki ye. Ñmɔ ye  
 gbule névyelɛ n wɛkɪ Liyel tyí sɔkɔ. Kèkɔyó  
 névyɛ náh ñne n wɛ, ànê pè náh ñne n pnɛ.  
 Képah ye, pè náh fɛ à fɛ n syi. Nte wáh me  
 yépile, té me yé sɔkɔ sɛ, képah ye yépi wɔ ñne n  
 pnɛ.

<sup>18</sup> Mé náh yé sah n pi ńgbyelɛ. Mé kɪ ní syi n  
 pɔ n pi yé tnô.

<sup>19</sup> Dɔ kwéy ñsɔ, kèkɔyó névyɛ náh tɔ ñmɔ wɛ  
 n pi, ñte yépi tɛ wɔ kɪ ní wɛ. Té ñmɔ-á fyònì me  
 min sɔkɔ, képah ye yépi to kɪ me n pi min sɔkɔ.

20 Lésõ-à ƀo no, yé ki ƀĩ ne nímo ànê ní Sú Liyel-á me nùkùle, té nímo ànê yépi to mó me nùkùle.

21 Névi nê-à ní tyi kònsàhnó noh, té sè tẽ yĩn, ní tyí no tẽ wo tyí. Té nímo tyí-à no névi nê tyí, tẽ tyí ki no ní Sú Liyel tyí. Tẽ tyí ki no nímo to tyí, té mé ki ní gblõyne à wẽki.»

22 Képah soko, Nsyude\* nê-á n̄ gblõy Nsyudasí Yisikariyotule, n̄mo me yo Yesu tyí ne, Tẽ n̄gbẽ, s̄õ se ƀi té à ki n̄ gblõyne ƀépi wẽki, té à n̄áh n̄ gblõyne kèkõyó névyé wẽki n ƀi ní?

23 A me yo n̄ tyí ne: «Nímo tyí-à no nê tyí, tẽ ki ní tyíyónóle n ƀi. Tẽ tyí ki no ní Sú Liyel tyí, té nímo ànê ní Sú Liyel ki ƀo tẽ tyí, ki ƀo twah tẽ n̄ tyí.

24 Nte nímo tyí-à nó-n̄kẽne nê tyí, tẽ n̄áh ní tyíyónóle n ƀi. Té welo nóno-á yé n nohni yò, nímo yah ȳĩ welo n̄áh séle dé! Sè wil Sú Liyel tyí, nê-á tekí mo níne.

25 Mé ye kéne tyi yo yé syah, gbí nê-á mé me ànê yéle yò.

26 Nte Liyel Mirki nê-á yòhn̄n̄mo-òle, Sú Liyel ki n tekí n mo n ƀi nímo yĩn yò, à ki ƀo tyi ƀólle yé kwò. Té ki yé dyo to kò nímo tyíyónóle, m̄áh nóno yo soko yé tyí.

27 Yèvinu ye mé yéle n k̄õ yò. Nmo yèvinu ye mé yéle n k̄õ. Mé n̄áh me kéle n k̄õ kèkõyó névyé k̄õ dùkùle. Yé káh ye yé foko f̄ẽki, yé káh ye tíkí ye tẽ.

---

\* **14:22** 14.22 - Nsyifuno tyí, Nsyude ye dùkù me nùkùle Nsyudasí ye dùkùle.

28 Mé ye kè yo sɔkɔ te yé tyí yé noh ne sókónó-á ñne, té máh kɪ ní syi n pɔ n pi yé tnô. N tyí-à sò me no yé tyí, yáh kè noh ne máh n yuku Sú Liyel ñinne, kè sò yĩne kè ne n me nìvìnìne yé tyí, ñmɔ-á sɔnpíle kal ñmɔle.

29 Mé ye kéné tyi yo sah yé tyí núkúnúkú sé pónpí-ńkẽ sɔkɔ yò, képah sɔkɔ sàh kɪ pɔ n pi, yé kɪ sɛ ní welo yõ.

30 Kèkõyó névyé fnè-ò me n pi, képah ye mé náh tɔ n kah n yãh n mo n pi yéle. A náh fẽ ñmɔ tẽ wɔ fne.

31 Nte Sú Liyel-á tyi nónó yo ní tyí, sépi ye mè n ne n pi. Képah sɔkɔ, kèkõyó névyé kɪ pĩ ne ñ tyí-á no ní tyí. Yé yuku! A ye yal ásô.»

## 15

### *Yesu ne yeresẽ séswô yèsyìkì-á péle*

1 Képah sɔkɔ, Yesu tɔ ne: «Ñmɔ ye yeresẽ séswô yèsyìkìle, ní Sú me ké nétẽne.

2 Yìngbàn nónó pól-á me ñmɔ sɔkɔ té sè náh me n syi, à kɪ sè kòlɪ tẽ yõ. Té nónó pól-á me n syi, à kɪ sépile n tɔ sè kɔ sè kɪ n gbah n syi.

3 Wey nê-á mé yo yé tyí yò, képah gbò yõ, yé pi te yályál.

4 Yé ne n me ñmɔle, sɔ-á ñmɔ me yéle. Sɔ-á yìngbò náh fẽ n syi n pi ké gblõy né kè náh me séswô sɔkɔ, sɛ ó ye yépi tɔ náh fẽ tir yó pi n pi né yé náh me ñmɔle.

5 Ñmɔ ye yeresẽ séswôle, yépi me ké yìngbàñne. Yé náh fẽ tir yó ñtẽ pi n pi ñmɔ

kẽne. Képah ye, nê-à me ímole, té mé me tẽne, tẽ kɩ tyípeplo náhnáhle n pi Liyel tyí.

<sup>6</sup> Névi nê-à mé-ńkẽne ímole, tẽ me yĩngbò yó tyí kõle, nê-á pè kãm milki kégbó, té kè kɩ n kɔkɔ n pi. Té yĩngbàn kókórúle, sépi kɩ pɔ kwel mo n suke n pi nyàh sɔkɔ.

<sup>7</sup> Nte yáh me ímole, té ń welo me n tẽ yé fɔkɔnɩ sɔkɔ, kwáh nê tyí-à nɔ yé tyí, yé kè ni, yé kɩ kè we.

<sup>8</sup> Yáh tyípeplo náhnáhle n pi Liyel tyí, képah ye kɩ kè wẽkɩ ne yáh pi ímɔ tò sáhpúle. Té ímɔ Sú Liyel yĩn kɩ gbilki.

<sup>9</sup> Ímɔ tyí-á nɔ Sú Liyel tyí sɔ, yépi tɔ tyí nɔ ímɔ tyí sɛ. Yé ye yé tyí ne me nóntẽnóle ń tyí sɛ.

<sup>10</sup> Yáh ń tyi kònsàhnóle n pi, yé tyí kɩ me nóntẽnóle ń tyí, sɔ-á ímɔ ń Sú tyi kònsàhnóle n pi, té ń tyíle nóntẽnóle ò tyí.

<sup>11</sup> Mé me ké tyí ne nìvìnì nê-á me ímɔ sɔkɔ, kè ne me yépi tɔ sɔkɔ, té yé nìvìnì mè mó syi ké yĩn tyí. Képah ye, mé tyi nópi yo yé tyí.

<sup>12</sup> Máh nê kò sah yé kò, kè we yò: Yé tyí yĩne kè nɔ wẽ tyí, yé tyí-á nɔ sɔ ímɔ tyí.

<sup>13</sup> Névi-à ò min kò ò kódíbí yĩnne, tyínɔnɔ ògbẽ yó náh tɔ fẽ n kah n mo n pi képah yó.

<sup>14</sup> Ímɔ-á nê kò sah yé kò, yáh kɩ me kéle n pi, ń kódíbí ye yéle.

<sup>15</sup> Mé náh tɔ yé ye n pi tònpiɩle. Ngbõ tònpi náh fẽ ò yòtẽ dí tyíínó pĩ dé! Nte máh tyi nóno noh ń Sú Liyel tyí, mé ye sé pólle yépi kwɔ. Képah ye, mé yéle n ye ń kódíbíle.

16 Yépi náh yah toko nímole dé, nímo ye yah toko yéle, té yé tekí mo ne, yé kyí tyípeplole n pi Liyel tyí, nóno-á sé yõre náh n tye n yah n pi. Képah sokó, yáh kwáhdúkú nê ni Sú Liyel tyí nímo yín yõ, à kí kéle yé kõ.

17 Nte nê-á mé n kõ n sah yé tyí, kè we yò: Yé tyí yíne kè no wê tyí.»

*Kèkõyó névye me Yesu ànê ò yõ sêpú dyole n yo*

18 Képah sokó, Yesu tõ ne: «Kèkõyó névye-à yé dyole n yo, yé pí ne nímo ògbò dyo-á pè tyah n yo.

19 Yáh sò me kèkõyó névye tyí yõ sokó, yáh pi pé tyíle sê, yé tyí náhki no pé tyí. Nte káh pi nímo yé yah wilki kèkõyó névye sokó, té yé náh tõ me pépi tyí yõ, képah ye pè kõ pè yé dyole n yo.

20 Yé yé dyo sah ne n kwne wey mè tyíle, máh nê yo yé tyí ne: <Tõnpi náh fê n kal ò yõtêne.> Páh kí me nímo fõh, pè kí yé to fõh. Páh kí me ní wey fê syi, pè kí yé to tyí fê syi.

21 Nte pè náh sõnpíle me nímo tó-òle n pne, képah ye pè kí tyi nópi pól pi yé sokó nímo yínne.

22 Máh sò me pó-ńkêne pé tyí, ànê máh sò me tir yó yó-ńkêne pé tyí, pé tyítúkúni pínó lékàh náh náhki n me n pi pé yõ. Nte núkúnúkú, gbi wé-ńsah yó ńtê náh n we n pi pé tyí pé tyítúkúni pínó tyí sokó.

23 Névi nê-à nímo dyole n yo, tẽ me ní Sú to dyole n yo.

24 Tyi nónó-á ònî yó òtẽ náh sěnkno pi yah, m̃áh s̃ò me sépi pí-ńkēne pé wró sokɔ, pé tyítúkúnì pínó lékàh náh náhki n me n pi pé yõ. Nte núkúnúkú, pé ye ñmɔ tyípínì wε. Té képah fyé yõ, pé me ñmɔ ànê ní Sú dyɔle n yɔ.

25 Nte nê-á wárkínsàhnóle pé tyi kònsàhnó sokɔ ne: «Pè ní dyɔ yɔ yõ kēne.»\* képah wil yīn ye pé kō pé képahle n pi.

26 Té yòhnìnmo-ò nê-á ñmɔ ki n tekɔ n mɔ n pi ki wil Sú Liyel tyí, Liyel Mirki ye. Képah ye gbule névyele n wēki Liyel tyí sokɔ. Képah-à wil Sú Liyel tyí à pɔ, kè ki pɔ ñmɔ tyí yo wah yé tyí.

27 Nte yépi-á s̃ò me ànê ñmɔle ñgbò dùkùle s̃é, képah ye yé tɔ ki ní tyíle n yo n wah névyé tyí.»

## 16

1 Képah náh, Yesu t̃õ yo pé tyí ne: «Mé náh me ké tyí ne yé Liyel yõ s̃ěno yal n mɔ. Képah ye ní kō mé tyi nópi yo sah yé tyí.

2 Nsyifunɔ ki yé yīni n wilki n pi pé wēkì sokɔ. Té gbī yó òtẽ me n pi, képah sokɔ nónó-à pɔ yéle n ko n mɔ, pé ki me n s̃ò ne t̃ò-á pé n pi Liyel tyí.

3 Ñmɔ ànê ní Sú pí-ńkē ye pé kō pé ki sépinó tno pi s̃é yò.

4 Mé me ké tyí ne tyi nópi gbī-à pópó pɔ se, yé dyɔ ne n me n kwne séle, képah ye mé s̃é yo sah yé tyí.»

### *Liyel Mirki pónó yõle*

\* 15:25 15.25 - Yah n te Gbálnó 35.19 ; 69.4.

Képah náh, Yesu tã yo pé tyí ne: «Máh lésõ me yé wró sě, képah ye mé náh kwãh tẽ tyi nópi yo yé tyí.

<sup>5</sup> Nte núkúnúkú, mé me n yuku ní tó-ò tnô, té yé soko yó ntě náh se me nne n piki n yah ne, nyãh se mé n yuku ni?

<sup>6</sup> Tyi nónó-á mé yo yé tyí, sépi yèkwõri ye yé foko fil yò kè.

<sup>7</sup> Nte mé ki gbi yo yé tyí. Máh ki soko, képah ki neki kal yéle. Máh ki sókó-ńkẽne, nê-á yĩne à pò yé yohni n mɔ, à náh n pò n pi. Nte máh ki kyi, mé ki à teki mɔ yé kã.

<sup>8</sup> Té ñmɔ-à pò gbí nêne, à ki tyípêl, ànê gbi wěkì, ànê Liyel tukey tyí yo wah kèkõyó névyé syah, ki kéle pè wěki ne pãh me pilkínóle sépi pól soko.

<sup>9</sup> À ki kéle pè wěki ne nê-á pé tyipékèle, péwo yõ sě-ńkẽ-á.

<sup>10</sup> Té ki kéle pè wěki ne nê-á me gbi wěkì tyí soko, péwo-á n soko Sú Liyel tyí, té pè náh tã pé we n pi.

<sup>11</sup> Té ki tã kéle pè wěki ne nê-á me Liyel tukey tyí soko, nê-á kèkõyó mèn névyé fnè-òle, lékàh-á me te ñmɔ tyí.\*

<sup>12</sup> Tyi náhnáh tã me ní tyí yo yo tẽne yé tyí. Nte máh ki sè yo yé tyí núkúnúkú, sè ki kãn pi yéle.

<sup>13</sup> Liyel Mirki nê-á gbule névyele n wěki Liyel tyí soko, ñmɔ-à pò gbí nêne, à ki pò yé yah tẽ yé

\* **16:11** 16.11 - Kèkõyó névyé fnè-ò nê tyí-á n yo ásò soko yò, sétàn yõtẽ ye.

kõ yé kɪ gbɪ dùkù pól pĩ Liyel tyí sokɔ. N yah yĩĩ wɛlɔ náh à kɪ pɔ n yo dé! Wǎh tyi nónó pól noh, sépi ye à kɪ pɔ yo yé tyí ànê tyi nónó-á me n pi.

<sup>14</sup> A kɪ tyile n wɛ n syi n̄mɔ tyí kɪ n yo yé tyí.

Képah ye, n̄mɔ gbõ yõ n̄mɔ yĩn kɪ n gbilki.

<sup>15</sup> Kwáh nê-á fyò me Sú Liyel tyí, n̄mɔ tɔ tyí ye kéle. Képah ye n̄ kã mé ne Liyel Mirki-á kɪ n̄mɔ tyile n wɛ n syi n yo yé tyí.»

### *Yèkwɔri v̄inmɔnp̄inɔle n̄v̄in̄n̄e*

<sup>16</sup> Képah yóntenɔ náh, Yesu t̄ɔ ne: «Dõ kwéy, yé náh t̄ɔ n̄ wɛ n pi. Té dõ kwéy képah náh, yé kɪ t̄ɔ n̄ wɛ.»

<sup>17</sup> Képah t̄ɛne, n̄ t̄ɔ sáhpú túkù tyah n yo wẽ tyí ne, wey nê-á à n yo pé tyí yò ne dõ kwéy, pé náh t̄ɔ pé wɛ n pi, té dõ kwéy képah náh, páh kɪ t̄ɔ pé wɛ, képah yõ se pɪ tir n̄ene nɪ? Anê tir n̄e se à n yo s̄ẽ yò ne, páh n sokɔ Sú Liyel tn̄ô nɪ?

<sup>18</sup> Dõ kwéy nê tyí-á à n yo yò, tir nê se képah n w̄ɛkɪ nɪ? Pépi náh me n̄ wey m̄e syíkí-nsah wɛ dé!

<sup>19</sup> N̄te Yesu-á p̄ĩ ne, páh me n yah n kã pé píkinyah-nsahle, à yo pé tyí ne: «Máh yo yé tyí ne dõ kwéy, yé náh t̄ɔ n̄ wɛ n pi, té dõ kwéy képah náh, yáh kɪ t̄ɔ n̄ wɛ, képah tyí yõ ye yé n piki n yah w̄ene yò k̄è?

<sup>20</sup> Kègbɪgbɪ t̄ɛ yõ, mé kéle n yo yé tyí, yé kɪ pɔ n gbo kɪ yãm yãm tyile n yo, té kèkõyó névyɛ kɪ me n̄v̄in̄n̄ sokɔ. Yé kɪ me yèkwɔri sokɔ, n̄te yé yèkwɔri kɪ pɔ vi mɔ pɪ n̄v̄in̄n̄e.

<sup>21</sup> Sê-à pile n dubi gbí n̄ene, yèvyährɪ pɪ gbí-á yĩni t̄ɛ n̄ tyí s̄ẽ, k̄è n ne yèkwɔrile n̄ tyí. N̄te wàh

dubi tɛ, névi wéndubinmɔnɔlɛ kèkõyó ò tyí, kè n pi nìvìnì ògbɛnɛ ò tyí. N̄ dyɔ n fwɔ ò yèvyâhrɪ pínsoƙoɔ tyíle.

<sup>22</sup> Sɛ yé yépi tɔlɛ yèkwɔrɪ soƙo núkúnúkú yò. Nte mé kɪ tɔ pɔ n yah n pi yé tyí. Képah soƙo, kè kɪ pi nìvìnìnɛ yé tyí kègbɪ tɛnɛ, nìvìnì nê-á nɛy náh fɛ kè tɛ n syi n pi yé tyí.

<sup>23</sup> Lésò gbìyìkì-à pɔ nɔ, yé náh tɔ ní piki n yah n pi tir yó òtɛ tyíle. Kègbɪgbɪ tɛ yò, mé kéle n yo yé tyí, yâh kwâhdúkú nê ni Sú Liyel tyí òmɔ yìn yò, à kɪ kéle yé kɔ.

<sup>24</sup> Tɛ à pɔ syi núkúnúkú tyí, yé náh tɔnì mɛ kwâh yó òtɛ ni òmɔ yìn yò. Yé nɛ n ni, yé kɪ n wɛ n syi. Képah soƙo, yé nìvìnì kɪ syi ké yìn tyí.»

### *Yesu tɛ wɛ kèkõyó tyí*

<sup>25</sup> Képah náh, Yesu tɔ nɛ: «Mé ye tyi nópi pól yâh yé tyí sèmìrn soƙo. Tɛ sò yó mɛ n pi, mé náh tɔ n yâh n pi yé tyí sèmìrn soƙo. Nte mé kɪ Sú Liyel tyí yo wah palle yé tyí.

<sup>26</sup> Lésò gbìyìkì-à pɔ nɔ, yé kɪ ònɛ n ni òmɔ yìn yò. Tɛ mé náh yo yé tyí nɛ òmɔ-á kɪ n ni ònɛ yé tyí dé.

<sup>27</sup> Yé náh wɛ di, yé tyí nɔ Sú Liyel tyí. N̄mɔ tyí-á nɔ yé tyí, tɛ yé sɛ ké yò nɛ máh wil òmɔ tyí, képah ye yé tyí nɔ ò tyí.

<sup>28</sup> Sú Liyel tyí ye mé wil à pɔ kèkõyó. Nte núkúnúkú, mé kɪ tɔ yal kèkõyó kɪ n yuku n pi òmɔ tyí.»

29 Yesu-á yo sě, ò tò sáhpú ne ðhõ, núkúnúkú tẽne, wăh pyě me tyile n yo n wah palle sêmîrn mí-ńkẽne.

30 Pépi-á pĩ núkúnúkú ne, wăh tyi pólle n pne. Păh ne à piki n yah n pi tir nêne, à n ne n me kè pĩ n te. Képah-á pépi sě ké yõ ne, wăh wil Liyel tyí.

31 Képah soko, Yesu ne: «Yé sě ńmɔ yõ núkúnúkú yé yo kè?

32 Nte gbĩ yó me n pi, nê-á me te núkúnúkú ńtẽne yò, nê soko-á yé pól kɪ to karkɪ, kɪ soko yé wĩl-ńtãn soko, té kɪ ńmɔ sah ń gblõy. Nte Sú Liyel kɪ me ńne. Képah ye mé năh kɪ n me n pi ń gblõy.

33 Nmɔ me ké tyí ne yé yèvinɪ we ńmɔ tyí, képah ye mé tyi nópi yo yé tyí. Yé kɪ yèvyăhrɪ pi n pi kèkõyõ soko. Nte yé káh tíkí pi, ńmɔ ye tẽ we kèkõyõ tyí.»

## 17

### *Yesu ńírí pínóle*

1 Yesu-á képah yo te sě, à ñ yah yõ yĩnyõ té ne: «Bõ, ké gbí ye nɔ núkúnúkú. Gbílkinó sah ńmɔ yõ, ńmɔ tɔ mó gbílkinó sah á yõ.

2 Awo ye tẽnwenole ń kõ no pól yõ, ne mé tyé-ńkẽ minne pé pól kõ, nónó-á á dahbi ń gbõ.

3 Awo nê-á Liyel núkúníne kègbɪ yõ, pàh áwo pĩ, té ńmɔ Yesu Krista pĩ, ńmɔ nê-á á tekɪ mɔ, képah ye tyé-ńkẽ minne.

4 Wáh tò nê dahbi ní gbò pi pi tẽnɛ, mé ye kè pi tɛ. Nmo ye gbílkinó sah á yõ sétáh yõ sokɔ.

5 Núkúnúkú tẽnɛ Bõ, gbílkinó nê-á sò me nmo yõ á gbòpɔ kèkõyó mó-nkê gbí dùkùlɛ, képahle nmo kõ á gbòpɔ sokɔ ntõ.

6 Wáh nónó wilki kèkõyó névyɛ sokɔ à nmo kõ, mé ye á dùkùlɛ pè wɛki. Áwɔ tyí ye sò péle, té á me péle nmo gbò dahbi, pè me á wɛy fɛ syi.

7-8 Wáh welɔ nónó yo ní tyí, mé ye sè yo pé tyí, pè me sè fɛ syi. Pè pĩ yíi nɛ, máh wil áwɔ tyí, té sɛ ké yõ nɛ áwɔ-á tekɪ mo nne. Képah ye, núkúnúkú tẽnɛ, pè pĩ nɛ wáh yí nónó pólle nmo kõ, sah wil áwɔ tyí.

9 Páh pi áwɔ tyíle sɛ, képah ye mé ále n ni pépi tyí. Mé náh me ále n ni kèkõyó névyɛ tɛ wɔ tyí dé! Wáh nónónɛ ní gbò dahbi, pépi tyí ye mé n ni ále.

10 Nónó pól-á áwɔ tyíle, nmo to tyí ye péle. Nónó pól-á nmo tyíle, áwɔ to tyí ye péle. Té pépi gbò yõ, gbílkinó me n sah nmo yõ.

11 Nte dõ kwéy, nmo kɪ n pɔ n pi áwɔ tyí. Mé náh kɪ tõ n me n pi kèkõyó sokɔ. Nte pépi wɔ kɪ me kèkõyó. Bõ, áwɔ nê-á pèkè kẽnɛ, pè tɛ n sah á tãhkì gbò yõ, képah nê-á á nmo kõ. Képah sokɔ, pè kɪ pi núkùlɛ sɔ-á áwɔ ànê nmo lɛ núkùlɛ.

12 Máh sò me péle gbí nɛnɛ, mé pè tɛ sah á tãhkì gbò yõ, képah nê-á á ní kõ. Mé pé yõ syɪkɪ palle, ñnî yó ntɛ tyí náh yɪkɪ pé sokɔ, à wil nénúkù mè tyí sokɔ, nê tyí-á sò yĩnɛ kè yɪkɪ, á

wey sébéy soko tyi wárkínsàhnó kō sè we n wil.

<sup>13</sup> Nte núkúnúkú, nímɔ-á n pi áwɔ tyí, képah ye mé tyi nópilé n yo té n sah kèkōyó soko, nónó-á kɪ pè kō pè kɪ me nìvìnì yèsyìkì soko nímɔ tyí kōle.

<sup>14</sup> Mé á wey yo pé tyí. Pè náh tō pɪ kèkōyó tyíle, sɔ-á nímɔ náh pɪ kèkōyó tyíle. Képah ye, kèkōyó névye pé dyole n yo.

<sup>15</sup> Mé náh me ále n ni ne, á pè tē n yal kèkōyó dé! Nte ne n yah pé yō, pèkè pí-ò káh tē we pé tyí.

<sup>16</sup> Sɔ-á kèkōyó tyí náh nímɔle, sē ye kèkōyó tyí náh pépi tole.

<sup>17</sup> Pè wilki n sah á tyí yō á gbɪ gbò yō. A weyne, gbɪ ye kéle.

<sup>18</sup> Wáh nímɔ tō sɔ kèkōyó soko, sē ye mé pé tole n tō kèkōyó soko.

<sup>19</sup> Nímɔ n gblǒyne ále n kō n tōó pépi yinne, ne pé to ne n me áwɔ tyí yō gbɪ tē yō.

<sup>20</sup> Nte mé náh me ále n ni pépi ó yinne dé! Nónó tɔ-á kɪ pɔ n sē n pi nímɔ yō pépi tyíyónó gbò yō, pépi tɔ tyí ye mé n ni ále.

<sup>21</sup> Mé ále n ni ne pé pól pɪ núkúle. Áwɔ nê-á Bòle, áwɔ ànê nímɔ-á me núkúle sɔ, pépi ànê ápi tɔ pɪ núkúle sē, kèkōyó névye kō pè pĩ ne áwɔ-á tekɪ mɔ nne.

<sup>22</sup> Wáh gbílkinó sah nímɔ yō sɔ, nímɔ tɔ ye gbílkinó sah pé yō sē, ne pè pɪ núkúle sɔ-á áwɔ ànê nímɔle núkúle.

<sup>23</sup> Nímɔ me péle, áwɔ me nímɔle. Kǎh pɪ sē, pè

ki pi yĩ núkùle. Képah soko, kèkõyó névye ki pĩ ne, áwɔ-á tō n̄mɔle, ànê no nópi tyí-á nɔ á tyí, sɔ́-á n̄mɔ tyí nɔ á tyí.

<sup>24</sup> Bɔ́, wáh nónónɛ n̄ gbò dahbi, mé me ké tyí ne pépi tɔ ne n me n̄ne máh ki n me n pi n̄yāh soko, pè mó n̄ tɔ́rí wɛ. N̄mɔ tyí-á me nónóle á tyí kèkõyó mó-n̄kē gbí dùkùle sɛ, képah ye á tɔ́rí m̄ene n̄ kɔ́.

<sup>25</sup> Bɔ́, áwɔ nê-á me tómm, kèkõyó névye náh n̄ pĩ, n̄te n̄mɔ wɔ n̄ pĩ. Té no nópi tɛ wɔ pĩ ne, áwɔ-á tō n̄ne.

<sup>26</sup> Mé ye á dùkùle pè wēki, té ki tɔ́ á dùkùle pè wēki n pi, ne n̄mɔ tyí-á nɔ sɔ́ á tyí, kéne tyínɔnɔ dùkù ne n me pé tɔ soko, ànê n̄mɔ mó ne n me péle.»

## 18

### *Yesu t̄ɛnóle*

<sup>1</sup> Welɔ nópi yóntenɔ náh, Yesu ànê n̄ tō sáhpú wil soko à kyi de sésân swāh yó soko Sedrō nítókahn̄ne.

<sup>2</sup> Yesu ànê n̄ tō sáhpú sò dar té wēne n tuke n mɔ n pɔ n̄n̄pó. Képah ye, Nsyudasí nê-á sò me v̄nó soko Yesu náh, n̄ tɔ sò n̄n̄pó pĩ.

<sup>3</sup> Képah soko, sárká syínwilk̄ipu yòtām ànê Farisi wēkì kópú me sràsyíbí t̄inkì ànê Liyel ní-n̄sah gbô syíkípú tō. Nsyudasí me pépi yah tɛ à pɔ de péle swāh m̄e soko. N̄i sò me pé tyí wóhnt̄enȳinnɔle pé gb̄n̄ soko, ànê f̄òtn̄nóle, à tahl̄ méfwóyî tyí.

4 Nte tir nê-á sò ne n pi n pi, Yesu-á sò me kè pĩ sě, à nɔ de pé tnô té pè piki yah ne, nê se pè n yah n kō ni?

5 Pè me à syah ne, Nasareti kwil Yesu-á. A me yo pé tyí ne: «Nmo ye.» Té Nsyudasí nê-á kú sò à dahbi n pi pé gbõ, ñmo sò me yínttēnóle gbòpóle.

6 Yesu-á fyò yo pé tyí ne péwɔ-á, pè pé syi náhsékürnne à kyi syíkili sétáh.

7 A me tō ñ syi pè piki yah ne, nê se pè n yah n kō ni? Pè me ne, Nasareti Yesu-á.

8 Képah sokɔ, à me yo pé tyí ne: «Mé ye kè yo te yé tyí ne ñmɔ-á. Nmo-à kú nê yé n yah n kō, yé ye no nópi kō pè ne n yuku.»

9 Képah-á pi sě, wăh lésõ wey nê yo sah, kè wil. A lésõ ne: «Bõ, wáh nónóné ñ gbõ dahbi, mé nâh ye pé sokɔ yó rítě tyí yiki.»

10 Té dí yó tɔ lésõ me péle pè n ye Malkusile. Sárká syínwilkipu yõtě ñgbě tɔnpi ye ñne. Té Simo-Pyeri tyí kèkírki yó sò me. A me kè yori de à kéné dí gbõyò sò níki kō kām.

11 Nte Yesu me yo Pyeri tyí ne: «Á kèkírki dyi ké gbô sokɔ. Á se me n sō ne, Sú Liyel-á yèvyāhri nê yah tɔkɔ sah ne mé pɔ n pi, máh kú kè yahle?»

*Tyi nónó-á pi sárká syínwilkipu yõtě ñgbě An ñinne*

12 Képah nâh, srásyíbi ñnkí ànê pé yõtě ñgbě, ànê Nsyifuno Liyel ní-nsah gbô syíkípu me Yesu tě, té à pukubi,

13 à yuku ònne An ògbò tyí. Kayifi nê-á sò sárká syínwìkìpú yòtḗ ògbḗne léyíle, òmò déndí ye sò An mènne.

14 Té kénne Kayifi mèn wò ye lésò vi mò pé no Nsyifunò yòtḗmne ne òkḗ: «Dí nénúkù-à kú ku no pól yínnne, kèpah kú nekú kal ále.»

15 Simo-Pyeri ànê Yesu tò sáh-ò yó sò me Yesu sò tḗ. Kèpah sòkò, sárká syínwìkìpú yòtḗ ògbḗ-á sò me Yesu tò sáh-ò mènne n pne sḗ, òmò me de yuku Yesule sárká syínwìkìpú yòtḗ ògbḗ gbô sòkò.

16 Nte Pyeri wò sò me yín tḗ kégbó, gbô yah sòkò. Té Yesu tò sáh-ò nê-à sò sárká syínwìkìpú yòtḗ ògbḗ néríníne, òmò me wil pò yo mò tònpri pí tyí nê-á gbô syíkí-òle, té Pyeri kḗ à de.

17 Té Pyeri-á n de, kénne tònpri pí mèn me à syah ne, òmò tòle Yesu mèn tò sáh-ò kó ònne ní? Pyeri me à syah ne, ò tò sáh-ò náh péwòle dé!

18 Nte viri sò me n pí. Káh pí sḗ, tònpribi ànê Liyel ní-nsah gbô syíkípú sò me nyàh mò sah n wne, té Pyeri tò me nyàhle n wne péle.

19 Té Yesu wòle, sárká syínwìkìpú yòtḗ ògbḗ me tyah òmòle n piki n yah ò tò sáhpú ànê ò névye kwónó tyí sòkò.

20 Yesu me yo ò tyí ne: «Mé sò me ní weyne n yo n dal n mò no pól yí yah. Té me kwónóle n pí gbímegbí Liyel ní-ntân vì sòkò, ànê Liyel ní-nsah gbô sòkò, nýāh sòkò-á Nsyifunò pól

wẽne n tuke n mo. Mé náh tir yó ntẽ yo sètin sò soko.

<sup>21</sup> Té kwâh nê pi á ríne n piki n yah sê?  
Nónó-á ní wey noh, pépi piki yah nê-á mé yo.  
Máh nê yo, pépi wo kè pĩ.»

<sup>22</sup> Yesu-á fyò képah yo, Liyel ní-nsah gbô syíkípu soko nê-á sò me nénpó, ñmo Yesu létáh mi té ne, sárká syínwilkipu yõtẽ ñgbẽ tyí se à n weki sê yò ni?

<sup>23</sup> Yesu me yo ñ tyí ne: «Máh ki me wèntùkù weki, kéle ní wèki. Nte máh ki me weki ple, kwâh nê pi té á ní mi?»

<sup>24</sup> Képah soko, An me Yesu teki mo sárká syínwilkipu yõtẽ ñgbẽ Kayifi tyí sê púkúbínóle.

<sup>25</sup> Légbíne, Simo-Pyeri sò me yin tẽ nyàhle n wne sê. Pè me à piki yah ne, ñmo tole, dí mè tò sáh-ò kó ríne ni? A me ñ vyãh kòli ne, ñ tò sáh-ò náh péwole dé.

<sup>26</sup> Pyeri-á lésò dí nê níki kò kãm, ñ tyí névi yó lésò me sárká syínwilkipu yõtẽ ñgbẽ tònpile. Kéne tònpi-á Pyeri we, à à syah ne, ñmo-á lésò pé kyí we ànê Yesule swãh soko.

<sup>27</sup> Pyeri tã ñ vyãh kòli. Nénpó swo, sénpe gbo.

### *Pilati Yesu kònmwo wèkì kò*

<sup>28</sup> Képah tẽne, pè Yesu tẽ yal Kayifi tinné, té yuku ñne Wrome gběnyah yah tẽ-ò tinné. Séngbõ púpú ye sò pè pi képahle. Pãh yini tẽ, Nsyifunò yõtãm náh fẽ syi de ñ gbô soko. Pè náh

sò me ké tyí ne pé pé gblõy silki, pé vyãh mó de Nsyifunõ yõru tyénó syáh yõke yónó sòkõ.\*

29 Kãh pɪ sɛ, Wrome gbɛnyah yah tɛ-ò dí Pilati me wil pɔ pé tnô kégbó, à pɔ pè piki yah ne, tyítúkù nê se dí mè pɪ pè yo nɪ?

30 Pè me à syah ne, dí mè-à sò me tyítúkù pí-òle nkɛne, pépi se náhkɪ pɔ òne òmɔ tyí nɪ?

31 Képah tɛne, Pilati mó Nsyifunõ syah ne, pè ne n yuku òne, pè kyɪ à tuke pé gblõy à yĩne pé tyi kònsàhnóle. Nte pé tɔ me à syah ne, névi kònmɔnɔ gbàh náh de mɔ pépi tyí.

32 Képah sòkõ, Yesu-á lésõ nê yo sah à ò gblõy ku dùkù tyí yo wah, kè wil.†

33 Kãh pɪ sɛ, Pilati me ò syɪ de ò gbô sòkõ, té Yesu ye pɔ piki yah ne nkɛ, òmɔ se Nsyifunõ yòtɛne nɪ?

34 A me yo ò tyí ne: «Áwɔ se sò tɛ n yo kéle á gblõy, tɪ ònɪ se yo ò syah kéle?»

35 Pilati me à syah ne, Nsyifu se yó péwɔ tɔle nɪ? N yɛngbɛ yĩkɪ névyɛ ànê pé sárká syínwìlkɪpu yòtã-á pɔ òne péwɔ tyí. Tir nê se à pɪ nɪ?

36 A me yo ò tyí ne: «Kèkõyó mè sòkõ náh ní tɔrí n wil. Kàh sò me n wil kèkõyó mè sòkõ, ní

\* **18:28** 18.28 - Nsyifunõ nónó-à sò pɪ soh névyɛle nónó náh pɪ Nsyifunõle, Nsyifunõ yõru tyénó syáh déntenõ sòkõ, pé vyãh n de kéne syáh yõke yónó sòkõ. † **18:32** 18.32 - Yesu lésõ kè yo sah ne pãh kɪ pé dɔkõ mɔ dahɪ yõ. Yah n tɛ Nsyõ 3.14. Sɛ ye rítýĩnõ kè pɔ pɪ. Nsyifunõ nkɛne tyípèl pípúle n minkɪ n kò, òte Wrome tãn wɔ n mó tyípèl pípúle n syɪ dahɪ yõ.

tõnpɔbɔ náhkɪ sò ní fwo syi, mé náh náhkɪ n de n pi Nsyifunɔ yõtãm gbò. Nte ðõ dé, ní tǒrí náh wil ásò.»

<sup>37</sup> Képah tẽne, Pilati me yo n tyí ne, yõtẽ-á ñne kè? A me ne: «Áwɔ ñtẽ vyãh sokɔ ye kè wil ne yõtẽ-á ñne! Nmo pónóle kèkõyó à pɔ dubi, gbɔ tyí yo n wah yĩn ye. Nónó-á me gblo névyele, pépi kɪ ní tyiyónóle n noh n tẽ yĩn.»

<sup>38</sup> Pilati me à piki yah ne, kwáh nê se gbɔle nɪ? Kéne welo yóntenɔ náh, Pilati tǒ ñ syi wil à kyɪ yo Nsyifunɔ tyí ne ñkẽ: «Nmo náh pílki-ńsah yó ñtẽ we dí mè tyí.

<sup>39</sup> Té à yĩne máh dar té kéle n pɪ sǒ yé tyí, yimeyí mé ñkẽne yé sokɔ yó wilki wòkònpèkè sokɔ ñ fin n mo yé yõrɪ tyénó syáh syah gbĩne. Káh pɪ sǛ, yé se me ké tyí ne mé yépi Nsyifunɔ yõtẽ dí fin n mo?»

<sup>40</sup> Képah tẽne, pè gbo mo tũ ne ñkẽ, ðõ, à ñmo sah, à mó Barabasɪ wɔ fin mo. Té kèlékẽ névi ye mó tǒ sò Barabasɪ mène.

## 19

<sup>1</sup> Képah sokɔ, Pilati me pè kǒ pè Yesu tẽ kyɪ ko yèfõhle.

<sup>2</sup> Sràsyíbí me pãn yòkǒ pɪ dyɪ à kǒ yõtǒrí yókúrile, té me fwòmònsãh\* ñgbẽ yó mo à kǒ.

<sup>3</sup> Képah tẽne, pè nɔ de ñne té n yo n tyí ne, Nsyifunɔ yõtẽ dí, páh n wekɪ ñ tyí! Té me ñ létáhlóle n kǒh.

\* **19:2** 19.2 - Yõtǒrí fwɔ ye sò fwòsãhle.

4 Képah soko, Pilati tã ñ syi wil pɔ yo tówû tyí ne, pè yah yò, páh kɪ Yesu wilki pɔ kégbó soko, képah soko páh kɪ pĩ ne pé náh pílki-ńsah yó ntẽ we ñ tyí.

5 Yesu me wil pɔ kégbó pàn yòkõle ñ yõ soko, ànê fwòmònsãh ñgbẽne mónóle ñ tyí. Képah tẽne, Pilati me yo pé tyí ne, pè yah névi mène kè.

6 Sárká syínwilkĩpu yõtãm ànê Liyel ní-ńsah gbô syíkípú-á fyò à we, pè gbo mɔ tũ ne, à à syi dahnɪ yõ! A à syi dahnɪ yõ! Pilati me yo pé tyí ne, péwɔ tẽ wɔ náh pílki-ńsah yó ntẽ we ñ tyí. Pépi kyɪ à syi dahnɪ yõ soko pé gblóy.

7 Wãh yo sɛ, Nsyifunɔ à syah ne, tir kònsàhnó yó-á me pépi tyí, nkẽ à yĩne képah soko weyne, dí mè-á yĩne kònmɔnɔle, wãh sɔnpĩle ñ gblóyne n pɪ Liyel Pídĩne.

8 Pilati-á kene wey noh sɛ, tíkí tã à gbah tẽ.

9 A me ñ syi de ñ gbô soko à kyɪ Yesu piki yah ne, nýãh se à n wil nɪ? Nte Yesu náh dahbɪ wilki ñ tyí.

10 Képah soko, Pilati me à syah ne, péwɔ tyí se à yahle vɪnmɔnɔle nɪ? A kó pĩ ne, tẽnweno-á me péwɔ tyí kɪ fẽ à fin mɔ, képah náh pɪ kɪ fẽ à syi dahnɪ yõ nɪ?

11 Nte Yesu me yo ñ tyí ne: «Tẽnweno yó ntẽ náh n we n pi á tyí ñmɔ yõ soko, né Liyel náh kéle ñ kõ. Képah ye, nê-á dahbɪ ñmɔle á gbò, ñmɔ tyípékè kal áwɔ tyíle.»

12 Wãh képah yo, Pilati sò me ñ wénfinmɔ-ńsahle n yah n kõ. Nte Nsyifunɔ sò

me kah gbo mo tũ ne, wàh kɪ à fin mo, Wrome kwíltãm yòtẽ Sesar kódí tẽ wo náh òne dé! Nkẽ névi nê-á fyò ò gblõyne n pi yòtẽne, Sesar sépe-á tẽne dò.

<sup>13</sup> Pilati-á fyò welo nópi noh, à pè kɔ pè Yesu tẽ wil kégbó. Té me kɔ tẽ tukey tuke tuke kɔ yò fí yó soko, nyãh-á me mónóle dyèhle. Pè nénpóle n ye Kabatale† Yebre wey soko.

<sup>14</sup> Ké dındal kɪ sò n pi n pi Nsyifuno yõri tyénó syáhle. Té gbĩ-á me yòtah sírr kénkɔ soko, Pilati me yo Nsyifuno tyí ne, pè yah pé yòtẽne kè.

<sup>15</sup> Nte pè tɔ kah gbo mo tũ ne, à à ko mo! à à ko mo! A à syi dahnɪ yõ! Pilati me ne, pé yòtẽne pè ne pé syi dahnɪ yõ lé? Sárká syínwìlkìpu yòtãm me yo ò tyí ne, yòtẽ yó òtẽ náh me pépi tyí, à wil Sesar tyí soko.

<sup>16</sup> Képah soko, Pilati me ò gbàh de mo ne à syi dahnɪ yõ.

### *Yesu syínóle dahnɪ yõ*

Sràsyíbí me Yesu tẽ soko.

<sup>17</sup> Pãh n soko, pè à kɔ à ò syi syi dahnɪ twah ò gblõy pè wil kwil soko, à yuku fí yó soko nyãh-á pè n ye yògbèkè tyahle, té pè kéle n ye Kolkotale Yebre wey soko.

<sup>18</sup> Nénpò soko ye pè syi òne dahnɪ yõ, té me népî ní mí yísyó tɔ syi dahlo yò ò gbòplòle, té òmòle pé niyó.

† 19:13 19:13 - Kabata kór ye tyah kèyyne.

19 Pilati me wey yó wārki à syi Yesu syi syi dahnı tyí ñ yõtah, nê yõ-á kè me wārkinsàhnóle ne nkẽ: «Nasareti kwil Yesu, Nsyifuno yõtẽ.»

20 Páh Yesu syi dahnı yõ, té wey nê wārki syi kène dahnı tyí, ñ yõtah, kè sò me Yebre wey soko, ànê Latẽ wey soko, ànê Kreki wey soko. Té nyãh soko-á sò pè syi ñne dahnı yõ, nénpó sò me yúkey kwille. Káh pi sẽ, Nsyifuno náhnáh kè we kar.

21 Képah soko, Nsyifuno sárká syínwilkipu yõtãm yo Pilati tyí ne, à káh ye wárkinó mè tẽ sẽ ne, Nsyifuno yõtẽ-á. Nkẽ à kè wārki mo ne, dí mè-á yo ne nkẽ, Nsyifuno yõtẽ-á péwole.

22 Nte Pilati me yo pé tyí ne, páh fyò nê wārki te, káh ki tẽ sẽ.

23 Képah tẽne, sràsyíbi-á Yesu syi te dahnı yõ, pè ñ flo toko à dibi‡ tãntãn nyêh à pɔ gbàh sah ñ fwòmò-ngbẽ tyí. Pé nénúkù núkú pól me toko núkú núkúle. Té fwòmò-ngbẽ mè sò me kóhntel-ínsah kène ké tyí. Kè sò me fwo núkúle à toko ké yõtah tyí, fóó à pɔ syi ké sètàhkì sò tyí.

24 Pè me yo wẽ tyí ne, pé káh képah wo yori n toki. Pé ye ñdan mo n yah, káh ki pi nê tyíle. Té nê-á lésõ wārkinsàhnóle Liyel wey sébéy soko ne nkẽ: «Pè í flo dibi pé wẽ wró, té ñdan mo à í fwòmò-ngbẽ toko.»§ Képah wil yin ye kè kó kè pi sẽ yò. Sẽ ye sò sràsyíbi pi.

‡ 19:23 19.23 - Wrome tãn-à sò névile n syi dahnı yõ, pè tẽ flo de. Páh à syi te, nónó-á syi ñne, pépi ñ flo nópi toko n dibi. § 19:24 19.24 - Yah n te Gbálnó 22.19.

25 Té Yesu yú sò me yínnǝnóle Yesu syi syi dahnı tñô, ànê ñ yú gběnsêle, ànê Klopası kyı Marile, à tahlı Makadala kwil Mari tyí.

26 Yesu tò sáh-ò nê tyí-á nɔ yíı ñ tyí, ñmɔ tɔ sò me yínnóle Yesu yú tñô sokɔ. Yesu-á pè we, à yo ñ yú tyí ne: «Á píđı we yò.»

27 Képah náh, té yo ñ tò sáh-ò mè tyí ne: «Á nô we yò.» A tokɔ légbı tyí, tò sáh-ò mè me Yesu yú tẽ à kyı sah ñ gblɔy tyí.

### *Yesu kúnóle*

28 Képah náh, Yesu-á pı ne tyi pól-á pı dal mɔ sɛ, à ne: «Níkı me í tẽ.» Képah sokɔ, nê-á wårkı sah Liyel wey sébéy sokɔ, kè wil.\*

29 Té pın yó sò me nénpó yòyòkè nine ké yíıne. Sràsyıbí me sènsúkúrí tokɔ à dahı wilkı kéné yòyòkè ni sokɔ, à dyı yisɔpı ñdan tyí, té kè nɔ à sah Yesu vyãh yah.

30 Wãh kè wɔ, à ne: «Tyi pól ye we pı dal mɔ.» Wãh fyò képah yo, à ñ yò sıñki té ku.

31 Nsyifunɔ mı mı yòh kı sò n tyah n pi lékâh mónó sokɔ.† Té mı mı yòh mè sò kal sé no télóle. Képah ye, Nsyifunɔ yòtãm náh sò me ké tyí ne nónó-á me syınsàhnóle dahlo yò, pé lékyı pɔ mı mı yòh sò nɔ dahlo yò.‡ Kãh pı sɛ, pè kè yah kō Pilati tyí ne, à kéné no nópi gbyêh kwɔkı

\* **19:28** 19.28 - Yah n te Gbálnó 69.22. † **19:31** 19.31 - Nsyifunɔ gbıyıkı sò n tyah tyah piri gbıne. ‡ **19:31** 19.31 - Yah n te Tõnyonɔ 21.23.

pè kǒ pè ku súú, pé lékyî mó tiki n mo n to dahlo yõ.

<sup>32</sup> Képah sɔkɔ, népî ními nónó-á sǒ pè syi dahlo yõ ànê Yesule, sràsyíbí me pɔ négben gbyêh kwɔkɪ té ní-ò to tyí kwɔkɪ.

<sup>33</sup> Té pǎh yîni tǐ Yesu tyí, pè kè we ñmo me ku te. Kǎh pi sǐ, pè náh fwǒtǐ ñmo gbyêh kwɔkɪ.

<sup>34</sup> Nte képah fyé yõ, sràsyíbí nópi sɔkɔ yó Yesu gbòpɔ tũ mèmèkìle. Nénpó swɔ, tó ànê ni n fwo n wil nóré mè sɔkɔ.

<sup>35</sup> Névi nê-á n yo tyi nópile, ñ to yí yah tótó sɔkɔ ye sè pi. Gblo ye ñ tyíyónóle. Ñmo nítǐ to pǐ ne gblo-á pé n yo. A tyi nópi yo ne yépi to sǐ Yesu yõ.

<sup>36</sup> Nte yah, tyi nópi pól ye pi Liyel wey sébéy sɔkɔ tir wǎrkínsàhnó mè kǒ kè wil. Kè lésǒ me wǎrkínsàhnóle ne ñkǐ: «Ñ gbèkè yó nítǐ náh n kwɔ n pi.»§

<sup>37</sup> Té kè tǒ me wǎrkínsàhnóle Liyel wey sébéy fí yó sɔkɔ ne ñkǐ: «Pǎh névi nê tũ, pé yípló pye kɪ tǐ ñ yõ.»\*

### *Yesu lékó yínóle tekɪ diki sɔkɔ*

<sup>38</sup> Té dí yó lésǒ me pè n ye Nsyosefulé. A sǒ n wil Arimatɪ kwil sɔkɔ. Yesu tǒ sǎh-ò yó ye sǒ ñ tole. Té Nsyifunɔ yǒtām tíkí-á sǒ me à tǐ sǐ, képah ye à kè wǒbɪ péle. Kéne tyi pínsɔkɔnteno náh, ñmo me pɔ Pilati ni ne, à ye pé kǒ pé Yesu

§ 19:36 19.36 - Yah n te Gbálnó 34.21. \* 19:37 19.37 - Yah n te Nsakari 12.10.

lékó de dahni yõ pé kyɪ à yĩ. A me ké wěkìle à kǒ. Képah sɔkɔ, à me kyɪ ò lékó de.

<sup>39</sup> Tě Nikodemɪ nê-á lésõ kyɪ wil Yesu tyí sǒ yó lékâhne, ò to me pɔ pútúr pǎn pènàl dukeno nínó fěkìnmɔnɔle wě sɔkɔ. Núkú yĩn ye mirle, ní-ò yĩn me alowesɪle. Pútúr mè sǒ nɔ kílónó yǒgbǎm kénkǒle.

<sup>40</sup> Pé nímí me ò lékó tɔkɔ, té à plo fwɔ gbróle. Pè pǎn pènàl yĩ nópi mɔ ò yǒ, à yĩne Nsyifunɔ lékó yĩ dükùle.

<sup>41</sup> Pǎh Yesu syɪ dahni yǒ nýǎh sɔkɔ, swǎh yó lésõ me nénpó tnô diki sǎn yóle ké sɔkɔ, diki nê-á ney náh yĩ yah ké sɔkɔ pólle.

<sup>42</sup> Tě Nsyifunɔ mɪ mɪ yòh-á kɪ sǒ n tyah n pi lékâh mónó sɔkɔ sě, képah ye pè me Yesu lékó yĩ diki mè sɔkɔ, képah nê-á sǒ me yúkey.

## 20

### *Yesu lékó yǐlkìnmɔnɔle*

<sup>1</sup> Dimansyi sǒ séngbǒle, Makadala kwil Mari kwǎh kyɪ diki yǒ tósǒ yǒ gbíne. A kyɪ ne n yah diki yah dáhkì náh tǒ me ké yah.

<sup>2</sup> Képah sɔkɔ, à to sɔkɔ à kyɪ wil Simo-Pyerɪ ànê ò ní-ò Yesu tǒ sǎh-ò yó tyí nê tyí-á nɔ yǐ Yesu tyí, té yo pé tyí ne, pǎh Tě ògbě lékó wilki diki sɔkɔ. Tě pépi náh pĩ pǎh à sah nýǎh sɔkɔ.

<sup>3</sup> Képah sɔkɔ, Pyerɪ ànê ò ní-ò Yesu tǒ sǎh-ò mè me yuku à diki yǒ nyáh sǒ.

<sup>4</sup> Pé nímí sǒ me n to. Tě òmɔ-á sǒ me n to súú kal Pyerɪle, òmɔ kyɪ yĩni tě gbenne diki yǒ.

5 Wǎh kɔ yah diki sɔkɔ, à fwɔ gbró we sàhnóle ké sɔkɔ, té à náh de.

6 Nte Simo-Pyeri nê wɔ-á sò me n pi n náhle, òmɔ wɔ-á pɔ yĩni tẽ, à de diki sɔkɔ. Té kyɩ fwɔ gbró we sàhnóle,

7 ànê fwɔ yóle fikénsàhnóle ké tyíle, pǎh sò nê mɔ n yõ yõ. Képah náh sò me fwɔ gbró télóle fí núkú.

8 Képah sɔkɔ, Yesu tò sáh-ò nê-á sò pɔ de diki yõ gbenne, n tò me de diki sɔkɔ. Wǎh kè we, à sê ké yõ.

9 Té à pɔ nɔ légbí tyí, wey nê-á wǎrkɩ sah Liyel wey sɔkɔ ne, Yesu lékó-á yĩne à pɔ n yilki mɔ, n tò sáhpú náh tǔnì sò me képah dùkù pĩ.

10 Képah náh, Yesu tò sáhpú népĩ ními nópi pé syɩ to yuku pé tĩne.

### *Yesu n gblóyne Makadala kwil Mari wěki*

11 Légbíne, Mari sò me yínttǔnóle kégbó sɔkɔ diki tnô me n gbo. Wǎh me gbní sɔkɔ gbí nêne té kɔ yah diki sɔkɔ,

12 à yĩnyõ tǔnpɩbɩ népĩ ními we fwòpikino sɔkɔ diki sɔkɔ. Pè sò me kǔntǔnóle Yesu lékó snékínmɔ-ńsah sɔkɔ. Núkú sò me tẽ n yõ mó-ńsah tĩne, té ní-ò me tẽ n gbyêh mó-ńsah tĩne.

13 Pè me ne, pi, kwâh nê se pɩ té à n gbo ni? A me ne pǎh pé Tẽ òngbẽ lékó wilki. Nté pé náh pĩ pǎh à sah nýǎh sɔkɔ, képah-á pé kǔ pé n gbo.

14 Wǎh me képah yónó soko té n yah vi, à Yesu we yínnóle nénpó. Nte à nǎh sò me pĩ ne ñmò-á.

15 Yesu me à piki yah ne, pi, kwâh nê se pi té à n gbo ni? Nê se à n yah n kǒ ni? Nte Mari wo sò me n sò ne sètě dí-á, té yo n tyí ne, pé yòtě, ñmò-à ki nê wilki ñne, à n sàh-ñsahle pé wěki pé kyí à tǎko.

16 Képah těne, Yesu me à ye ne, Mari! Mari me n yah vi n ñinne té yo n tyí Yebre wey soko ne, Wrabuni, nê kór-á kwó-ò díne.

17 Nte Yesu me yo n tyí ne: «Mé nǎh tǒnì me ðoko yuku Sú Liyel tnô, képah ye, káh ní tě n sah. Té kyí n yo ñmò yúnpyé tyí ne,\* máh ki ðoko yuku ní Sú tyí, nê-á yépi tǎ Súle. Ñmò nê-á ní Liyelle ànê yépi tǎ Liyelle, máh ki ðoko yuku n tyí.»

18 Képah soko, Makadala kwil Mari me kyí kè yo Yesu tǒ sǎhpú tyí ne, páh Tě ñgbě we. Té wǎh tyi nónó yo n tyí, à me sè yǎh pè tyí.

### *Yesu n gblǒyne n tǒ sǎhpú wěki*

19 Kéne dimansyi mè ó sò ñvĩne, Yesu tǒ sǎhpú sò me tükènmontěnole wòkò yó soko. Té Nsyifunò yòtām yah tíkí tě tyí, pè sò me ké vè yey tě n mǎ sah. Nte ðǒ, Yesu núkú pǎ n yĩn pé niyó, té yo pé tyí ne: «Yé ne n me yèvinì soko.»

---

\* **20:17** 20.17 - Yesu yúnpyé nónó tyí-á à n yo ásò soko yò, n yò sěpú ye à n ye.

20 Képah yóntenɔ náh, à n gbànn táhló ànê n gbòpɔle pè wěki. Páh Tě ngbě we sě, kè pi yíí nìvìnìne pé tyí.

21 Á me tǒ yo pé tyí ne: «Yé ne n me yèvinɔ sɔkɔ. Sú Liyel-á nɔmɔ tǒ sǒ, sě ye nɔmɔ tɔ yéle n tǒ.»

22 Kéne welo yóntenɔ náh, à fĩbɔ mɔ pé yǒ té ne: «Liyel Mirki ye mé yéle n kǒ.

23 Yáh nóno tyípêl yǒ mɔ pè kǒ, sè kɔ yǒ mɔ pé tyí. Té yáh nóno tyí yǒnmɔ-ńkěne, sè náh n yǒ n mɔ n pi pé tyí.»

### *Yesu ne Toma yal mɔ tǔtǔ pínóle*

24 Nte Yesu-á pɔ n tǔ sáhpú tnô sǒ nêne, Toma nê-á pè yĩn dyɔ à kǒ kènìnìne, nɔmɔ wɔ náh sǒ me. Yesu tǔ sáhpú nɛpí gbǔnimí sɔkɔ yó ye sǒ n tɔle.

25 Káh pi sě, pé no téló me pɔ kè yo n tyí ne, pépi-á Tě ngbě Yesu we. Nte á me pè syah ne ńkě, né péwɔ tě náh kwèrkè níy we n gbànn táhló sɔkɔ, té pé kèngbɔ dyɔ yah sé sɔkɔ, ànê né pé náh pé gbǔ dyɔ yah n gbòpɔ tǔ-nsah sɔkɔ, pé náh n sě n yah n pi ké yǒ pólle.

26 Képah náh, ké dimansyi kèyáhle nǔtǒ, Yesu tǔ sáhpú sǒ me wě tuke mɔ tě wòkò sɔkɔ, té me ké vɔ yey pól tě mɔ. Képah wɔ sɔkɔ, Toma tɔ sǒ me péle. Dǒ, Yesu núkú pɔ n yĩn pé niyó, té yo pé tyí ne: «Yé ne n me yèvinɔ sɔkɔ.»

27 Képah yóntenɔ náh, à yo Toma tyí ne: «Á kèngbɔle pɔ ásǒ sɔkɔ yò, n té n yah ní gbànn

táhlólé. A gbò no n dyi ní gbòpo soko. Yal n mo tòtò pínólé, ò té n sě ké yó.»

<sup>28</sup> Képah tēne, Toma ne níkě, òmò-á pé Tě ògbě ànê pé Liyel tole.

<sup>29</sup> Képah soko, Yesu me à syah ne: «Wáh ní we, képah ye á sě ní yó kè. Nte nónó-à sě òmò yó ní wényah-níkēne, pè ki me òvìvì soko.»

<sup>30</sup> A wil képah soko, Yesu tō gbil tyi náhnáh pì ò tò sáhpú yí yah, nónó-á sè náh wārki sébéy mè soko.

<sup>31</sup> Nte nónó-á wārki ké soko, sè ye wārki ne sépi gbò yó, yé sě ké yó ne Yesu-á Liyel Píđine, ànê Liyel ney yáhtokonole. Té yáh ki sě òmò yó, yé mó tyé-níkē min we.

## 21

*Yesu ò gblõyne ò tò sáhpú népî kwārnimi wēki*

<sup>1</sup> Képah náh, sō yóle, Yesu tō ò gblõyne ò tò sáhpú wēki Tiberiyadi yó-ògbě gbòpo. Káh pì òkù nēne, kè we yò:

<sup>2</sup> Simo-Pyeri sò me wě tyí ànê Toma nê-à pé yin dyi à kō kènìvìne, ànê Natanayeli nê-á n wil Kana kwil soko, Kalile gběnyah, ànê Nsebede đinpìle, à tahlì pé no Yesu tò sáhpú népî ní mí yísyó tyí.

<sup>3</sup> Képah tēne, Simo-Pyeri me yo pé tyí ne péwò-á n soko yěnkycò tē-nsah. Pé no téló me ne, pépi tò-á ki soko òne. Pè me wil soko à kyì de krótókè soko, té pè náh kwâh yó we tē lésò lékâhne.

4 Tyah syki gbíne, Yesu sò me yínnóle yo vyãh yah, té n tò sáhpú náh sò me pĩ ne ñmɔ-á.

5 A me yo mɔ pé tyí ne, pé kódíbí, pè kó yěnkɔ yísyó we tẽ ni? Pè me ne, ɔ̃-á.

6 A me ne, pè pé yěnkɔ tẽ tẽ mɔ min n dah n mɔ krótókè gbòyò sòle, pãh ki we tẽ. Pè me sè min dah mɔ, té yěnkɔ we tẽ tnónóle, fóó pè tẽ sè yori wilki kwɔ.

7 Képah sɔkɔ, Yesu tò sáh-ò nê tyí-á nɔ yíi ñ tyí, ñmɔ me yo Pyeri tyí ne, Tẽ ñgbě-á. Té Pyeri sò me ñ fwòmɔni de sah. Wãh noh ne Tẽ ñgbě-á nýãh sɔkɔ, à kè tɔkɔ mɔ té yɔkɔ de yo sɔkɔ.

8 Tò sáhpú téló wɔ mó n pi krótókè sɔkɔ, té me pé yěnkɔ tẽ tẽ mɔle n yori n pi, yěnkɔle sé yíine. Pè náh sò me gbɛ mɔ kah yo vyãhle. Kè sò me métérnó lèkwě kénkòle.

9 Pãh pɔ yíni tẽ kèkwãh yò sɔkɔ, pè nyàhségbnɔ yísyó we yěnkɔle sé yò, té búrn to me.

10 Képah sɔkɔ, Yesu me yo pé tyí ne, yěnkɔ nónó-á pè we tẽ yò, pè pɔ sé yísyóle.

11 Wãh yo sɛ, Simo-Pyeri me yěnkɔ tẽ tẽ mɔ nópi yori wilki kèkwãh yò. Sè sò me yúkúnóle yěnkɔ ñgbãl pló lèkwě tikinini pó gbãm pó tónóle (153). Nte yěnkɔpèl nópi wéntèno fyé yò, pé yěnkɔ tẽ tẽ mɔ náh kòli.

12 Képah sɔkɔ, Yesu me yo pé tyí ne, pè pɔ yòke yò. Té n tò sáhpú-á sò pĩ ne Tẽ ñgbě-á sɛ, képah ye ñ píkinyahnɔ tah pé tyí ne, nê se ñne ni?

13 A me nɔ de péle, té búrn tɔkɔ à dibi pé tyí,

té yěnkɔ to dibi pé tyí sěntě óle.

14 Yesu lékó yílkínmɔntenɔ náh, ké ke tǔ-ò ye à n̄ gbl̄ɔyne n̄ tǔ sáhpú wěkɪ yò.

### *Yesu ànê Pyeri wě wénóle*

15 Yǒke yǒntenɔ náh, Yesu me Simo-Pyeri piki yah ne íkě: «Nsyõ\* pídí Simo, ní tyí-á nɔ no nópi tyí sǔ, ní tyí se me nɔ áwɔ tyí à kal pépile?» A me yo n̄ tyí ne, àwe Tě ñgbě, ñmɔ íté-á pĩ ne n̄ tyí-á nɔ pé tyí. Yesu me yo n̄ tyí ne: «N̄ kérépî těno ple.»

16 Tě tǔ à piki yah ke ní-òle ne íkě: «Nsyõ pídí Simo, ní tyí se me nɔ á tyí?» A me yo n̄ tyí ne, àwe Tě ñgbě, ñmɔ íté-á pĩ ne n̄ tyí-á nɔ pé tyí. Yesu me yo n̄ tyí ne: «Pɪ ní képyénì fě-òle.»

17 Képah náh, Yesu tǔ n̄ syi à piki yah ke tǔ-òle ne íkě: «Nsyõ pídí Simo, ní tyí se me nɔ á tyí?» Képah sɔkɔ, kè Pyeri yah kwɔ, Yesu-á sǔnpíle à piki yah ke tǔnó pólle ne, pé tyí se me nɔ n̄ tyí ni? Képah těne, à me yo Yesu tyí ne, Tě ñgbě, ñmɔ-á tyi pólle n pɛ. Wǎh kè pĩ yíi ne, n̄ tyí-á me nɔ pé tyí. Yesu me yo n̄ tyí ne: «N̄ képyénì těno ple.»

18 Kègbɪgbɪ tě yǔ, mé kéle n yo á tyí, áwɔ kètěnpíkì gbíne sǔ, nýǎh-à á dɔɔ, ñ á kǔ toh á fwòmò-ñgbě yǔ n̄ sɔkɔ nénpó. Nte wǎh pɔ dye, á kɪ á gbǎn yǔ ñn̄i yó kǔ à kɪ á kǔ toh n̄ kǔ, té kɪ sɔkɔ ále fí yó sɔkɔ, nýǎh tyí náh me á tyí.»

\* 21:15 21.15 - Nsyõ nê tyí-á n yo ásô sɔkɔ yò, tókù ñne n ye Nsyonasile.

19 Té Pyerı-á ne n ku n pi dùkù nêne, té kè kɪ Liyel yĩn gbilki n pi, képah tyí ye Yesu n yo sě yò. Képah yóntenɔ náh, à tǒ yo Pyerı tyí ne: «N sò tẽ.»

20 Képah sɔkɔ, Pyerı-á n yah vi, Yesu tò sáh-ò nê tyí-á nɔ yíí Yesu tyí, à à we pé náhle. Nmɔ ye lésò n gbalı kěkɪ Yesu tĩnne, té à piki yah ne, Tě n̄gbě, nê tẽ ó se kɪ n vi n pi n náh nı?

21 Pyerı-á à we, à Yesu piki yah n tyí sɔkɔ ne n̄kě, té n̄mɔ-á dò, Tě n̄gbě, tir nê se kɪ n̄mɔ nɔ n pi nı?

22 A me yo n tyí ne, páh kɪ me ké tyí ne n̄mɔ tẽ min sɔkɔ, fók kè pɔ n nɔ pé syĩnpɔnɔ tyí, n vyãh nê se me ké sɔkɔ nı? Nmɔ tẽ wɔ pé sò tẽ sǒ!

23 Képah tẽne, kè wil wùù Yesu yò sěpú tyí ne, Yesu tò sáh-ò mè náh n ku n pi. Nte Yesu náh se mó tǒ sò n kú-n̄kě tyí yo Pyerı tyí. A sò ne n̄kě, páh kɪ me ké tyí ne n̄mɔ tẽ min sɔkɔ, fók kè pɔ nɔ pé syĩnpɔnɔ tyí, n vyãh nê se me ké sɔkɔ nı?

24 Yesu tò sáh-ò mè ye n yo tyi nópilɛ, té sè wãrkɪ. Té ápi pĩ ne gblɔ-á n tyíyónɔle.

25 Tyi náhnáh túkù me Yesu pı n̄tǒ. Nte sé pól-à sò me n wãrkɪ núkú núkúle, n̄mɔ sɔnɔ sɔkɔ, sé sébéynó sáh-n̄sah náh náhkɪ n we n pi kèkǒyó sɔkɔ.

**Toussian, Southern**  
**The New Testament in the Southern Toussian**  
**language of Burkina Faso: toussian du sud: wĩn**  
**nìvìnì tirlɛ New Testament**  
**Nouveau Testament en toussian**

copyright © 2013 Wycliffe Bible Translators, Inc. in cooperation with  
ANTBA

Language: Southern Toussian (Toussian, Southern)

Contributor: Wycliffe Bible Translators, Inc.

All rights reserved.

2025-07-09

---

PDF generated using Haiola and XeLaTeX on 11 Mar 2026 from source  
files dated 9 Jul 2025

aaf2875e-90b5-5c14-b910-61579d3da2c7